

**«Шахидлар хотираси» хайрия жамғармаси
«Қатағон қурбонлари хотираси» музейи**

Наим КАРИМОВ

ҚУРБОН БЕРЕГИН ҚИСМАТИ

Тошкент-2006

«Шаҳидлар хотираси» хайрия жамғармаси ва «Қатагон Курбонла-
ри хотираси» музейи маъмурияти ушбу рисоланинг дунёга келишида
жонбозлиқ кўрсатган Хива Иchan-қалъа музей қўриқхонасининг стак-
чи илмий ходими профессор Шихназар Матрасуловга самимий мин-
натдорчилик билдиради.

“Каримов Н.

Курбон Берегин қисмати. – Т.: Ўзбекистон Миллий кутубхонаси
нашриёти, 2006. - 100 б.

Рисола ўзбек халқи маданиятининг тараққиёти йўлида хизмат
қилган таниқли жамоат арбоби, қатагон даврининг Курбонларидан
бири Курбон Берегин ҳаёти ва ижтимоий фаолиятига бағишланган.

©Алишер Навоий номидаги Ўзбекистон
Миллий кутубхонаси нашриёти

ДЕБОЧА

Тошкентнинг Юнусобод туманидаги “Шаҳидлар хотираси” ёдгорлик мажмунини зиёрат қилиб, шонгмай-тошмай, бир маромда оҳиста оқиб бораётган анҳор бўйига борсангиз, сувнинг бир мавждан иккинчи, учинчи мавжларга айланиб, тинимсиз олга интилиши хаёлингизни ўзининг тубсиз гирдобига тортиб кетади. Истайсизми-йўқми, хаёлингиз маъюсона, ҳатто мунгли оҳанглар оқимига тушиб, ўтган кунлар, ўтган воқеалар, ўтган кишилар кўз олдингизда гавдалана боплади. Зилол мавжлар оқизиб кетаётган барглар оддий барглар эмас, балки кимларнингдир ўтиб кетган, ҳатто баргларга айланган ҳаёти ўлароқ таассурот уйғонади, сизда. Агар адабиётта мойил иисон бўлсангиз, анҳорнинг майин мавжларида Чўлпонлар, Фитратлар, Қодирийларнинг чехралари бир онияга бўлса ҳам товланиб юборгандек бўлади. Агар бу қутлуг масканга қатағон даврининг Қурбони бўлган бобонгиз ёки бирор қариндошнингизни ёд этиш учун келган бўлсангиз, худди шу ерда улар билан дийдорлашгандек, улар руҳи билан учрашгандек бўласиз...

Хотира... Инсонга Оллоҳ томонидан берилган руҳий исъмат. Биз ана шу исъмат туфайли ўтган аждодларимизни эслабина қолмай, ўзимизнинг ҳаётимиз, шууримиз, қалбимизни ҳам поклаб, қайси-дир гуноҳларимиз, қусурларимиз, ножӯя ишларимиз учун Оллоҳдан кечиришини сўраймиз...

...Ана, кимлардир анҳор бўйига яқинлашиб келмоқда. Кўринили-ларидан Хоразм воҳасидан келишганга ўхшайди.

- Ассалому алайкум, домла, - сўрашишади улар.
- Ваалайкум ассалом. Хуш келибсизлар... Қайси шамол учирди?...

Хорзмлик зиёратчилар таниқли жамоат арбоби Қурбон Берегининг фарзанду неваралари бўлиб, ота-боболарининг 1938 йил 4 октябрда шу орада отилганию дафн этилганидан хабар топишган ва шу табаррук масканни зиёрат қилиш, шу ердан бир сиқим тупроқ олиб кетиш учун яхши ният билан келишган экан.

Маълум бўлишича, улар ота-боболари тўғрисида узуқ-юлуқ маълумотга эга бўлган эсалар-да, ота-боболари ҳақида, айникса, унинг фожиали қисмати ҳақида ёрқин тасаввурга эга эмас эканлар. Шунинг учун ҳам уларга ота-боболари Қурбон Берегин ҳақида билганларимни айтиб беришга мажбур бўлдим. Каминанинг қатағон даврининг бегуноҳ жабрдийдаларидан бири Қурбон Берегин тўғрисидаги ҳикоям, балки, сиз учун ҳам мароқли бўлар, ҳурматли китобхон!..

ДАВР ШАМОЛЛАРИ

ХХ аср, Туркистоннинг бошқа вилоятларида бўлганидек, Хоразмга ҳам қонли воқеалар билан кириб келди.

Хонликни забт этиш вақтида минглаб кишиларнинг ёстиғи қуригани ва гулдек воҳанинг вайрон қилингани етмаганидек, генерал фон Кауфманнинг топшириғига кўра, рус шарқшуноси А.Л.Кун саройдаги Хоразм халқининг маданий бойлиги ҳисобланган 300 та қўлёзма, 18 та қуръон, 50 та дарслик-китобларни ҳам олиб, Петербургдаги Халқ кутубхонасига юборди. Бу нодир қўлёзмаларнинг 129 таси тарихий асарлар эди. А.Л.Кун ва унинг ҳарбий либос кийган ёрдамчилари сарой зарбхонсидаги танга қўйиш учун ишлатилган 200 та муҳр ва юзлаб тангаларни, ноёб безак-буюмларни, шулар қаторида қўнғирот сулоласи хонлари учун ясалган тахтни – канда-корлик санъатининг ноёб намунасини ҳам қароқчиларча олиб кетдилар. Маданий бойликларнинг бундай талон-торож этилиб, олиб кетилиши халқ оммасининг илғор қисмида норозилик кайфиятини уйғотмаслиги қўйин эди.

Ўша даврда Хива хони Муҳаммад Раҳимхон П бўлиб, хонлик Пигнакдан то Устюорт адрларигача бўлган кенг майдонни ўз ичига олган, аҳолиси асосан ўзбек, туркман, қорақалпоқ ва қозоқлардан ташкил топган эди. 1910 йили Муҳаммад Раҳимхон П оғир хасталик натижасида 9 ой ётиб вафот этгач, тахтни унинг ўғли Асфандиёр тўра эгаллайди. Генерал Кушнов Муҳаммад Раҳимхоннинг дағи маросимида қатнашиш учун Тўртқўлдан шахсан ўзи келиб, валиаҳд Асфандиёрни хонлик лавозимига тайин этиб кетади. Бу, Асфандиёрхоннинг рус ҳукумати томонидан расман эътироф этилиши эди. Шу воқеанинг ўзи учун ғоят муҳимлигини сезган Асфандиёрхон 1912 йилда Москва, Петербург ва Кавказга сафар қилиб, «оқ подшо» билан учрашади ва ҳатто унинг қўлидан генераллик погонларини қабул қилиб олади. Бу тарихий воқса «Ёш хиваликлар» ҳаракатининг асосчиларидан бири Полвонниёз Ҳожи Юсупов қалами билан қайд этилиб, биринчى ўзбек кинооператори Худойберган Девоновнинг камераси билан келажак авюодлар учун кинотасмаларда муҳрланади.

Асфандиёрхон Россиянинг маданий шаҳарларини ўз кўзи билан кўргани, рус маданияти, фани ва техникасининг оламишумул ютуқлари билан танишгани, «оқ подшо» ва унинг амалдорлари билан бир дастурхон атрофида ўтирганига қарамай, мархум отасидан тамомила

Фарқли ўлароқ, на ободончилик, на маърифат ва маданият ишларига қайишиди. Аксинча, унинг хонлиги даврида халқ оммасининг ахволи янада оғирлашиб, жабр-зулм, хўрлик ва хорлик авж нуқтасига чиқди.

Асфандиёр хонлик тожини кийган кунидан бошлиб оқ тараққий-парвар ватандошларини таъқиб остига олиб, адабиёт ва санъат тараққиётига ҳомийлик қилган отасининг барча хайрли ташабbusлари-га нуқта қўйди. Отаси ҳурмат ва иззат қилган кишиларнинг тагига сув қўйди. Мамлакатда бойўеллар кўшиғи янграй бошлади.

Асфандиёрхоннинг қаҳр-ғазабига учраган биринчи киши эса қайнотаси ва хонликнинг бош вазири Сайид Исломхўжа бўлдики, шунинг ўзидан ҳам унинг инсоний қиёфасини тасаввур этиш қийин эмас.

Шубҳасиз, Сайид Исломхўжа ким бўлган, нега Асфандиёрхон ўзининг қайнотасига биринчи бўлиб қўл кўтарган, деган саволлар туғилиши мумкин. Биз бу саволларга Хоразм тарихининг билимдонларидан бири профессор Матёкуб Матниёзовнинг кўшидаги сўzlари билан жавоб бермоқчимиз:

«...Исломхўжа Исфандиёрхоннинг Петербург сафарида қатнашиб, оқ подшодан кўп нарсалар ундириб олишга, жумладан, Хивага замонавий типда касалхона, почта, телеграф курдиришга розилик олган. 1911-1912 йилларда Исломхўжа раҳбарлигига Нуруллабойда оврўпоча ёзги сарой-мехмонхона қурилиши, уни ёритили учун биринчи электр станцияси қурилишларини бошлиб юборди, янги услубдаги мактаблар очди, оврўпоча услубда маҳбусхона қурдирди. Бу ишлар катта-катта маблағларни талаб этар эди.

Исломхўжа Исфандиёрхонга хазинада мавжуд пуллардан ўз эҳтиёжидан зиёд бердирмади, маишатта, ичкиликбозликка берилиб кетишига, беҳуда пул сарфлашига йўл қўймади. Исломхўжанинг бу ишлари Исфандиёрхонга ёқмади. У ўз атрофига сипоҳийларни тўплаб, «Исломхўжа тамомий ишларни ўз қўлига олиб, ҳатто менга ҳам ихтиёр бермас туур», деб уларни ишонтириб, Исломхўжа устидан шикоят ёздирган ва ҳар куни унга қарши изволар уюштириб турган. Исломхўжага эса ёзилган шикоятларни кўрсатиб, сипоҳийларни ёмонлаган...»¹

Бу сўзлардан Асфандиёрхоннинг (дарвоҷе, Асфандиёрхон номи, юқорида кўрганимиздек, айrim манбаларда «Исломхўжан» шаклида тилга олинади), бир томондан, шахсий манфаати йўлида ҳар нарсага тайёр, иккинчи томондан, мунофиқ инсон бўлганлиги яққол сезилиб туради. Шунинг учун бўлса керак, Муҳаммад Раҳимхон Пастлаб Асфандиёр тўрани эмас, балки катта ўғлини ўзининг вориси, деб тайинлаган эди.

1909 йил 8 ноябрда Фарғона ҳарбий губернатори маҳкамасига келган маҳфий хатда ёзилишича, «Асфандиёр тўранинг қардошларидан бўлган Сайд Муҳаммад Юсуфжон Хўжаевнинг мълумот беришига кўра, Хива хони (яъни Муҳаммад Раҳимхон П – Н.К.) ўзига валиаҳд қилиб илгари катта ўғлини белгилаган. Унинг қўли остида 400 кишилик отлиқ аскари бўлган ва у қайси бир масалада отасидан ранжиганлиги сабабли шу аскарлари ёрдамида отасини ўлдириб, таҳти эгалламоқчи бўлган. Бироқ бундан ўз вақтида хабар топган хон катта ўғлининг валиаҳдлик мансабини бекор қилиб, уни сарой ишларидан узоқдаштирган, маслаҳатчиларини ўлдириб, валиаҳдлик мартабасига эса Асфандиёр тўрани тайин қилган.

Номаълум хуфянинг сўзларига қараганда, «Асфандиёр тўра» яхши ишчи одам бўлишига қарамасдан, ҳалқ ичида унинг нуфузи оз, ҳалқ хоннинг катта ўғлини яхши кўрган. «Хоннинг бошқа болалари дик, Асфандиёр тўра ҳам соғ ҳонлар қонидан бўлмоғи билан баробар жуда кучсиз, касал ҳам фаҳшга мойил қиласурғон киши»¹.

Ана шундай номуносиб кимсаларнинг таҳти эгаллаши одатда ҳалқ ва мамлакат бошига кўплаб фожиаларнинг келишига сабабчи бўлади. Асфандиёрхон ҳам ҳали марҳум отасининг қабри совимасдан, профессор Матёқуб Матниёзов мълумот берганидек, сарой амалдорларини бир-бирига гижижжатлиб, уларга турли-туман айблар қўйиб, кўпларини ишдан бўшатади, ҳисбга олдаи, мол-мулкварини мусодара қилиб, қози хати билан ўз ҳисобига ўтказади, айримларини эса ўлимга ҳукм қиласи. Шундай кишилар рўйхатининг бошида унинг қайнотаси Сайид Исломхўжа туради.

Шу ерда нозик бир масала бор. Гап шундаки, Асфандиёрхоннинг зулм ва зўравонлигидан норози бўлган ва ҳаётлари хавф остида қолган кишилар Жунаидхонга ёрдам сўраб мурожаат қилганлар. Жунаидхон Хивага ишончли кишиларини юбориб, Асфандиёрхондан маҳбусхонада ётган сипоҳий ва мулла-эшонларни озод қилишни сўраган. Асфандиёрхон Жунаидхоннинг илтимосига рад жавобини бергач, у Хивага лашкар тортиб келган. Шаҳарни бир неча кун давомида қамал қилиб, қалъя ичига ёриб кирган Жунаидхон ҳисбга олинганларга озодлик берган. Ҳаёти хавф остида қолган Асфандиёрхон эса 36 минг сўм жарима тўлаб, жон сақлаб қолган.

Мазкур воқеадан кейин, 1916 йилда Хўжайли аҳолиси Асфандиёрхоннинг зулмига қарши бош кўтаради. Қўзюлонинг келиб чиқишибоси маишатпараст хоннинг Хива хонлигидаги гўзал қиз ва жувонларни зўрлаб ҳарамга олдириб келиши эди. Хўжайлилик қассоб Дўстниёз Юсуповнинг 15 яшар, темирчи Жаббор полвоннинг 14

яшар қызларининг ҳарамга олиб кетилиши хўжайликларнинг сабр косасини тўлдириб юборади. 1916 йил 16 январь куни 500-600 чоғи хўжайликлар шаҳарбети Авазхўжа бошчилигига ахлоқсиз ҳонга қарши исён кўтаришади. Дастлаб газабнок оломонга манғит беклиги қипчоқлари, сўнgra Гурлан, Шовот, қипчоқ, Тошқовуз, қўнгирот туманларининг аҳолиси ҳам қўшилди. 18 апрель куни қарийб 3 минг кишилик оломон Хивага етиб келиб, ҳонликни ларзага келтиради. Исёнчилар билан учрашиш ва уларнинг шикоятларини эшитишга юраги дов бермаган ҳон гарнizon бошлиғи, рус армияси полковниги Колосовскийдан исёнчилар билан музокара олиб боришни илтимос қиласди. Исёнчилар Асфандиёрхоннинг таҳтдан воз кечишини талаб қиласдилар. Ҳатто қози калон Бобоохун ҳам исёнчиларнинг шикоятлари тўғри эканлигини эътироф этиб, ҳондан ўз ҳатоларига иккор бўлиши лозимлигини айтади. Асфандиёрхон эса қози калон олдида тавба қилиш ва оломондан узр сўраш ўрнига рус жазо отряди ёрдамида исённи бостириб, исёнчиларга 554 минг сўм миқдорида жарима солади.

Асфандиёрхондан ана шу тарзда жабр-зулм кўрган ҳалқнинг 1917 йилдаги инқилобий воқеалардан рағбат олмаслиги, нафақат «оқ подшо» нинг, балки Хива ҳонининг ҳам ағдарилишини орзу қиласлиги ақл бовар қиласди ҳодиса эди.

Романовлар сулоласининг тарих саҳнасидан кетиб, Петербургда Муваққат ҳукуматнинг барю этилганлиги Хивадаги рус аскарларининг ҳам шу ҳукуматга ишонч билдириб, унга ҳалол хизмат қилиши ҳақида қасамёд қилишини такозо этади.

Хива шаҳрида кўп сонли рус аскарларининг тўплантанини кўрган «Ёш хиваликлар» (бу ташкилот 1914 йилда қози калоннинг ўғли Бобоохун Салимов ташаббуси билан тузилган) ҳам «ҳайриҳоҳлик белгиси» сифатида бир неча юз киши билан аскарлар жойлашган казармага етиб борадилар. Улар рус ҳарбий отряди бошлиғи полковник Мерзляков билан музокара олиб бориб, Хивада ҳам Петербурглагидек демократик ўзгаришлар қилиши ҳақида келишиб оладилар. Мерзляков ҳонни ўлдирмаслик шарти билан уларга ёрдам беришини вайда қиласди.

Професор М.Матниёзов Полвонниёз Ҳожи Юсуповнинг «Ёш хиваликлар тарихи» китобига асосланган ҳолда тасвир этилаётган вақт ҳақида бундай маълумотни берган:

«Ёш хиваликлар ташкил қиласган кўп минг кишилик колоннани ҳон саройига бошлаб бориш учун бир рота аскар жўнатилди ва улар бошқарган оломон «Яшасин озодлик!», «Йўқолсин золимлар!» деган

шиор остида Нуруллабой томон хон саройига йўл олдилар. Ёш хиваликлар партияси аъзолари хондан давлатни конституция асосида бошқариш, хоннинг айрим мулозимларини уларнинг қўлларига топширишни талаб қилдилар... Бу воқеаларнинг гувоҳи Абдулла Болтавенниң эсдаликларида айтилишича, Полвонниёз Ҳожи Юсупов, Шоликаровлар ёш хиваликлар ва шаҳар аҳолисининг вакили сифатида Исфандиёрхон ёнига кириб, ўз талабларини баён қилдилар... Исфандиёрхон уларга қараб: «Сизлар вакил бўлиб келган бўлсангизлар, ҳурриятни куч билан оласизларми ёки шариат биланми?» - деди. Полвонниёз Ҳожи Юсупов: «Тақсир, ҳурриятни шариат билан оламиз», - деди. Хон Ёш хиваликлар вакилларига қараб: «Сизлар ҳам шариат йўлини биласизларми?» - деди. Исфандиёрхон бу сўзлари Полвонниёз Ҳожи Юсупов билан Назир Шоликаровларни газаблантириб юборди. Назир Шоликаров ўрнидан сакраб туриб, баланд овоз билан: «Бизлар шариатни биламиз, лекин сизлар уни билмайсиз. Ёш қизларни зўравонлик билан ота-онасидан тортиб олиб, номусига тегиб, уни бошқа одамга хотинликка бериш қайси бир шариатда бор ёки қизларни номусига тегиб, уларни уриб ўлдириш, баданига қайноқ сув қўйиш, бегуноҳ халқни мол-мулкини талаш, қаршилик кўрсатганларни зинданга ташлаш, қийнаб ўлдириш қайси бир шариатда бор? Агар зарур бўлса, биз сизнинг даҳшатли қилмисларингизни далиллар билан исботлаб берурмиз,» - деди.

Кейин Полвонниёз Ҳожи Юсупов хонга мурожаат қилиб, шундай деди: «Тақсир, ўтган замонларда, тарихда» идораи машрутия» бўлган эди. Бизлар ҳам шу шаклда «идораи машварат» ташкил қилиб, сиз билан биргалиқда маслаҳатлашиб иш олиб борамиз». Назир Шоликаров хонга газаб билан қараб: «Агар талабимиз қабул қилинmas экан, сизни хон лавозимидан тушириб, ўрнингизга бошқа хон тиклаймиз ва ва ундан ҳуррият ва машварат оламиз», - деди...

...Ёш хиваликлар билан суҳбатдан кейин ноилож қолган Исфандиёрхон: «Мени ота-боболарим шариат йўли билан ишлаб келдилар, албатта, мен ҳам шариатдан чиқмасман. Шунинг учун бу ишлар келажакка мувофиқ бўлса, ҳуррият бердим», - деди»¹.

Асфандиёрхон «Ёш хиваликлар» томонидан тайёрланган манифестга имзо чекиб, халққа жабр ўтказган мулозимлардан бир нечгасини улар қўлига тоширади. Шундан кейин сайлов йўли билан Депутатлар мажлиси ва Нозирлар кенгаши тузларилади. 1917 йил 8 апрелда бўлиб ўтган биринчи йиғилишда Депутатлар мажлиси раислигига Бобоохун Салимов, Нозирлар кенгаши раислигига эса Ҳусайнбек Матмуродов сайланади.

Аммо «Ёш хиваликлар»нинг золим хон устидан эришган бу галабаси узоққа бормади. Асфандиёрхон июнь ойининг бошларида Муваққат ҳукуматнинг Хивадаги вакили генерал Мирбадаловга суюнган ҳолда Мажлис ва Кенгаш аъзоларига қарши фитна уюштириб, Жуманиёз Матмуродов бошлиқ 17 нафар «Ёш хивалик»ни қамоққа олди ва уларнинг аксарини отиб ташлади. Ўша кезларда Тошкентта ёрдам сўраб борган Бобоохун Салимовгина бир неча маслақдошлиари билан бу даҳшатдан омон қолди.

Асфандиёрхон давлат тўйнгаришини амалга ошириш билантина кифоятланиб қолмай, жадидларни қириб ташлаш ва умуман ўзидан норози бўлган халқ оммасининг дамини ўчириш мақсадида рус аскарларига мурожаат этиб, улардан усталик билан фойдаланди. 1917 йил иполида ҳарбий комиссар Зайцев бошчилигида жазо отрядлари тузилиб, шаҳар ва туманлардаги аҳолининг фаол қисми жазо отряднинг қаҳр-ғазабига дучор бўлди.

Ана шундай мураккаб шароитда Жунаидхон яна тарих саҳнасида пайдо бўлади. Ўз ҳокимиётининг кун сайин ўзгариб турган шароитда заифлик қилиши мумкинлигини сезган Асфандиёрхон 1918 йил 22 январда Жунаидхонга хонликни биргаликда бошқариш ва большевикларга қарши қўлни-қўлга бериб курашишни таклиф этади. Жунаидхон бу таклифни «мамнуният билан қабул қиласади. У Хивага кириб келиши билан бирлашган қўшинларнинг қўмандони этиб тайинланади. Бироқ Жунаидхон, кўп ўтмай, халқпинг: «Икки кўчқорнинг боши бир Қозонда қайнамас», деган нақлига амал қилиб, Асфандиёрхонни ўлдиради. Жунаидхон таҳтга марҳум хоннинг акаси Саид Абдуллахонни ўтқазиб, ўзи тўлақонли ҳукмдор сифатида мамлакатни идора қилишга киришади.

Большевиклар Ўрга Осиёнинг чор ҳокимиётига қарашли бўлган бир қарич ерини ҳам қўлдан чиқаришни исташмади. Туркистон Автоном Республикаси ва унинг Тўрткўлда жойлашган Амударё бўлими Хива хонлигига мунтазам равишда фитналар уюштириб турди, хонликнинг ички ишларига аралашиб, ҳатто ўз ихтиёридаги жазо отрядларини ҳам ёрдамга юбориб турди. Хонликни ўз тасарруфига қўшиб олиш режаси билан яшаган большевикларнинг баҳтига, Жунаидхон отрядлари ва хон маъмурларининг ўзбошимчалиги, мамлакатда ҳукм сурган очлик ва вайроначилик туфайли халқ оммасининг норозилиги тобора кучаяётган эди. Натижада 1919 йилнинг ноябь ойида Жунаидхонга қарши қўзғолонлар кўтарилиди. Жунаидхон бу қўзғолонларни бостириш учун 15 минг кишилик қўшинини қўзғолончилар устига ташлади. Қўзғолончилар ёрдам сўраб, Тўрткўлга делегация юбордилар.

Бу, большевиклар учун айни мудлао эди. 1919 йил 20 ноябрда РСФСРнинг Хивадаги вакили Г.К.Скалов Жунаидхоннинг ички сиёсатидан норози бўлган Хива халқига ёрдам кўрсатиш ва Хива хонлиги га қўшин кириши ҳақидаги директивани олди. Бу директива Туркистонга маҳсус топшириқ ва ваколат билан юборилган Турккомиссия томонидан берилган эди. Турккомиссия ўзининг бу хатти-ҳаракати билан Совет давлатининг империалистик нияг ва режаларини ошкор қилиб қўйди. Г.Б.Скалов, мазкур директивага мувофиқ, 1919 йил 22 декабрда Амударё гурӯҳи қўшинларининг кўмандони Н.М.Шчербаковга Хива хонлигига бостириб кириш ҳақида буйруқ берди.

Хуллас, большевиклар қўзғолончилар билан ҳамкорликда ҳаракат қилиб, 1920 йил январь ойининг сўнгти кунларида озовот туманида Жунаидхон қўшинларига қаттиқ зарба бердилар ва 1 февралда Хивага жангсиз-жадалсиз, голиблар сифатида кириб келдилар.

Хива хонлиги ана шу тарзда Совет давлатига қўшиб олинди.

Аммо халқ оммасининг орзу-умидлари амалга ошмади. Агар қизил аскарлар қўзғолончилар билан бирга босиб олинган ерлардаги бечора халқни талааб, унга жабр-зулм кўрсалган бўлсалар, Хива хонлиги Туркистон Автоном Республикасига қўшиб олинганидан кейин рўй берган воқеалар олдида бу жабр-зулмлар ҳолва бўлиб қолди. Туркфронт инқилобий трибунали раиси И.Р.Фонштейн 1920 йил 6 августда Тошкентта йўллаган телеграммасида Хивада қизил аскарлар томонидан уюштирилган жиноий ишлар тўғрисида бундай маътумотни берган эди: «Биз бу ерда зудлик билан аниқлаган даҳшатли воқеа ҳеч қаерда бўлмаган. Бу очиқдан-очиқ амалга оширилган ҳарбий талонник эди... Хотин-қизларни олиб кетиш, уларни худди қуллар, тутқунлар каби асраш, Петро-Александровск (Тўртқўл – Н.К.) ва Хивадаги гузарларда кимошлий йўли билан сотиш, Хива саройларини талон-торож қилиш, қизил аскарлар томонидан дуч келган одамни мол-мулкини тўплашдан (тўғрироғи: беришдан – Н.К.) бош тортди, деган баҳона билан отиб ташлаш ҳоллари содир бўлди...»¹

Большевиклар Хива хонлигига совет ҳокимиятини ана шундай ваҳшитийлик билан ўрнатдилар.

ЙЎЛ БОШИДА

Хоразмда истиқомат қилаётган кишиларнинг бошига тушган кулфат, хоразмлик деҳқон ва чорвадорлар чекаётган азоб, вояга етган хушбичим қизларни кутаётган ҳарам, оталар дилидаги ғам-аламлару

оналар юрагидаги оловли нолалар Оллоберган аканинг оиласи учун ҳам бегона эмас эди.

1904 йилнинг декабрь ойида, қурбон ҳайит кунларида Хива шаҳридаги тегирмончи Оллоберган aka оиласида иккинчи фарзанд туғилиб, унга Курбон деб исм берилди. Курбоннинг болалиги, тушунарлики, оғир ва машниққатли шароитда кечди.

«Мен, - деб ёзган эди Курбон Берегин 1935 йил 22 октябрда Тошкентда рус тилидаги таржимаи ҳолида, - 1904 йил декабрида Хива шаҳрида камбағал ҳунарманд оиласида туғилдим. Ота-онамнинг Хонқа туманидаги Навхас қишиюғида камбағал-дәхқон хўжалиги бўлиб, бир неча таноб келадиган ерда ишлашар, оиласиз эса беш жондан изборат эди.

Ота-онам 1902 йилгача ана шу хўжалиқда қашшоқларча турмуш кечиришган. Хон ва унинг амалдорлари томонидан белгиланган оғир ва сонсиз-саноқсиз солиқлардан тинка-мадори қуриб, 1902 йилнинг охириларида Хива шаҳрига кўчуб боришига мажбур бўлишган. Отам ўша ердаги тегирмон ва мойжувозни таъмирлаш ишлари билан машғул бўлган. Отамнинг бир неча қўлбола асбоб-анжомларидан ташқари, бирор устахонаси бўлмай, ё одамларнинг илтимоси билан, ёки ўзи иш ахтариб топиб, тирикчилик ўтказган. Онам нон ёпиб, ўзига тўқ қўни-қўшниларнинг кир-пирларини ювиб юрган».

Курбон Берегиннинг ёзишича, у 8-9 ёшларидан, яъни 1912-1913 йиллардан бошлаб уч-тўрт йил давомида эски мактабда ўқиган. Мактабни тутатганидан сўнг, 1917 йилда мадрасага ўқишига кирган. Мазкур мадрасада таҳсил кўрган акаси Курбондан икки-уч ёш катта бўлғанлиги сабабли фақат қиши ойларида ўқиган, ёз ойларида эса шаҳардаги бинокорлик ишларида мардикорлик қилган ёки Хива туманидаги Дашиб, Серчали, Бадирхон қишлоқларида бойларга қарашти ерларда буғдой, беда ўриш каби дала ишларида меҳнат қилиб, ота-онасига ёрдамлашган. Баъзан ҳатто қиши ойларида ҳам, иқтисодий зарурат орқасида ўртоқлари билан бирга ҳорақумга бориб, саксовул кесиб келган. Курбон ҳам 12 ёшидан бошлаб акаси билан бирга шундай ишларда қатнашиб, турмуш машниққатларини бошидан кечира бошлаган.

Турмуш кундан-кунга оғирлашиб борди. Оллоберган aka ўз касбкори орқасида рўзгор тебратга олмай, фарзандлари билан бирга йиғим-терим ишларига ҳам борадиган бўлди.

1919 йилнинг ёзида Оллоберган aka ўзининг мойжувоз қуриш ва таъмирлаш ҳунарига ўргатиш мақсадида Курбонни ўзи билан бирга олиб юради. Шундай қилиб, Курбон 1916 йилдан 1919 йилгача aka-

си билан кунбай ва ёлланма ишларда тер түкиб чиникқан бўлса, 1919 йилдан эътиборан отаси билан бирга ишлаб, улуг рус ёзувчиси айтганидек, «ҳаёт дорилфунунлари»ни ўта бошлайди.

Курбон улғайганидан кейин ҳам 1914-1920 йилларда кечган оғир ва маşaққатли ҳаётни унумтади. Ўша йиллар унинг оиласи учун даҳшатли даражада оғир кечди. Қашшоқлик улар вужуди ва руҳий оламида чукур из қолдирди. Лойдан ясалган, нураган, зах, қоронги уйда ярим оч, ярим яланғоч яшашнинг ўзи бўлмайди, ахир. Устига устак, акасини қарз-ҳавола ҳисобига уйлантириш натижасида улар қашшоқликнинг барча аччиқ таъмларини тотишга мажбур бўлдилар.

Ана шундай мушкул кунлардан кейин, 1920 йилнинг бошларида Хоразмда инқилоб оловлари ёна бошлайди. Шундай кунларнинг бирида Курбон болалик пайтидан бирга мардикорлик қилган ўртоғи билан иш қидириб, тасодифан қизил аскарларнинг штабига бориб қолади. У шу вақтда эндиғина 16 ёшта қадам қўйгани учун уни ишга олишмайди. РСФСРнинг Хоразмдаги кенг ҳуқуқли вакилларидан бири Г.И.Бройдо унга: «Сен ҳали ишлашга ёшлик қиласан. Бўйингни қара, бир қарич. Бу ёшда ишга эмас, мактабга бориш керак», - дейди ва унинг икки чаккасидан шашқатор оқиб тушаётган кўз ёшларини кўриб, оиласининг оғир аҳволга тушганини сезади-да, камбағаллар ва етим-есирлар учун очилган болалар уйига кириб ўқишини маслаҳат беради. Шу воқеадан кейин Курбон Оллоберганов Хивада Г.И.Бройдо ташаббуси билан ташкил этилган болалар уйига кириб тарбияланган дастлабки хоразмлик болалардан бири бўлади.

Кунларнинг бирида болалар ўргасида: «Янги Урганчда ҳам болалар уйи бор эмиш. Ўша болалар уйида берилаётган озиқ-овқат ҳам, тартиб-ингизом ҳам минг чандон яхши эмиш. Ўқиши-ўқитиши ишларини ҳам бизникига қараганду дуруст дейишияпти», - деган гаплар чалиниб қолди. Курбон ўша куни ухламай чиқди. Агар Янги Урганчдаги болалар уйи тўғрисидаги гаплар чин бўлса, ўша ерга бориб яшасам, қорним тўқ, устим бут бўларди, деб ўйлади у. Хаёлида Янги Урганчдаги болалар уйи жаннатмонанд бир макондек жонланниб-тovланиб кетдики, у ўртоғи билан ўша ерга, албатта, кўчиб ўтишни дилига тутди. Ўртоғи ҳам ўша жаннатмонанд макон ҳақида-ги миши-мишларни эшитавериб, кўнгли ёғдек эриб юрган экан, дарҳол рози бўла қолди. Хуллас, 1920 йилнинг май ойида икки оғайнини Янги Урганчдаги болалар уйига кўчиб ўтдилар ва айни пайтда 1-босқич мактабда ўқий бошладилар.

Курбон янги болалар уйида яшар экан, ўқишига меҳр-муҳаббат билан киришиди. Ўша йилларда ўқув ва тарбия масканларида қабул

қилинган таомилга кўра, болалар дунёвий фанларни ўзлаштириш билан бирга меҳнат тарбияси билан ҳам машғул бўлар эдилар. Болалик чоғидан меҳнатта кўниккан, турли ҳунарларни эгаллашга одатланган Курбон дарсдан ташқари пайтларда пойафзал тикиш ва ямаш ишларини ҳам ўрганди. Шунингдек, ўёшлар ташқилотига аъзо бўлиб кириб, ўзида жамият ишларига нисбатан ҳавас борлигини сезди.

Болалик ва ёшлилари ноҳақчик, зўрлик ва зўравонлик авж олган шароитда кечгани учунми, ўш Курбон қалбида ҳақиқат ва адолат учун кураш учқунлари фоят эрта чақнади. Халқ, ватан, келажак тақдиди гаровга қўйилган, жамиятда бойлар ва камбағаллар, дўстлар ва душманлар, – хуллас, бойлик ва йўқлик ўртасида ҳаётмамот кураши қизғин тус олган эди. Чор атрофда адолатнинг қарор топиши учун жангу жадал бораради. Қурбон ўзи гувоҳ бўлган ва гувоҳ бўлаётган воқсаларни синчковлик билан кузатиб, уларни идрок қилишта ҳаракат қилди. Хуллас, 20-йилларнинг бошлари Хива хонлигидаги ижтимоий-сиёсий муҳит, халқ оммасидаги норозилик кайфияти, оиласининг аянчли ҳаёти ёш Курбон қараштарининг сенинг-аста шаклланиб боришита таъсир кўрсатмай қолмади.

Хивада халқ ҳокимияти ғалаба қозонганидан кейин 13 кун ўтгач, шаҳар ёшларининг митинги ўтказилиб, унда собиқ хонликнинг барча шаҳар ва туманларидан келган ёшларнинг вакиллари иштирок этдилар. Ана шу митингда Хоразм Ёшлар иттифоқига асос солинади. 1920 йилда Хоразм Ёшлар иттифоқига биринчилар қаторида кириб фаолият кўрсатганлар орасида Курбон Оллоберганов ҳам бўлади.

Ёшлар ташқилотида, Курбондан ташқари, кейинчалик меҳнат аҳдининг ҳақ-хукуқларини ҳимоя қилишда жонбозлик кўрсаттан Абдулла Аббосов, Пайз Давлатов, Рўзи Матчонов, Машарип ҳориев, Мадамин Ёқубов, Ота Мискинов, Латиф Шарипов, Жаббор Назаров, Ёқуб Алиев, Жўра Зокиров, Исо Сафоев, Назир Худойназаров, Абдулла Бобожоновлар ҳам бор эдилар. Улар номи Хоразмдаги ёшлар ҳаракати тарихида бир умрга қолган.

Курбон 1-босқич мактабда бир йилдан зиёдроқ вақт давомида таълим ва тарбия олиб, барча фанлардан аъло баҳолар билан ўқув йилини тутгатади. У ўзи муваффақиятли ўқибгина қолмай, айrim фанлардан орқада қолган ўртоқларига ёрдам ҳам беради. Унинг ўқишига бўлган меҳрини кўрган мактаб педагогик жамоаси 1921 йилнинг июнида шаҳар маориф бўлимидан уни Хивадаги ўқитувчиларни тайёрлаш қисқа муддатли педагогик курсларига юборишни тавсия қиласди. Ва Курбон шундай курсларнинг бирида ўқиб, ўзини педагоглик истиқболига тайёрлайди.

ўша йилларда Урганч шаҳрида ҳам, Хива хонлигининг бошқа ҳудудларида ҳам европаликлар кўп бўлиб, улар билан яқиндан танишиш Курбоннинг рус тилини ўрганишига имкон тудиради.

ҳокимият ҳалқ қўлига ўтган биринчи кунданоқ ўлкада миллий кадрларга бўлган талаб, айниқса, кучайди. Оддий меҳнаткашлар орасида ва умуман жамиятда диний фанатизмнинг таъсири катта бўлганлиги, маҳаллий мактабларда тажрибали ва янтича қарашли ўқитувчиларнинг озлиги учун ёшлиарни маданият бобида илгорлаб кетган шаҳарларга ўқишга юбориш лозим эди. Шунинг учун ҳам Хоразмнинг келажаги бўлган истеъодли ёшлиарни Тошкент, Боку, Қозон сингари шаҳарларга юбориш мақсадга мувофиқ, деб топилади. 1921 йилнинг август ойида хоразмлик ёшлиардан 18 киши Тошкент ва Қозон шаҳарларига ўқишга юборилди. Матчон Исмоилов, Отаулла Мажидий, Матназар Олломонов, Собир Орисев, Собир ўрозов, Юсуф Худойберганов, Тожиддин Девонов, Пиржон Раҳматий ва бошқалар тантана билан ўқишга жўнаб кетишади. Ҳали Хива билан Янги Урганчдан бошқа жойни кўрмаган ёшлиар учун олис шаҳарларга бориб ўқиш космосга чиқишидек фавқулодда ва қувонарли ҳодиса эди.

Ўша куни сафарга чоғланган ёшлиар чесрасидаги хурсандчиликни Хоразм булбули шоир Сафо Муганийи қўйицдаги сатрларда ифодалаб, уларни кузатип чогида шавқ-завқ билан ўқиб беради:

Хоразмнинг фарзандлари,
Ўйғонинглар, уйғонинглар.
Кўринг бошқа миллатларни,
Ўйғонинглар, уйғонинглар.

Уйғонмоқдан мақсад нима?
Парход¹ яхшими, кема?
Ихлос қўйинглар илима,
Ўйғонинглар, уйғонинглар...

Деҳқон, ишчидир аслингиз,
Бу йўлдан дўнмангиз ҳаргиз,
Омон бориб, соғ келингиз,
Ҳайда борсанг соғ бўлинглар.

Муганий чиқмасин ёддан,
Илм ўрганинг устоддин,
Билинг ҳар бир маълутотдин,
Ҳайда борсанг соғ бўлинглар².

Хоразмлик ёшлардан 9 кипи Қозон шаҳридаги олти ойлик ҳарбий-сийёсий мактабга юборилиб, қолганлари Тошкент шаҳридаги турли ўқув юртларига жойланғырылди. Қозон шаҳрига юборилган ёшлар орасыда Курбон Олжуберганов ҳам бор эди. Шаҳар маориф бўлими раҳбарлари педагогик курсларни тутатиши арафасида уни чақириб олиб, Қозон шаҳрига ўқишга борувчи ёшлар рўйхатига киритган эдилар.

Ёшлар 1921 йил августидага поездда дастлаб Москва шаҳрига бордилар. Сўнгра бошқа поездга тушиб, Қозонга етиб келдилар.

Шу ўринда шуни қайд этиш жоизки, хоразмлик ёшларнинг айнан Қозонга ўқишга юборилиши тасодифий эмас эди. Негаки, XIX аср охири - XX аср бошларида Ўрта Осиёning бошқа шаҳарларида бўлганидек, Хоразмга ҳам Волга бўйларидан кўплаб татар ва бошқирдлар кўчиб келишган ва шу ерда янги усул мактабларини очиб, Хоразм ёшларининг илғор фан ва маданиятни эгаллашларига ёрдам бера бошлаган эдилар. Юқорида истифода этишган манбада шу ҳақдаги қўйидаги маълумот билан танишишимиз мумкин:

«Бухоро каби Хива да ҳам татарлар жуда кўп. Улар Урганчда иккита янги усул билан давом қиласурган мактаблар очганлар: биттаси ўғил, биттаси қиз болалар учун. Биринчисида муаллим татар Кусайнов бўлиб, иккинчисида муаллим унинг хотинидир. Татарлар Хива хонлигидаги маҳаллий ҳалқни газетлар билан жуда яхши таништирганлар. Бухородагидек эмас, Хива ҳалқининг тили татарларга жуда яқин бўлганлигидан татар газетларини мунда мулла, савдогар ва бошқа ҳалқларнинг барчаси ўқийдурлар. Бу газетлар ичida энг кўп тарқалганлари Оренбургда нашр қилинмоқда бўлган «Вақт» газети. Булардан бошқа яна Русияда нашр қилинадирлган татар газетларидан «Иттифоқ», «Юлдуз», «Тараққий»ни, журнallардан «Дин ва майшат»ни ва Истанбул газетларидан «Ваҳдат»ни ўқийдур.

Газет ҳам янги мактаблардан бошқа татарларнинг яна бир иши бўлса, ул ҳам Хива ҳалқига янги китоблар тарқатишиларидур. Лекин татарларнинг бу ишларида тўғри бир йўллари бордурки, улар фақат илмий ва фанний китобларгина тарқатиб, инқиlobий китоблар келтирмайдилар.

Шундоқ бўлганда ҳам татарлар Хива ҳалқини дунёда бўлиб турган инқиlobлар билан таништирадилар. Уларнинг таништиришлари маҳаллий ҳалқ билан бўлган мусоҳабатлари ҳам газетлари соясинадидир. Уларнинг ушбу хизматлари соясида Хива ҳалқи бир оз уйкудан уйғониб, бошқа ҳикматлар ва бошқа тартиблар билан бир оз танишганлар ҳам бошқа янги тартиб кирган жойлардаги аҳвол билан ўзлаштининг кун кўришларини тенглантишишга ўргангандар. Шунинг на-

тижаси ўлароқ құксизгина бўлганда ҳам Хива ҳалқи «“Кўмак», «“Бегир» отли ҳукумат хизматларига норозиликлар баён қила бошлаганлар»¹.

Бу сўзларга таянган ҳолда айтишимиз мумкинки, Қозонга ўқишига борган хоразмлик ёшлар, шу жумладан, Қурбон Оллоберганов онги ва дунёқарашининг уйғонишида ҳам татар зиёлиларининг таъсири сезиларли бўлган. Қурбоннинг биринчи босқич мактабида ўқиганида ҳам, педагогик курсларда муайян малака ҳосил қилганида ҳам татар ўқитувчиларнинг билими ва маданиятидан баҳраманд бўлгани шубҳасиздир.

Ҳозир Урганч шаҳрида истиқомат қилаётган нафақачи Матчон Исмоилов ҳам 1921 йилда Қурбон билан бирга Қозонга ўқишига борган. У мазкур сафар тўғрисида бундай ҳикоя қўлган эди:

«Биз Қозон шаҳарига стиб бориб, ҳарбий-сиёсий мактабга жойлашдик. Бизнинг ҳар биримизга биттадан бешотар милтиқ бериб қўйдилар. Хоразмлик ўқувчилар орасида Қурбон энг зийрак ва чаққон йигитлардан бўлиб, тинмай-чарчамай ўқир ва ўрганар эди. Борди-ю, биз бирор нарсани тушунмай қолсак, ундан сўрар эдик. У эринмай, вақтини аямай тушунтириб берарди.

Қурбон Қозондаги ўқиши пайтларида жуда кўп китобларни ўқиб чиқди. Бу давр унинг учун катта бир дорилғунун бўлди, десак, муболага бўлмас. Қурбон ҳамма вақт ишни ўқиши билан бирга қўшиб олиб борарди. Биз у билан умрининг охиригача яқин алоқада бўлиб турдик. Уни ҳамма вақт ижодий иш устида учратар эдим...»

20-йилларнинг бошларидаги Қозонда ташкил этилган ҳарбий-сиёсий мактаб совет давлати амалга ошираётган тадбирларни ҳалқ оммаси ўртасида тарғиб қилувчи кишиларни тарбиялашга ихтисосланган эди. Қурбон ёш ва ҳамма нарсага қизиқувчан бўлганлиги туфайли назарий дарсларни диққат-эътибор билан тиңглаб, амалий машгулотларда фаол иштирок этди. Аммо ҳали оёққа маҳкам турмаган Хоразм Ҳалқ Республикасидан келаётган ёрдам етарли бўлмагани учун Қурбон ҳам, бошқа хоразмлик ёшлар ҳам иқтисодий жиҳатдан катта қийинчилекларни бошдан кечиришга мажбур бўлдилар. Емакнинг тайини бўлмаган, Татаристоннинг қаҳратон қишишига дош беролмаган ёшлар, олти ойлик ўқишини давом эттира олмай, декабрь ойида, Янги 1922 йил арафасида она-ватаналарига қайтиб кетишдан ўзга чора топа олмадилар.

Қурбон Хивага қайтиб келганида энди у меҳрибон ота-онаси-нинг иссиқ бағридаги фарзанд эмас, балки унинг изми бутуплай Хива ёшлар ташкилоти марказий кўмитасининг қўлида, Хива ёшлар

ташкилотининг жилови эса Россиядан келган большевиклар ихтиёрида эди.

Большевиклар ўша йилларда доҳийлари Лениннинг кўрсатмаларини бажариш учун Россиядан неча минг километр узоқлиқдаги Ўрга Осиёнинг ҳар бир вилояти, ҳар бир шаҳари ва ҳар бир туманида ўзларининг ҳарбийлашган сиёсий ташкилотлари – Фавқулодда комиссияларни тузишга киришган эдилар. Улар бундай комиссияларга ҳали ақд-заковати пишиб етмаган ёшларни ишга таклиф қилиб, саботажчиликда, аксилинқилюбчиликда айблангандан ватандоштарини улар кўли билан хонавайрон қилаётган эдилар.

1922 йилнинг 15 январида марказқўум Курбонни ҳам ишга таклиф қилиб, уни Хива шаҳри ёшлар ташкилотининг умумий бўлимига мудир этиб тайинлади. Орадан уч ой ўтганидан кейин унга шаҳар Фавқулодда комиссиясининг маҳфий-шошиликч ишлар бўлимига терговчилик қилиш вазифасини ҳам юклади. Курбон мазқур лавозимда август ойининг биринчи ярмига қадар ишлади. Шундан кейин марказқўум Курбонни бир груҳ комсомол ёшлар билан бирга Москвага, Шарқ меҳнаткашлари коммунистик университетига ўқишга юборди. Аммо иссиқ ўлкада ултайдан йигит рус иқлимига мослаша олмай, рус қишининг илк совуғи тушиши билан қаттиқ шамоллаб, ўпқаси яллигдан бошлади. Талабани кутаётган оғир хасталикни даволашдан кўра унинг олдини олишни лозим, деб билган шифокорлар Курбонга вақти фаниматта ўз ватанига қайтиб кетишини маслаҳат бердилар. Курбон 1922 йилнинг ноябринда Хоразмга қайтиб келиб, бир оз даволанганидан кейин ёшлар ташкилотининг марказий аппаратида ишлай бошлиди. Орадан икки ой ўтгач, у Хива вилоят ёшлар ташкилоти қошидаги шаҳар ёшлар ячейкасининг котиби этиб сайланди.

Ўша кезиарда Хоразмда Советларнинг 4-курултойини ўтказиш бўйича тайёргарлик ишлари авж олган эди. Курутгойда Хоразм Xalq Совет Республикасини Хоразм Xalq Совет Социалистик Республикасига айлантириш масаласи қўйилажаги учун бу масала бўйича кенг халқ оммаси ўртасида тарғибот ва ташвиқот ишларини олиб бориши талаб этилди. Шу муносабат билан Курбон Қазорасп туман ёшлар ташкилотининг масъул котиби этиб сайланади ва у айни пайтда вилоят ёшлар ташкилоти сиёсий оқаргув бўлимига мудир этиб тайинланади.

Ўша вақтда Хоразм шароитида бажарилиши лозим бўлган ишлар ғоят кўп эди. Уларнинг ҳар бири ёшлардан мардлик ва жасорат, илм ва тажриба, ҳушиёрлик ва омилкорликни талаб қиласарди. Масалан, ёш йигит-қизларни тўғри йўлга бошлиш, ота-онасиз ёки қаровсиз қолган болаларни ингернатларга жойлаштириш, фолбинлик, дуохонлик

қилиб кун кечираётган ишёқмас унсурларни фош этиши, ёшлар орасида тарғибог ишларини кучайтириш... - бундай ишларни йўлга кўйиш ва бажаришда Қурбон ташкилотчилик қобилиятини намоён этди. У бирор-бир топшириқни бажаришга киришганида, шу топшириқни, албатта, қойилмақом қилиб бажарар, масъулиятни чуқур ҳис этишда бошқаларга ҳамиша ўrnак бўларди.

1924 йилги миллий-давлат чегараланиши натижасида Қурбон хизмат қилаётган Тошовуз вилояти Туркменистон ССР таркибига ўтказилди. Қурбон 1924 йил августидан республика ёшлар ташкилоти марказқўми инструктори, 1925 йил январидан вилоят ёшлар ташкилоти сиёсий-оқартув бўлими мудири, ўша йилнинг апрель ойида эса вилоят ёшлар ташкилоти масъул котиби лавозимларида хизмат қилди.

Ўтган асрнинг 20-30-йилларида ва, умуман, совет даврида яшаб, турли комсомол ва партия ишларида фаолият олиб борган кишилар тўгерисида сўз борганда, нима учундир ҳозир уларнинг бу соҳаларда олиб борган ишлари четлаб ўтилади. Ҳатто уларнинг комсомол ва партия ташкилотларида раҳбарлик лавозимида кечган йиллари улар ҳаётининг қора саҳифалари сифатида баҳоланади. Қолбуки, инсон қайси даврда ва қандай давлатда яшашни танлаш имконига эга бўлмаганидек, совет даврида яшаган кишиларнинг комсомол ва партия ишларидан четла яшаган бўлишлари ҳам ақл бовар қилмас ҳолдир. Энг муҳими шуки, уларнинг аксари соҳта идеалларга ишонган, лекин ҳалол, ор-номусли, имконлари даражасида халқ манфаати нуқтаси назаридан иш кўрган кишилар эдилар.

Ўша йилларда Урганч ва Хивада Қурбон билан бирга ўқиган ҳамда шаҳар ёшлар ташкилотида ишлаган Юнус Юсупов (Айёмий) дўстининг номини доим ҳурмат билан тилга олиб, бундай деган эди:

«Қурбон Берегин раҳбарликда, ташкилотчиликда, кишилар билан муомалада, ишни пухта бажаришда бизга ҳамиша ўrnак эди. Душманларга бўлган нафратини яшира олмас эди. Кўп китоб ўқигани учун бизга бу китобларда ёзилганларни содда қилиб тушунтириб берарди. Бу, унинг тинмай ўқиганлиги, ўз устида кунт билан ишланлиги натижаси эди, албатта.

Шуни айтишим керакки, хоразмлик илфор кишилар кўп яхши ишларни рўёбга чиқардилар, уларнинг яхши томонлари кўп бўлган. Аммо камчиликлари ҳам йўқ эмас эди. Фақат шу ўринда Қурбон Берегинни истисно қилиш керак. Мен у билан 1920 йилдан то умрининг охиригача биродар бўлиб қолдим. Лекин унинг бирор марта йўл ўқиган камчиликини сезган эмасман. Чукур илм эгасигина щундай бўлиши мумкин. У ҳақиқий инсон эди».

Шуни қайд этиш зарурки, 1924 йилдан бошлаб, бошқа республикаларда бўлганидек, Хоразмда ҳам динга қарши аёвсиз кураш бошлианди. Худосизлик совет давлатининг моҳиятини ифодаловчи омилга айланди. Ҳамма жойда худосизлик ҳаракати бошланиб, худосизларнинг тўғараклари-ю журналлари майдонга келди. Ана шу йилларда, бир томондан, кулгили, иккинчи томондан эса, даҳшатли воқеалар рўй бериб, кимнинг отаси Худойберган, Оллоҳберган ёхуд Худойберди, Оллоҳберди қабилида аталган бўлса, бундай исм-шарифларни ўзgartиришга мажбур этилди. Қурбон Оллоберганов ҳам шу йилларда фамилиясини арралаб, бирор маънони англата олмайдиган «Берегин» сўзини ўзига фамилия қилиб олди.

ЧИНИКИП

Тақдир кимни қаерга олиб бориб ташласа, у ўша ерда илдиз отади. Қурбон Берегиннинг ҳам ёшлар ташкилотидан ва умуман сиёсий-ижтимоий фаолият майдонидан четда яшаши маҳол эди. У 1925 йилнинг август ойида Хоразм вилоят ёшлар ташкилотининг пленумида мазкур ташкилотнинг масъул котиби этиб сайланади. У мазкур лавозимда хизмат қиласр экан, яқин вақт ичиди Хоразмдаги ижтимоий-маърифий ишларнинг равнақ топишга ёрдам бера оладиган Я.Досумов, И.Ҳабибий, Қ.Сайдашев, Я.Алиев, Р.ҳўчқоров, Н.Хўжасев, И.Одамов, О.Ёқубов, С.Ижбулдин, П.Давлатов, А.Аббосов каби ёш мутахассисларни етиштирди. Улар ёрдамида Хоразм республикасининг 79 жойида саводсизликни битириш курсларини ташкил этди; жамият эътиборидан четда қолиб келаётган 590 га яқин ёшлар ўқишига жалб қилинди; шу пайтгача ижтимоий ҳаётдан четда қолиб келаётган хотин-қизлар орасида тарғибот ва ташвиқот ишлари олиб борилди. Шундай ишларнинг самараси ўлароқ 27 нафар хотин-қиз фаол ёшлар қаторидан мустаҳкам ўрин эгаллади.

Қурбон ёш кадрлар билан ишлап масаласига алоҳида эътибор бериб, кўпраб ёшларга устозлик қилиди. Унинг ташаббуси билан 500 дан зиёд йигит ва қизлар турли мутахассисликларга ўргатувчи курсларга жалб қилинди, 160 дан зиёд ёшлар Москва, Тошкент, Самарқанд, Боку каби маданий марказларга ўқишига юборилди. Бу ишларда жонбозлик кўрсатган Қурбон Берегин ўша пайтда умрининг эндигина йигирма иккинчи баҳорини қаршилаётган эди.

Қурбон шу йилларда ўзбекистондаги ёшлар ҳаракатининг фаолларидан бири сифатида ниманидир қилишига ултурган, тенгдошлари ва,

айниқса, ёшлар ўртасида озми-қўпми обрў-эътибор орттирган бўлса ҳам, ҳали кўп нарсани ўрганиши лозимлигини биларди. Шунинг учун ҳам у 1925 йили собиқ иттифоқ ёшлиарининг Москвадаги анжуманида иштирок этганида, бир гуруҳ делегатлар билан бирга Кронштадтга тажриба ўргангани боради. Билмадим, ушбу сафари давомида у Кронштадт денгизчиларидан нимани ўрганди экан. Агар унинг Шимолий муз океанига қилган сафари кўнгилли кечганида кейинчалик бу сафарни, албатта, эслаган ва у ҳақда ёзган бўлармиди.

Курбон Берегин 1927 йил февраль ойида «Инқилоб қуёши» газетасига муҳаррир этиб тайинланади. Ўша йилнинг август ойида эса у газета ишларидан узилмаган ҳолда Хоразм округ (вилоят) партия қўмитасига бўлим мудири этиб тасдиқланади. (У 1929 йилнинг май ойига қадар муҳаррирлик фаолиятини давом эттиради.)

Курбон Берегин турли ташкилот ва муассасаларда ишлаш жараёнида чиниқиб, ишни ташкил этиш, топширилган вазифани ўз вақтида бажарин, одамлар билан ишлаш малакасини орттириди. Ана шу жараёнда у кўплаб кишилар билан учрашди, улардан ниманидир ўрганди ва уларга ниманидир ўргатди. Афсуски, уни яхши билган, у билан ҳамдам ва ҳамдард бўлган кишиларнинг аксари аллақачон ўтиб кетган. Аммо Юнус Юсупов, Раҳмат Мажидий, Норжон Абдусаломова, Эшмурот Девонов, Абдулла Бобоҷонов, Болта Давлатов сингари таниқли хоразмлик зиёлилар Қурбон Берегин билан 20 – 30-йилларда лез-тез дийдорлашиб турганлари учун унинг нотиқлик, ташкилотчилик ва журналистика соҳасидаги қобилияти тўғрисида мароқ билан сўзлар эдилар.

Маълумки, Хоразмнинг ўша йиллардаги ҳаётида энг мураккаб масалалардан бири хотин-қизларни ижтимоий ҳаётга жалб этиш бўлган. «Хужум» компаниясининг ўйланмай-нетмай, зўрма-зўракилик билан бошланиши натижасида ўша йилларда отилиб чиққан аксар хотин-қизларнинг ҳаёти хавф остида қолган. Чунончи, 1927-1929 йилларда хоразмлик фаол хотин-қизлардан 75 нафари ваҳшийларча ўлдирилган. Юқорида номлари тилга олинган кишиларнинг хотирлашларига кўра, 1928 йил 5 июлда Хоразм округ партия қўмитаси пленумида хотин-қизларни озодликка чиқариш ишларининг бориши масаласи муҳокама қилинган. Маърузачи Курбон Берегин барча фаоллар диққат-эътиборини паранжини ташлаётган хотин-қизлар ҳаётини кўз қорачигидек сақлаб қолиш масаласига алоҳида эътибор қарратган.

Совет ҳукуматининг мутлақо нотўри ишларидан яна бири - ерсув ислоҳоти ҳам Хоразмда фавқулодда оғир шароитда амалта оши-

рилди. Курбон Берегин якка хўжаликлар билан иш олиб борувчи комиссия раиси сифатида Гурлан туманига борган. Комиссия аъзолари жойларда йиғилишлар ўтказиб, тушунтириш ишларига 832 кишини жалб қилганлар, дехқонлар иштирокидаги йиғилишларга эса 1800 дан ортиқ киши қатнашган. Курбон Берегин раҳбарлик қилган комиссия Гурлан тумани ҳудудида ер-сув ислоҳотини ўтказишида дехқонларнинг таклиф ва истаклари ҳамда шикоятларини эътиборга олган ва бундай иш усули яхши самара берган.

Ер-сув ислоҳотининг қишлоқ аҳли ҳаётини издан чиқарган энг даҳшатли томони шунда эдики, бу компания қишлоқ хўжалигини жамоалаштиришни ҳам ўз ичига олган бўлиб, унинг синфий кураш тўлқинида ўтказилиши минглаб ўзига тўқ оиласларнинг хонавайрон бўлишига олиб келди.

Курбон Берегиннинг «Хоразм округида меҳнатсиз хўжаликларни тутатиши якунлари» китобида қайд этилишича, “1926-27 йилларда округ бўйича собиқ хон амалдорлари, тўраларнинг 200, руҳоний уламоларнинг 50, савдогарларнинг 141, судхўрларнинг 13, жамъи 530 хонадоннинг мол-мулки тортиб олинган. «Уларнинг жамъи 899 минг 273 таноб ери, 220 та оти, 86 та туяси, 299 та хўқизи, 4 та эшаги, жамъи 605 та иш ҳайвонлари, шунингдек, 202 та араваси мусодара қилинган. Бундан ташқари, 1040 та кунда, ўроқ, кетмон, бел, 404 та чигир, 2 та машина двигатели, 1 дона насос, 36 та мойжувоз, 13 та гуруч оқлаш тегирмони, 246 та яшаш жойлар тортиб олинган.

Шу нарса даҳшатлики, ўша даврда яшаган зиёлилар қишлоқ аҳолисига қарши давлат миқёсида амалга оширилган бундай қароқчилик сиёсатини қоралашга ожизлик қилдилар. Уларнинг бир қисми эса давлат сиёсатини очикдан-очиқ қўллаб-куватлади.

Шу йилларда факат ўртаҳол дехқонларгина эмас, уларни ҳимоя қўлмоқчи, адолатнинг издан чиққан аравасини изга туширмоқчи бўлган зиёлилар ҳам большевиклар тегирмонидан четда қолмадилар. Масалан, хонлик даврида кози калон, советлар даврида эса Хоразм Xалқ Совет Республикасининг адлия нозири бўлиб хизмат қилган Бобоохун Салимов, ўтган асрнинг бошларида Истанбулда ўқиб келган, ХХСРнинг маориф нозири бўлиб ишлаган Мулла Бекжон Рахимов 1929 йилда ўз уйларида отиб ўлдирилди.

Курбон Берегин бу воқеаларни ўз кўзи билан кўриб, қулоги билан эшигиди. Аммо шу йилларда ёшлар ташкилотида ишлаган бошқа кишилар каби, у бундай воқеа ва ҳодисаларда душман қўлини кўрди.

Округ партия қўмитасининг шу кезларда бўлиб ўтган Ш пленумида Хоразмда маданий қурилиш ишларининг бориши ва бу борадаги вазифалар ҳам кун тартибидан ўрин эгаллаган эди. Маърузачи Курбон Берегин маданий қурилиш соҳасидаги кўрсатмаларга асосланган ва маҳаллий шароитни ҳисобга олган ҳолда яқин келгусидаги вазифаларга йигилганларнинг диққат-эътиборларини қаратди.

Курбон Берегин Хоразм ёшлари ўргасида олиб борилган ишларда ана шу тарзда советлар томонига мойиллик билдириб, шаклланиб борарди. Орадан кўп ўтмай, у республика пойтахтига ишга кўтарилди.

Унинг 1920-1929 йиллардаги фаолияти Хорсум округ партия ташкилоти томонидан берилган қуйидаги тавсифномада қисқа, лекин аниқ баён қилинган:

«Ўртоқ Курбон Берегин илгари ёшлар ташкилотининг хизматчиси, 1927 йил август ойидан бошлаб партия ишида Хоразм округ партия қўмитасининг тарғибот-ташвиқот ва сиёсий-оқартув бўлими мудири лавозимида ишлади. Бунга қадар «Инқилюб қуёши» газетасининг масъул муҳаррири этиб тайинланган эди. 1929 йил февралидан 1929 йил майитача у шу икки вазифани қўшиб олиб борди.

Курбон Берегин гоявий мустаҳкам, интизомли, партия йўлида ҳеч қандай иккиланиш ва оғмачиликка йўл қўймади. У келгусида янада ўсип истиқболига эга...»¹

Курбон Берегин 1929 йил августида Самарқандга чақириб олинида ва Ўзбекистон Маориф халқ комиссарлиги ҳайъати аъзоси, шунингдек, умумий бўлим қошидаги шўъба мудири сифатида саводсизликни тутатиш, умумий бошлангич таълимни амалга ошириш ва оммавий-маданий ишларни йўлга қўйиш ишларига раҳбарлик қила боштайди.

МАДАНИЙ-МАЪРИФИЙ ЖАБҲАЛАРДА

Курбон Берегин Маориф халқ комиссарлиги ҳайъати аъзоси сифатида саводсизликни тутатиш, мактаб ва маориф ишларини ривожлантириш, кадрлар тайёрлаш, олий ва ўрта маҳсус билим юртларининг фаолиятини яхшилаш, музей, кутубхона, клуб ва маданият уйларининг ишларини йўлга қўйиш ишлари билан фаол шуғулдана бошлади.

1929 йилда Ўзбекистон Давлат Илмий кенгаши ташкил этилади. Мазкур кенгашга аъзо бўлиб кирган Курбон Берегин Илмий изланишларни ташкил этишга қаратилган тадбирларнинг ишлаб чиқилишида таниқли маърифат ва маданият намояндлари билан бир қаторда

иштирок этади. Илмий кенгашнинг Берегин аъзоси бўлган шўъбаси саводсизликни битиришда оммавий-сиёсий ва услубий ишларнинг шакл ва воситалари каби ўша давр учун муҳим масалаларни муҳокама қилиб, тегишли хуносалар чиқарган эдикни, бу хуносалар ўша даврда маданий тараққиёт пойдеворини яратишида муайян аҳамиятта молик бўлди.

Илмий кенгаш фаолиятида қатнашиш Берегиннинг маърифат ва маданият масалаларини чуқуроқ тушуниши, мактаб ва маориф ишлари билан яқиндан танишиши, илмий-педагогик тафаккурнинг халқ ва жамият ҳаётидаги ўрни ва аҳамиятини тўғри белгилашига катта ёрдам берди. Илмий кенгаш аъзоларининг ташабbusи билан ўзбек халқи тарихига доир муҳим хужжатлар, тарихий ва бадиий асалар, эсадалик ва мақолалар тўплана бошлади. Кенгаш йўлланмаси билан бир гурух ижодкорлар ана шу масалалар бўйича турли шаҳар ва туманларга сафарбар қилинди. Берегиннинг ўзи она юртига бориб, Хоразм тарихига доир манбаларни ўрганиш бўйича илмий изланишларни бошлаб юборди.

Хоразмда муайян қийинчилик билан бўлса-да, 1920 йиллардан бошлаб саводсизликни битириш ишларидан ташқари, ўқитувчилар тайёрлаш курсларининг, 1922 йилда хоразмлиқ ўзбек, туркман, қорақалпоқ ва қозоқ меҳнаткашлари тарихида биринчи марта ўрта маҳсус билим юрти - Хива педагогика техникумининг очилиши, мусиқа мактаби, фабрика-завод мактаби, мактаб-интернат, қызлар мактаби, халқ университетлари кабиларнинг ташкил қилиниши катта воқеа бўлган эди. Ана шундай ишларнинг маърифий-маданий ва сиёсий аҳамиятини тушунган Курбон Берегин 1924 йилдаёқ Хоразм республикасидаги ўзбек, қорақалпоқ, туркман ва қозоқ ёшлирага мурожаат қилиб: «Тараққиёт мактабига мутлақо бормоқ керак», деган шиор билан чиқди.

1928 йил 13 февралда Хоразм вилоят ижроия қўмитаси ҳузурида округда лотин ёзувига ўтиш ҳақидаги қўрсатмага асосан маҳсус ҳайъат тузилган ва Берегин шу ҳайъатта аъзо этиб тайинланган эди. У мазкур ҳайъатнинг аъзоси сифатида маданий юриш республика ҳайъатининг кенгашларидан бирида дарсликлар ҳақидаги масалани қўтариб чиқди. Жойлар билан алоқа ўрнатиш масаласи муҳокама қилинганда, ҳайъат ва штаб томонидан берилган вазифаларнинг қандай бажарилаёттани ҳақида кенгашни хабардор қилиб бориш масаласи Курбон Берегиннинг зиммасига юклатилди.

Курбон Берегин 1929 йилда Ўзбекистон Маориф халқ комиссарлиги коллегияси аъзоси, умумий бўлим мудири сифатида хизмат

қилар экан, республикада маданий қурилиш, шу жумладан, бадиий адабиёт тараққиёти масалалари билан ҳам қизиқди. У бадиий адабиёттинг янги тарихий давр талабларига лаббай деб жавоб беришини лозим, деб ҳисоблади. Ўзбек адабиётидан ташқари, рус, татар, туркман адабиётларин намуналари билан яқиндан таниш бўлган Қурбон Берегин шу даврда Хоразм адабиёти тарихи билан, айниқса, фаол шугулана бошлади.

Қурбон Берегин ёшлар ташкилотида ишлаб шакланган ходим бўлгани сабабли ўзига топширилган барча вазифаларни ўз вақтида ва сифатли бажариш билан чекланиб қолмай, ўзи ҳам ташаббус кўрсатар эди. Унинг «Саводсизликни битириш мактабларида ёзги ўқувларни кенг қулоч ўйдирин», «Саводсизликни битириш мактаблари ва мактабгача ёшдаги болалар майдончалари тўғрисида контрол рақамлар», «Саводсизликни битириш курсларини тамомлаганлар гувоҳномаси», «1930-31 ўқув йили учун саводсизликни битирувчи кадрларни тайёрлаш ва қайта тайёрлаш ҳақида», «Тошкент округида маданий юриш», «Саводсизликни битириш курсларини битириб чиқиши тартиби» ва бошқа масалалар бўйича қилган маърузалари фикримизнинг ишончли далилларидир.

Қурбон Берегин РСФСР, Закавказье, Татаристон ҳалқларининг саводсизликни тутатиш борасида эришган тажрибаларини ўрганиши мақсадида илгор ўқитувчиларни шу ўлкаларга юбориши ташабbusи билан чиқди, ўзи эса Бокуга йўл олди.

Қурбон Берегиннинг 1931 йил 2 октябрда Ўзбекистон Маориф ҳалқ комиссарлиги коллегиясида қилган «Ёнпасига завод учун кураш ва бизнинг вазифаларимиз» мавзуидаги маъruzasiда бу борадаги вазифалар аниқ-равшан белгилаб берилди. У «Маориф ва ўқитувчи» журналининг шу йиллардаги муҳаррири сифатида ўқиши-ўқитиши ва маданий-қурилиш ишларининг бориши билан шугулланиб, шу соҳанинг кундалик вазифаларини белгиловчи қатор мақолаларни эълон қилди.

Ўзбекистон партия ташкилоти марказқўмининг маданий-оқартув бўйими мудири лавозимида ишлаб ўтган вақтида у шахсий иш режасига қуйидаги масалаларни қайд этиб қўйган эди:

«Тил ва адабиёт институтининг фаолияти тўғрисида.

Ўзбекистон ҳалқлари адабий меросини ўрганиши ва нашр қилиши.

Адабий-бадиий журналлар иши ҳақида.

Ҳалқ изходиёти фестивалларини ўтказиши» ва ҳ.к.

Маълумки, 30-йилларда ана шу соҳаларнинг барчасида самарали ишлар олиб борилди. Қурбон Берегин елкасида масъулиятли вази-

фалар юкини кўтариб турган бўлишита қарамай, саҳнага қўйиладиган асарлар матнини ҳам ўқиб, муҳокама қилиш ва бу асарларнинг сўнгти нусхаларини тайёрлашда ҳам бевосита иштирок қилди.

* * *

1920-1924 йилларда Хоразмда «Инқиlob қуёши» газетасидан ташқари, «“Қизил Хоразм», «Хоразм хабарлари», «Ёшлар овози», «Тоза чўл», «Кунармандлар чўкичи», «Маориф», ««Ишчи товуши», «ҳопқон», ««Ёрдам» сингари газеталар ҳам чоп этилган бўлиб, бу нашрларда эълон қилинган ўлканинг тарихи ва замонавий ҳаётига оид мақола ва хабарлар Курбон Берегин билим доирасининг кенгайиши ва дунёқараашининг шаклланисига маълум даражада таъсир кўрсатди. Китобга, босма сўзга ўч бўлган Курбон кейинчалик ўзи ҳам шу нашрларда кичик-кичик мақола ва хабарлари билан қатнашди. Журналистикага бўлган иштиёқини ҳисобга олиб, Хива шаҳар ёшлар ташкилоти 1924 йилда Берегинга «фаҳрий мухбир» деган унвон берди. 1925 йилнинг апрелида эса ўзи «Инқиlob қуёши» газетасига муҳаррир этиб тайинланди. Шубҳасиз, у муҳаррир сифатида газетада партия сиёсатини тарғиб ва ташвиқ қилувчи мақолаларнинг босилишига алоҳида эътибор берди. Айни пайтда у газетанинг моддий аҳволини яхшилашга жилдий киришди. Хорсумда биринчи марта газетага обуна қилувчи ташкилотларнинг мусобақаси ўтказилди. Берегин газета мухбирларининг сиёсий-маданий савияси ва касбий малакасини ошириш мақсадида улар учун семинарлар ташкил этди.

Давр матбуот ходимларидан ўша йилларда давлат ва партия томонидан амалга оширилаётган тадбирларни газета ва журнал саҳифаларида кенг ёритишни талаб қиласр эди. Курбон Берегин даврнинг ана шу талабидан келиб чиқиб, ўзи ҳам долзарб ижтимоий-сиёсий мавзуларда мақола ва ҳикоялар ёзди. Унинг ҳатто 1929 йили мазкур газетада эълон қилинган «Шодликли кунлар» воқеий ҳикояси ерсув ислоҳоти мавзууга бағишлиланган бўлиб, муаллиф, афсуски, унда Ўрта Осиё ҳалқларининг ўша пайтдаги ҳаётида ноxуш ҳолларни келтириб чиқарган, кейинги тақдирига эса салбий таъсир кўрсатган воқеаларни олқишилаб тасвиirlаган эди.

1927 йил 21 декабрда Хоразм округ ишчи-дехқон мухбирлари ва газетхонларининг 1 конференцияси чақирилди. Конференцияни тайёрлаш ва уни ўтказишда Курбон Берегин яқиндан иштирок этди. Қишлоқ мухбирларини турли хил бўхтон ва хуружлардан ҳимоя қилиш, матбуотнинг танқидий чиқишларига, айниқса, хотин-қиз-

ларнинг илм олишларига тўсқинлик қилаётган унсурларга қарши кураш, шунингдек, таҳририятта келган хабарларни синчиллаб текшириш каби муҳим масалаларнинг конференция кун тарбитига киритилишида Берегиннинг хизматлари каттадир.

Хоразм воҳасида «янги жамият»нинг бунёд этилиши кескин синфий кураш шароитида кечди. Узоқ даврлардан бери палак ёзид келган билъят ва хурофотни, хотин-қизларга, уларнинг инсон ва жамият аъзоси сифатидаги хукуқларига бўлган эскирган муносабатни ўзгаришига қаратилган ҳар бир ҳаракат қаттиқ қаршиликка учради. Ана шундай шароитда, бошқа ижтимоий институтлар қатори, матбуот ходимлари олдида ҳам масъулиятли вазифалар турарди. «Инқиlob қуёши» газетаси саҳифаларида шу даврда мухбирлар «Афлотун», «хўрқомас», «Кўзи кўрган», «Мулла Носвой», «Насрилдин», «Ишчи», «Деҳқон», »Мухбир», «Хива гўзали», «ўкувчи», «Батрак», «Камбағал деҳқон» сингари тахаллуслар билан жамият ҳаётида рўй бергаётган ижобий ўзгаришларга ёрдам беришга, салбий ҳодисаларни эса бартараф этишига ҳаракат қилдилар.

Ўша йилларда Хоразмда Хадича Бикчурина, Марям Исҳоқова, Норжон Абдусаломова, Онажон Берегина, Онабиби Сафоева каби хотин-қиз мухбирлар этишиб чиқди ва улар матбуотда эркаклар билан баравар янги ва ижобий ҳаётий тамойилларнинг барқарор бўлиши йўлида фаолият олиб бордилар.

Курбон Берегин газетага фақат муҳаррирлик қилибгина қолмай, Хоразмнинг ижтимоий, маданий ва маиший ҳаётидаги иллат ва камчиликларни очиб ташловчи кўплаб мақолаларни ҳам ёзди. Унинг «Курбон Берегин», «Курбон Берегин», »Қ.Б.» имзолари билан ёзилган мақолалари ўша даврда Хоразмда катта акс-садо берди. «Инқиlob қуёши» газетасида эълон қилинган бу ва бошқа материаллар ижтимоий ўткирлиги ва таъсирчанлиги билан нафақат Хоразмда, балки кўшни Қорақалпогистонда ҳам севиб ўқиладиган бўлди.

Курбон Берегин 1929 йилдан кейин Самарқанд ва Тошкентда бир неча юқори ва масъулиятли лавозимларда хизмат қилди. У Ўзбекистон Маориф халқ комиссарлиги коллегияси аъзоси ва оммавий шўъба мудири этиб тайинланганидан сўнг, 1931 йил июль ойидан бошлаб “чиқа бошлаган »Маданий инқиlob» (ҳозирги «Маърифат») газетасига муҳаррирлик қилди.

У ҳатто Тошкентда хизмат қилган йилларида ҳам Хоразм матбуоти билан алоқасини узмади. Масалан, 1934 йил 23 августда «Инқиlob қуёши» газетасида унинг «22 лар ўлдирилишининг 10 йиллиги» номли мақоласи эълон қилинди, унда Хоразм Республикаси дав-

рида рўй берган сиёсий ўзгаришлар биринчи маротаба таҳлил қилинган эди. “ 1920-24 йилларда Хоразмда юз берган воқеаларнинг жонли гувоҳи бўлган Курбон Берегин мазкур мақоласида янги ҳукуматдан зўр умидлар кутган батраклар, камбагаллар ва деҳқонларнинг иқтисодий ва маданий аҳволларини яхшилашга қаратилган чора ва тадбирларнинг кўрилмаганлиги, хусусан инқизобнинг энг асосий вазифаларидан бири ҳисобланган ер-сув масаласининг ҳал қилинмаганлиги, ҳукуматнинг ҳамон барқарорлаша олмай, чайқалиб, тез-тез ўзгариб турганини алоҳида қайд этган эди.

Курбон Берегин 1931 йил октябрь ойида Ўзбекистон Давлат нашриёти правлениесининг раиси этиб тайинланди ва 1933 йилнинг ноябрь ойига қадар нашриёт директори лавозимида хизмат қилди. У шу даврда республикамиз жамоатчилигини таникли ёзувчилар ва олимларнинг асрлари билан кентроқ таништиришини ўз олдига асосий вазифа қилиб қўйди. Ўзбекистондаги ижод аҳли яратган ёки таржима қилган илмий ва бадиий асарларнинг кўплаб нашр этилиши халқнинг маданий ва маърифий савиясининг ошишида, ўқимиши, билимли, интеллектуал салоҳиятли авлодларнинг шаклланипида муҳим роль ўйнаши шубҳасиз эди. Шунинг учун ҳам у ўша йилларда ўзи мухаррири бўлган «Китоб ва инқизоб» журналининг 1933 йил 9-10-кўшма сонидаги мақоласида мамлакатимизда китоб чиқариши ишларининг йил сайин ўсиб бораётганлиги ҳақида қувониб ёзган, чунончи, унинг ёзичигча, 1932 йили 4139 минг сўмлик китоб сотилган бўлса, 1933 йили бу рақам 11952 минг сўмни ташкил этган эди. Китоб нашри ва савдо-сининг бундай ривож топишита асосий сабаб қилиб Курбон Берегин адабий ва илмий асарлар савиясининг ўсгани, китоб нашр қилиш техникасининг яхшиланганлиги, нашр қилиш муддатининг қисқарганлиги ва китоб нархининг арzonлашганлигини кўрсатади. Бевосита унинг раҳбарлиги остида 1934 йил ноябрь ойининг ўзида Хоразм округига 20 номда 1212 дона китоб келтирилган. Курбон Берегин Хоразм вилоятида яшаб ижод қилувчи ёзувчилардан ҳам бир қанчаси-нинг асарларини нашр қилишга эришган.

Аммо партия республикалардаги нашриёт раҳбарларидан биринчи навбатда совет давлати ва компартия томонидан олиб борилаётган сиёсатта хизмат қилувчи, аҳолини гоявийлик, синфийлик ва партиявийлик руҳида тарбияловчи сиёсий адабиёт намуналарини кўпроқ нашр этишини талаб қилди. Ана шундай сиёсий адабиёт намуналари орасида биринчي ўринда «марксизм-ленинизм классикларининг асарлари турардики, Курбон Берегиннинг нашриёт директори сифатидаги кўпроқ вақти ва кучи худди шу нарсага сафарбар қилинди.

Кези келганды, шуну қайд этиш жоизки, нашприёт 1933 йилда, марказкүмнинг топширигига кўра, Сталиннинг «Ленинизм масалалари» асарини ўзбек тилида нашрға тайёрлади. Аммо марксизм-ленинизм классикларининг асарларини таржима қилишда таржимон ва муҳаррирлар қўпол сиёсий хатоларга йўл қўйишган, деган айб билан китоб савдога чиқарилмай, кўйдириб ташланган. Натижада нашриёт бир неча миллион сўмлик зарар кўрган.

* * *

Курбон Берегин Хоразм ёшлари ўргасида ишлаган кесларида унда, бир томондан, нотиqliк истесъоди, иккинчи томондан, юқори идоралар томонидан топширилган вазифаларга жамоатчиликни сафарбар қила билишлик қобилияти шаклланган эди. Ана шу икки фазилати туфайли жамоатчилик ўргасида ҳам, раҳбарият олдида ҳам унинг обрў-эътибори кундан-кунга ортиб борди. Унинг Тошкентта ишга таклиф этилиши ҳам шу маънода тасодифий эмас эди.

Курбон Берегин Хоразмдаги «янги жамият»ни қуриш ишларида муайян тажриба ортирганига қарамай, унинг республика пойтахтида тўла қонли ишлаши учун бу тажрибалар етарли эмас эди. Чунки, республика миқёсидаги ижтимоий муассасаларда бошқача ишлаш тартиби, бошқа интизом, бошқача фикрлаш тарзи талааб этилган. У ана шу бошқача иш тартиби, интизом ва фикрлашга республика раҳбарлари билан бўлган учрашувлари ва мулоқотлари жараёнида ўргана борди, улар томонидан берилган топшириқларни бажарип жараёнида янги тажриба ҳосил қилди.

Курбон Берегин Тошкентта республика партия ташкилотининг ўша вақтдаги раҳбари Акмал Икромовнинг тавсияси билан ишга чақирилган эди. Акмал Икромов Хоразмга қилган хизмат сафари вақтида ёш, қайноқ қонли ташкилотчи йигит билан танишиб, унинг Тошкентдаги тарғибот ва ташвиқот ишлари билан боғлиқ муассасада хизмат қилиши жараёнида яхши раҳбар бўлиб этилишига ишонди. У Курбон Берегинни Тошкентта кўчиб келиб, Ўзбекистон Давлат нашриёти правлениеси раиси лавозимида ишлаб турган вақтида ҳам тез-тез чақириб, унга турли-туман топшириқларни берди. Бу топшириқлар орасида байрамларга тайёргарлик масаласи ҳам бўлган. Замондошларнинг хотирлашларича, кунларнинг бирида Акмал Икромов Курбон Берегинни шу масалада чақириб, унга совет даврида жорий этилган янги байрамларни ўтказишдан мақсад халқ кайфиятини кўтариш, унинг маданий-маърифий савиясини ошириш экан-

лигини айтган. Бу масала эса нашриёт ходимларига ҳам бевосита алоқадор бўлиб, улар «байрам дастурхон»ига полиграфик жиҳатдан юксак савиядаги бадиий ва илмий-оммабоп асарларни қўйишлари лозим эди. Акмал Икромов шу масалада Курбон Берегин билан сухбатлашар экан, унга адабиёт ва санъатнинг халқ маданий ҳаётидаги аҳамияти тўғрисида шундай самимий сўзларни айтганки, бундан мутаассир бўлган Курбон Берегин шу учрашувдан кейин кўп ўтмай, газета саҳифаларида «Янги ҳаёт ҳақида» сарлавҳали мақоласини эълон қилин.

Акмал Икромов ва республиканинг ўша вақтдаги бошқа раҳбарларидан сабоқ олган, Москвага бориб, нашриёт ва полиграфия ишлари билан яқиндан танишган Курбон Берегин Ўзбекистон Давлат нашриётининг ишини қайта қурибгина қолмай, нашриёт босмахонасида чоп этилган ««Ўзбекистон шўро адабиёти», ««Китоб ва инқилоб» журналларининг ҳам гоявий-бадиий савиясини кўтариш, уларнинг замонавий қиёфага эга бўлиши йўлида жонкуярлик қилди. Бу журналларнинг 1932 йил сонларини варақлаб кўрган китобхон ўша йилларда ўзбек адабиёти ва унинг тарғиботи масаласида жиддий ўзгариш рўй берганига амин бўлиши мумкин. Бунга сабаб куни кечা «хурилиш» ва ««Инқилоб» деб аталган журналлар номининг ўзгартирилишигина эмас, балки, энг аввало, истеъододли шоир ва ёзувчиларнинг бу журналлар атрофига жалб қилиниши ва уларнинг ўша даврнинг муҳим мавзуларида ёзилган асарларининг эълон қилинишидир.

«Китоб ва инқилоб» журналининг 1932 йил 1-2-сонларида берилган аҳборотда айтилишича, журнал ўз олдига ишчи ва колхозчиларнинг китобга бўлган талаб ва эҳтиёжларини ўрганиш ҳамда матбуот ва нашриёт соҳасида ишловчи кадрларни тарбиялаш вазифасини кўйган эди. Ўзбекистон Давлат нашриёти томонидан ойда бир марта чиқадиган ««Ўзбекистон шўро адабиёти» журнали эса Ёзувчилар уюшмаси Ўзбекистон ва Тошкент ташкити қўмиталарининг органи бўлиб, шу икки журналнинг бутун маъсулияти Р.Мажидийнинг зиммасига юклатилган эди. Бу журнал фаолиятида Ҳ.Олимжон, М.Усмонов, Алексеев, О.Собирова, У.Исмоилов, Элбек, Уйғун, А.Қодирий, F.Фулом, Зиё Сайд каби адиллар ҳам таҳрир ҳайъати аъзолари сифатида фаол иштирок этдилар.

1935 йицдан ««Ўзбекистон шўро адабиёти» журнали «Курбон Берегин муҳаррирлигига» «Совет адабиёти» номи билан чиқа бошлади. Журнал китобхонлар эътиборига кўзга кўринган ўзбек ёзувчиларининг замонавий мавзудаги энг яхши асарларини эълон қилиб борди. Журнал таҳририятида республикамиз пойтахти Тошкентда, шунинг-

дек, вилоят марказларида ташкил қилинган адабиёт тўгаракларига умумий йўналиш бериш мақсадида дастурлар ишлаб чиқилди. “Бу дастурларда «Бадиий адабиётнинг аҳамияти», «Фольклор ва унинг аҳамияти» сингари бўлимлар бўлиб, уларда адабиётнинг ҳозирги давр кишиларининг маданий ҳаётида тутган ўрни аниқ белгилаб берилиди. Дастурда рус ва ўзбек адабиёти бўйича ўша давр талаблари асосида ўқилиши зарур бўлган М.Горькийнинг «Челкаш», Д.Беднийнинг «Этик ила чорик», Файратийнинг «Далага кетдим», А.Қодирийнинг «Шубҳа», А.Қаҳҳорнинг «Қишлоқ уйғонди», К.Яшиннинг «Номус ва муҳаббат», Қ.Олимжоннинг «Бахтлар водийси», Ойбекнинг «Темирчи Жўра кофир ҳақида», Уйғуннинг «Хаёлимда кезар икки нарса...» сингари асарларидан намуналар берилиди.

Бугун бу рўйхат, бир томондан, ўша йиллардаги адабий сиёсат, иккинчи томондан эса, Қурбон Берегиннинг муҳаррир сифатидаги фаолиятига асос бўлган мезонлар тўғрисида тасаввур ҳосил қилишимизга ёрдам берса ажаб эмас.

Қурбон Берегин «янги жамият»ни қуриш ишида мавжуд бўлган хато ва камчиликларни бартараф қилишда адабиёт ва санъатнинг зўр қурол эканлигига ишонч ҳосил қилиб, ёзувчиларни Абдулла Қаҳҳорнинг «Адабиёт муаллими» ҳикоясига ўхшаш кишилар ва жамият ҳаётидаги иллатлар устидан кулувчи асарлар ёзишга даъват этди.

Маълумки, нафакат бадиий асар, балки умуман китобнинг нашр этилишида муҳаррир меҳнатининг аҳамияти ғоят каттадир.

1936-1937 йилларда Қурбон Берегин муҳаррирлик қилган «Адабиёт» дарслиги 30 минг нусхада чоп этилди. Дарсликда «Фольклор нима», «Фольклор қандай яратилади», «Мақол деб нимага айтилади», «Мақолларнинг келиб чиқиши», «Мақолларнинг қиймати», «Мақоллардан намуналар», «Мақолларнинг қиймати», «Мақоллардан намуналар», «Топишмоқлар», «Топишмоқларнинг келиб чиқиши», «Топишмоқлардан намуналар», «Қўшиқлар», «Қўшиқларнинг келиб чиқиши ва тарихи», «Қўшиқлардан намуналар» сингари руҳнлар берилиди. Мазкур дарсликнинг 1937 йилда нашриётга топширилган 4-нашрига, афсуски, 1937 йил 5 октябрда, яъни Қурбон Берегин қамоқча олинганидан бир ой кейин босишга рухсат этилди. Лекин бу сафар дарсликнинг масъуль муҳаррири Қурбон Берегин эмас, балки Ҳабибий деб кўрсатилган эдик, бу ўзгаришнинг ўша даврнинг сиёсий талаблари билан юз берганлиги шубҳасиздир.

Қурбон Берегин маданий ва маърифий муассасалардаги раҳбарлик фаолиятида ўша даврининг сиёсий тўсиқларидан чиқиб кетишга интилгамиди. У ўз даврининг фарзанди эди. У совет давлатининг мада-

ний сиёсати ўзбек халқининг том маънода маърифатлашиштага ёрдам беради, деб ишонди. Шу даврга ва шу жамиятга ҳалол хизмат қилгани ва хизмат қилаётгани билан фахрланди. Шу маънода унинг фаолиятига ҳозирги давр нуқтаи назардан ёндашганда ҳам ижобий, ҳам салбий ҳолатларни кўришимиз аниқ. Чунончи, у марксизм-ленинизм классиклари асарларининг ўзбек тилига таржима қилиниб, напр этилишига катта куч сарфлади. Аммо у худди шу йўналишдаги фаолияти – «Ленинизм асослари» китобини таҳrir қилишда қатнашганлиги учун унга танбесҳ берилди. Шу ҳақдаги ҳужжатларда мазкур китоб гўё бузиб таржима ва таҳrir қилингандиги учун унинг 1933 йилда нашриётга 3 миллион сўм зарар келтирғанлиги айтилади.

Агар совет давлати нотўғри мағкурага асосланмаганида, у муаллиф сифатида ёзган ва ношир сифатида нашр этган асарларнинг аксар қисми бугунги кунда ҳам ўз қимматини сақлаб қолган бўларди. Аммо шу нарса муҳимки, у қайси лавозимда хизмат қилган бўлмасин, ҳалол хизмат қилиб, шу лавозимдан кишиларга яхшилик қилишда фойдаланди ва ўзидан яхши хотира қолдириди.

Инсон учун энг муҳим нарса шу бўлса керак.

АДАБИЙ-БАДИЙ СОҲАЛАРДА

1933 йил ноябринда Қурбон Берегин Ўзбекистон компартияси марказқўмига ишга таклиф этилди. У дастлаб матбуот шўйбасининг мудири, сўнгра мазкур шўйба қайта тузилгач, шўйба инструктори лавозимида ишлади. 1935 йил сентябринда эса у марказқўм маданий оқартурв бўлимига мудир этиб тайинланди. Қурбон Берегин айни пайтда Ўзбекистон Ёзувчилар уюшмаси ҳайъатига аъзо бўлиб сайланди ва шу даврдан эътиборан республикадаги адабий ҳаракатда ҳам фаол қатнаша бошлади.

Қурбон Берегин, ўша вақтдаги аксар ёшлилар сингари, замонавий рус адабиётининг чинакам ихлюсмандларидан эди. Унинг адабий диди ва қарашлари А.Серафинович, Д.Фурманов, М.Шолохов, А.Фадеев каби рус совет адабларининг асарларини ўқиши жараёнидаги шаклланди. Бу ва бошқа ёзувчиларнинг асарларини шу давр адабиётининг энг яхши намуналари деб билган Қурбон Берегин улардан таъсираниб ва завқ-шавқ олибгина қолмай, рус адабиётининг долзарб мавулардаги қатор роман ва қиссаларини нафақат дўст-ёллари, балки кенг халқ оммаси ўргасида тарғиб қилишини ўзининг виждан бурчи, деб билди.

Курбон Берегин шу йилларда хизмат юзасидан Абдулла Қодирий, Садриддин Айний, Ойбек,Faфур Гулом, Ҳамид Олимжон, Абдулла Қаҳҳор, Комил Яшин, Ойдин Собирова, Усмон Носир, Анқабой каби ижод аҳди билан яқиндан танишиб, улар билан тезтез мулоқотда бўлишга, кези келганда, ўзидағи адабиётта бўлган ҳавасни, таниқли ёзувчиларга бўлган ҳурматини турли шаклда ифодалашга интилди.

Шу ўринда Абдулла Қаҳҳорнинг машҳур жажжи асарларидан бири - «Адабиёт муаллимиси» ҳикоясининг яратилиши тарихи билан танишиши мақсадга мувофиқдир. Атоқли адаб» ҳаёт ҳақиқатидан бадиий тўқимага» деган мақоласида мазкур асарнинг тугилиши тарихи тўғрисида бундай ёзган эди:

«Адабиёт муаллимиси» ҳикояси ёзилганга қадар мен жуда кўп чала завод адабиёт ўқитувчиларини кўрганман. У вақтларда бунақа ўқитувчилар кўп учрар эди. Рус ва жаҳон классиклари асарларининг таржимаси жуда оз, кўпчилик, хусусан қишлоқдаги китобхон рус тилини чала билар эди. Кўп ўқитувчиларнинг маълумоти юзаки, хрестоматияларда бериладиган парчалардан нари ўтмас, буни ҳам улар имтиҳонни топшириб, диплом олиш зарур бўлганлиги учунгина ўқишар эди. Бундай одамларнинг ўз фанларини билмасликларигина эмас, ҳатто тушунмасликларига ҳам таажжубланмаса бўлади. Бир куни қариндош-уругларимиздан бири — адабиёт муаллимиси отпускага келди; кечкурун театрга борди, саҳнада таржима пьеса кетаётган эди, спектаклни кўриб, уйга жуда хугоб бўлиб келди: саҳнадагилар ҳаммаси ўрису, ўзбекча гаплашади!

Бироқ ҳикоянинг ёзилишига Курбон Берегин деган танишим айтиб берган бир неча факт туртки бўлди. Берегин Марказий ҳўмита аппаратида ишлар эди. 1936 йили мактабларда адабиёт ўқитилишини текшириш учун тузилган катта бригадага бош бўлиб, Самарқанд областига борган эди. У айтиб берган фактлар ҳақиқатан ҳам кулгили эди. Дарсда М.Гор'кийнинг «Она» романини ўтган бир ўқитувчи эсимдан чиқмайди. Комиссия унинг дарсига кирибди. Ўқитувчи марказдан келган комиссияни қойил қолдириш учун роса олиб қочибди, кейин шу дарсда «Она» романини ким ёзганлигини билмаганлиги очилиб қолибди. Берегин менга бу гапни кула-кула айтиб берган эди.

Текшириш натижалари кенг муҳокама қилиниши керак эди, бироқ муҳокама қилинмади шекилги, ҳеч бир гап эшитмадим ва тўпланган фактларнинг биттаси ҳам матбуот кўлига тушмади. Шундан кейин бу ҳақда ҳикоя ёзгим келиб қолди. Берегин айтиб берган ўша ўқитувчи хаёлимдан сира кетмас эди. Мен унинг дарсдагина эмас, уйда ҳам

кўра бошладим. Унинг қилиқлари, интилишлари, адабиётга қанчалик алоқадор эканлитигини ҳам тасаввур қилдим. Ҳикоянинг композицияси ўз-ўзидан қолипга тушиб қолди. Фақат Горькийнинг «Она»си ўрнига Чеховнинг «Үйку истаги»ни олдим. Унинг сабаби, биринчидан, Чехов яратган образлар бутун ақл-хушимни чулғаб олганлиги эди¹.

Абдулла Қаҳҳор Қурбон Берегиндан эшигтан ҳаётий воқеани ижодий қайта ишлаб, «Адабиёт муаллими» ҳикоясида «нафис адабиёт муаллими» Бақијон Бақоевнинг ҳажвий образини катта маҳорат билан яратди. У ўзини нозикташ, кўп нарсани билувчи зиёли деб ҳисоблайдиган одам. Лекин қайнисинглиси, мактаб ўқувчиси Ҳамида: «Биз синфда Чеховнинг «Үйку истаги»ни ўқидик, гўдакни ўлдирган қизни суд қилмоқчимиз... Мен қизни оқлаб, бутун туноҳни унинг хўжайинига, ёш қизни бу қадар эксплуатация қилган кишига кўймоқчиман... Шу тўғрида сизнинг фикрингизни билмоқчиман. Чехов шундай демокчи эмасми?» - деб сўраганида Бақоевнинг билимдошлиги тутиб кетиб, «Нафис адабиёт дарсини сизларга ким беради? Ҳакимов? Аҳмоқ одам ўз устида ишламайди! ...» - деб Ҳамидан қизиқтирган масаладан тобора узоқлаша беради. Аммо маълум бўлишича, У Чеховнинг нафақат «Үйку истаги» ҳикоясини ўқимаган, балки унинг ўзи тўғрисида ҳам аниқ тасаввурга эга эмас ҳатто Чехов тўғрисидаги тахминий гаплари Ҳамиданнинг билими қаршисида қоғоздан ясалган уйдек нураб тушганида, Чеховларнинг иккита бўлгани, у айтиётган Чехов бошқа Чехов эканлитигини айтиб, шармандали вазиятдан чиқмоқчи бўлади.

Абдулла Қаҳҳорнинг А.П.Чеховдек улуг рус ёзувчисини мутлақо билмаган »нафис адабиёт муаллими« устидан бундай қаҳқаҳа отиб кулишида Қурбон Берегиннинг ҳам истеҳзоли овози эшигтилиб тургандек бўлади.

Аммо шу нарса даҳшатлики, 1937 йилда ёзилган бу ҳикоя ҳозир ҳам ўз қимматини йўқотмаган. Сўнгти йилларда мамлакатимизда китобга бўлган мұхаббатнинг сўниши орқасида Бақијон Бақоевларнинг уруғи борган сайин кўпайиб бормоқда. Ва бу ҳол фавқулодда ачинарли ҳолдири.

Кўрамизки, 30-йиллар ўзбек ҳикоянавислигининг энг яхши на-муналаридан бирининг майдонга келишишида Қурбон Берегин ҳаётда учрatttan ана шу нохуш воқеа ҳамиртуриши бўлиб хизмат қилган. Қурбон Берегиннинг кўплаб сафарлари ва турли-туман ажабтовур кишилар билан учрапувлари вақтида рўй берган воқеалар бошқа ўзбек ёзувчиларининг ҳам ҳикоя ёки шеър ёзишларига тургки берган бўлиши эҳтимолдан ҳоли эмас.

* * *

Курбон Берегин гарчанд бадиий ижод билан шугуланиб, ўзидан бирор баркамол асар қолдирмаган бўлса ҳам, адабиёт ва санъатта меҳр қўйган, шу соҳа вакиллари билан кўпроқ мулоқотда бўлишга, улар яратайтган асарларни ўқиб ёки тинглаб завқ-шавқ олишга интилди. Айни пайтда хизмат вазифасидан келиб чиқиб, уларга партиянинг адабиёт ва санъат аҳли олдига қўйган вазифаларни тушунтиришини, уларнинг ана шу вазифаларни оғмай-толмай бажаришлари лозимлигини уқдириб туришни ўзининг бурчи, деб билди.

У Тошкентта кўчиб келгач, кутилмагандан Абдулла Қодирий сингари машхур ёзувчилар билан учрашиб, уларнинг суҳбатларидан баҳраманд бўлишга, янги асарлари билан танишишга, айни пайтда Ёзувчилар ўюшмасига партия томонидан юборилган шахс сифатида уларнинг сиёсий онгларини «кўтариш»га уринди. Берегин ана шундай кезларда ўзининг куни кечка Хоразмда кечган ёшлик йилларини, у ердаги устозларини ҳам тез-тез ёдлаб турар эди.

...20 - 30-йилларда Хоразмдаги маданий муҳитда фаол иштирок этган Бекжон Раҳмонов, Баёний, Худойберган Девонов, Чокар каби ижодкорлар истеъоддли ёшларни ўз бағрларига олиб, уларни адабиётдек улуғ даргоҳда ҳалол хизмат қилишга, Ватан ва халқ хизматига ҳамиша камарбаста бўлишга чорлар эдилар. Адабиёт ва санъатта меҳр қўйган бу устозлар бошқа шаҳарлардан келтирилган, шунингдек, Хивада нашр қилинган китобларни тарқатиб, кўплаб қироат тўғракларини ташкил қўлдилар.

Ана шу устозлар бағрида адабиётга, санъатга, илм-фанга бўлган ҳаваслари маълум бир изга тушган, секин-аста қалам тебратга бошлаган ёшлар орасида Қурбон Берегиндан ташқари, Умар Курбоний, Соҳиб Назарий, Марям Исҳоқова (Туйғун), Онажон Берегина (хотини), Машариф Оллаёрөв, Эшмурод Девонов (Шуҳрат) каби тенгдошлари бор бўлиб, улар устозларининг дуои фотиҳалари билан элйорт назарига тушдилар.

1920-1924 йилларда, Ўрга Осиёнинг бошқа маданий марказларида бўлгани каби, Хива шаҳрида ҳам адабий-маданий ҳаёт қизий бошлаган, адабиёт ва санъат соҳасида қандайдир ўзгариш ва янтикларнинг рўй бериши кутилаётган эди. Мулла Бекжон Раҳмонов ва Бобоохун Салимов Боку шаҳрида ўтказилган Шарқ халқлари қурултойида қатнашиб, у ердан кўтарики руҳ билан қайтиб келгандлари учун кела-жакка бўлган катта умид ва ишончлари гунчалаётган эди. Уларга ўхшани

хоразмлик илфор кишиларнинг ҳавас қўйса арзийдиган яна бир хусусияти шунда эдики, улар халқ xЖалигини тиклаш ва маданий ишиларни авжлантиришда миллий кадрлар билан бирга тақдир шамоли билан Хоразмга келиб қолган бошқа ҳалқларнинг иқтидорли вакилларидан ҳам самарали фойдаланаар эдилар. 1920-1924 йилларда Хива шаҳрида Fнлаб номдаги газета ва журналлар нашр қилиниб, шаҳарнинг истеъоддли ёшлиари ана шу нашрлар атрофига уюшган эдилар. Шулар орасида рус П.А.Подворков, бошқирд А.И.Тагиров, эроний А.Иброҳимов, белорус П.А.Теленкович, мордвин Г.Е.Мирошкин, латиш О.Г.Эльке, украин И.Сердюк, қорақалпюқ Г.Орзимуротов, татар К.Абубакиров, поляк Г.И.Адришевский, яхудий С.Либензон, немис О.Макс ва бошқа илфор кишилар бор эдики, Қурбон Берегиндаги бошқа миллат вакилларига ҳурмат, ватаннпарварлик ва ҳалқлар дўстлиги юяларига садоқат сингари туйғуларнинг шаклланишида уларнинг ҳам таъсири сезиларли бўлди. Қурбон Берегин шундай омишлар таъсирида онгли-тушунчали, тафаккур доираси кенг киши бўлиб этишибгина қолмай, бошқаларга ёрдам бериш, улар руҳини кўтариб, муайян ишга сафарбар қилиш хислатига эга бўлди. 1934 йилда Хоразмда Раҳмат Мажидий ва Қурбон Берегиннинг ташаббуси билан Ўзбекистон Ёзувчилар уюшмасининг вилоят бўлими ташкил этилиб, воҳадаги кекса ва ёш ижодкорлар шу уюшма қўшида фаолият олиб бордилар. 1932-1934 йилларда Ёзувчилар уюшмасининг вилоят бўлимида бир неча ҳалқ шоири ва 15 нафар ёш ёзувчи бор эди. Юқорида номлари тилга олинган икки раҳнамонинг ёрдами билан ўша йилларда вилоят ижодкорларининг Fндан зиёд китоблари чоп этилиб, ўқувчилар эътиборига ҳавола қўлиниди.

1928 йили Хивада «ҳикоялар ва шеърлар» тўпламининг нашр этилиши воҳанинг маданий ҳаётида катта воқеа бўлди. Бу тўпламдан ўтмиш ва ҳозирги замон ҳақидаги, ўтмишда яшаган тарихий шахслар ҳақидаги шеър, ҳикоя ва очерклар ўрин олган эди. Тўпламда маҳаллий шоир ва ёзувчилардан ташқари, бошқирд ёзувчиси Афзал Тагировнинг «Сарик Мўлда», қозоқ адаби С.Сарсенбоевнинг «ҳора кунлар ичида» ҳикоялари, татар адаби Чиханшиннинг «У қандай қилиб мухбир бўлди» очерки ҳам эълон қилинган эдики, бу муаллифларнинг Хоразм адабий ҳаётига кириб келишида Қурбон Берегиннинг хизмати оз эмас эди.

Қурбон Берегин Хоразм шоирларидан Мунис, Отаҳий, Аваз ўтар, Баёний, Комил Девоний, Парғав, Рокиб сингари шоирларининг асарларини ўқиб, ўзи ҳам шеър ва ҳикоялар ёза бошлаган. Шубҳасиз, унинг адабий машқлари устоз шоирларининг шеърларидан замонавий

гояларни замонавий шеърий шакл ва охангларда тасвирангани билан ажралиб турди. Комсомол ва партия ташкилотларининг раҳбарлиги осида улғайган қаламкашнинг шу давр гояларидан четда яшаши амри маҳол эди, албатта. Аммо у илм-фан, мактаб ва маорифнинг аҳамияти, хотин-қизлар озодлиги каби масалаларга, шу даврда яшаёттан ёшлиарнинг, шу жумладан, ўзининг орзу ва интилишлари тасвирига бағишланган шеърлар ҳам ёзганки, афсуски, уларни 20-йиллардаги турли газеталар тахламидан қидириб топиш осон юмуш эмас.

Курбон Берегиннинг 1928 йил бошларида ёзган шеъридан бизга-ча етиб келган қўйидаги тўрт сатри, бизнингча, ҳам мазмуни, ҳам шакли билан эътиборга сазовордир:

Умид саҳросини йироқ десалар,
Тоғлардан очаман шамолдай эсиб.
Ҳақиқат пардаси ёпиқ десалар,
Кўз юммай очаман парчалар кесиб...

Хоразмда ана шундай «адабий» йўлни босиб ўтган Курбон Берегиннинг тошкентлик ижод аҳли билан яқин инсоний ва ижодий алоқада бўлиши табиий эди.

XX аср ўзбек адабиёти тарихидан шу нарса маълумки, 30-йилларнинг бошларида республикадаги ёзувчиларни бир ижодий уошмага тўплани ҳаракати бошланди. 1932 йил 16 июнда Тошкент ва Самарқанд ёзувчиларининг қўшма мажлиси ўтказилиб, унда Ёзувчилари уошмасини тузиш лозимлiği ҳақида келишиб олинди. Мажлис охирида Раҳмат Мажидий раислигидаги ташкилий кўмита тузили. Йўқсил ёзувчилар уошмасининг органи сифатида напр этилиб келинган «хурилиш» журнали бўлажак ёзувчилар уошмасининг «Ўзбекистон шўро адабиёти» номли журналига айлантирилди. Ўша йилнинг октябрь ойида «Китоб ва инқилоб» журнали ташкил этилиб, Курбон Берегин журналнинг ўриндошлик асосида муҳаррири этиб тасдиқланди. 1933 йил 5 майда Ўзбекистон ёзувчиларининг биринчи ташкилий қурултойи бўлиб ўтди ва қурултойда ўзбекистондаги барча қаламкашлар учун ягона Ёзувчилар уошмасини тузиш масалалири кўриб чиқилди. 1934 йил 7-11 март кунларида Ўзбекистон ёзувчиларининг биринчи қурултойи ўтказилиб, унда адабий ҳаракатни қайта қуриш якунлари ва навбатдаги вазифалар муҳокама қилинди.

Шу ўринда айтиши жоизки, Курбон Берегин қурултой ҳайъати номига ариза билан мурожаат этган бўлиб, қурултойда унинг мазкур аризаси ҳам муҳокама қилинди. У аризасида ўзини Ёзувчилар

уюшмасига аъзо қилиб қабул қилишларини илтимос қилган эди. Қурултойда Қурбон Берегиннинг аризаси бўйича қуйидаги фикрлар баён қилинди: «Турли тўпламларда Берегиннинг бир қатор шеър ва ҳикоялари нашр қилинди. У кейинги вақтларда Хоразм инқилоби тўғрисидаги катта роман устида ишламоқда. Бундан ташқари, у ташкилий қўмита ҳайъати аъзоси сифатида адабий ҳаракатда фаол қатнашмоқда. Шунингдек, Ўзбекистон компартияси марказкўмининг матбуот шўйбасига раҳбарлик қилмоқда»¹.

Яна бир ҳужжатда Қурбон Берегин ҳақида бундай сўзларни ўқиймиз: «Ўр. Қурбон Берегин – «Маданий инқилоб» газетасининг муҳаррири. 1926 йилдан бошлаб шоир ва танқидчи. Айрим ёзувчиларнинг ижодий асарлари устида ёзган танқидий мақолалари бор. Ҳозирда Хоразм инқилоби ҳақида асар ёзмоқда»².

Бундай маълумотлар Қурбон Берегиннинг Ўзбекистон Ёзувчилар уюшмасига биринчилар қаторида аъзо бўлишига ҳақли бўлганини тасдиқлади.

Қурбон Берегин қурултой ишида адабиёт олдида турган масалалар бўйича олиб борилган мунозараларда иштирок этди. У қандай шароитда ўсиб, камол тоғганидан қатъий назар, барча истеъод соҳибларининг янги давр ғояларини олға суришда фаол иштирок этишлари лозимлиги ҳақида сўзлади. Қурбон Берегин эндигина ўттиз ёшша тўлган киши бўлишига қарамай, ғоявий чиниқиши мактабини ўтгани учун нутқига сиёсий-ижтимоий руҳ бериб, бундай давом этди: «Маданий инқилоб майдонидаги иш ва курашимизнинг тажрибалари кўрсатадиларки, меҳнаткашлар ва уларнинг ўсиб келаётган авлюди томонидан бутун соҳаларда ўзларининг билим даражаларини ошириш, ҳар бир нарсани курилишимизнинг манфаати, диалектик материализм қонуни нуқтаи назаридан жиҳдий ўрганиш, тўғри фойдаланиши талаблари ўсиб, юқорилашиб бораёттириш...»

Аммо янги давр нафасини ҳаққоний ифодаловчи чинакам бадиий асарларнинг яратилмай келаётгани ҳеч кимга сир эмас эди. Қурбон Берегин ёзувчилар дикқатини ана шу масалага қаратиб, яратилаётган бадиий асарлар куйидаги талабларга тўла жавоб беришини лозим, деб билди: »Биз ярататурғон, ижод қилатурғон адабиётларимиз умум тарих китобларидан ўзининг шакли, тили, услуби - санъаткорона ишланиши жиҳатларидангина фарқ қилиб, ўзининг бутун маъноси, мундарижаси бўйича санъаткорона юксак, чиройли образлар моҳиятини ўз ўқувчисининг миясига тез ва енгил қуяр услуб, тўла тушунарли тил ва шаклдаги ифодасидир».

Қурбон Берегин бу сўзлари билан бадиий асар топшириқ асосида

яратилиши, бир мавзу устида факат битта адиб ишлапни лозим, деган қарашларга кескин зарба берди. Чунки муайян тарихий шахс ёки воқеани тасвиirlаш ҳар бир адибнинг ўз қарашлари, материални идрок ва таҳдил қилиши услугига боғлиқ. Агар бир тарихий шахс ёки воқеа устида бир неча ёзувчи ишлайдиган бўлса, бу ҳол бошқаларнинг мазкур мавзуга қўл урмасликлари лозимлигини мутлақо англатмайди. Аксинча, биз уларнинг ёзишларига ёрдам ва далда беришимиз керак. «Асарга ўкувчининг ўзи баҳо берсин», - деди Курбон Берегин ва фикрини бундай давом этдириди: «Ҳар бир ёзувчининг ўзига хос ижодий шакли, манбалардан фойдаланиш услуби, тили ва, шунингдек, санъаткорона маҳорат хусусиятлари бор. Ҳар бир ўкувчи шу яратилган асарларнинг ҳаммаси бир текис эмас, ичидан энг яхши ёзилганини танлаб ўқииди».

Курултой олдида турган навбатдаги масалаларнинг бири ва биринчиси Ўзбекистон Ёзувчилар уюшмаси ташкилий қўмитасини сайлап эди. Курбон Берегин шўро адабиёти ва санъати олдида турган гоявий, адабий ва тарбиявий вазифаларни тўғри тушунгани учун ҳам Ёзувчилар уюшмасининг ҳайъатига аъзо этиб сайланди. Р.Мажиидий раислигида ташкилий қўмита ҳайъатининг етти нафар аъзосидан бири Курбон Берегин бўлади.

Ана шу тарзда Курбон Берегин 30-йилларнинг бошларида Ўзбекистон Ёзувчилар уюшмасини ташкил этиш бўйича бошланган ишларда фаол қатнашиб, уюшма тузилгач, унинг ҳайъатига аъзо бўлиб кирди.

Курбон Берегин 1935 йил октябрида Ўзбекистон компартияси марказқўмининг маданий оқартув бўлимига мудир этиб тайинланганидан кейин Ёзувчилар уюшмасининг биринчи раиси Раҳмат Мажиидий, бизга номаълум сабабларга кўра, Москвага, қизил профессорлар институтига ўқишига юборилади. У шу вақтда ҳам марказқўм вакили, ҳам уюшма ҳайъатининг аъзоси сифатида ҳайъатнинг бошқа аъолари билан бирга уюшмага раҳбарликни амалга оширади. Шу йили уюшма қошида Отажон Ҳошим, Курбон Берегин ва Л.С.Пинхасикдан иборат адабий танқид бюроси ташкил этилади. Бу, Курбон Берегин адабий фаолиятининг асосий йўналишини белгилаб берган воқеа эди.

Агар Курбон Берегиннинг 1935 йил 10 декабрда Садриддин Айний ижодий фаолиятининг 30 йиллигига бағищланган ва республика оқсоқоли Йўлдош Охунбобоев иштирок этган юбилей кечасини кириш сўзи билан очганини эсласак, унинг ўша йиллар адабий ҳаётидаги мавқеи катта бўлгани, айниқса, аён бўлади. Курбон Берегин

1936 йил марта Минске бўлиб ўтган СССР Ёзувчилар уюшмасининг пленумида Ўзбекистон Ёзувчилар уюшмаси ҳайъатининг аъзоси сифатида қатнашди ва Тошкентта қайтиб келгач, шаҳар ёзувчиларининг йигилишида “пленум якунлари тўгрисида маъруза ўқиди. Ушбу йигилишда А. Қодирий, Ҳамид Олимжон,Faфур Гулом, Уйғун сингари атоқли ёзувчилар иштирок этдилар.

Курбон Берегин уюшманинг раҳбарларидан бири сифатида муайян гоявий савия ва адабий малакага эга қаламкашлар, хусусан, ёш истеъод эгаларига ёрдам беришга ҳаракат қилди. Ёзувчилар ижодий фаолияти қизғин тус олиши ва самарали бўлиши учун улар халқ ва мамлакат ҳаёти билан яқиндан таниш бўлишлари лозим эди. Курбон Берегин уюшманинг бошқа раҳбарлари билан бирга шу хайрли мақсадда уларниң Республика шаҳар ва қишлоқларига ижодий сафарларга юборилишида ташаббус кўрсатди. Шунингдек, ёзувчилар ицтисодий ахволининг яхшиланишига қаратилган таклифларни ўтага ташлади. Натижада Тошкент вилоятининг Оқтош қишлоғида ёзувчилар учун Ижоди уйи барпо этилди, қатор ёзувчиларнинг уйлари эса таъмирилаб берилди.

Курбон Берегин, юқорида қайд этиб ўтганимиздек, Республика-нинг ўша йиллардаги гоявий-сиёсий раҳбари Акмал Икромов билан яқин алоқада бўлиб, ўзининг барча фаолиятида, хусусан, Ёзувчилар уюшмасида олиб борган ишларида унинг ёрдами ва кўрсатмаларига таянди. У адабий танқид бюросининг аъзоси сифатида нашр қилинган асарларнинг мазмуни, бадиий даражаси билан қизиқди.

Курбон Берегин фаолият олиб борган даврда Республика-нинг маданий ҳаётида иккита муҳим тадбирнинг амалга оширилиши режалаштирилган эди. Буларнинг бири улуғ рус шоири А.С.Пушкин вафотининг 100 йиллигига, икинчиси эса ўзбек адабиёти ва санъатининг Москвада ўзказилажак Фикунлигига тайёргарлик эди. Агар бу тадбирларнинг биринчиси, асосан, таржима ва нашр ишлари билан боғлиқ бўлган бўлса, иккинчиси янги адабиёт, музика ва театр асарларини яратишни тақозо этар эди. Берегин марказқўмнинг масъул ходими сифатида бу ҳар иккала тадбирнинг амалга ошишида, айниқса, фаол ишлади.

Афусски, бизнинг ихтиёrimизда Курбон Берегиннинг А.С.Пушкин асарларининг таржима ва нашр қилиниш жараёнидаги иштирокига оид бирор маълумот йўқ. Бундай маълумотлар тинтуб пайтида олиб кетилиб, йўқ қилиб юборилган. Аммо у ўзбек адабиётида наср жанрини тараққий эттириш мақсадида янги бадиий асарлар танловининг эълон қилиниши ва ўтказилишида бевосита иштирок этди.

Мазкур танлов шартларига кўра, биринчидан, танлов иштирокчила-ри бадиий адабиёт соҳасида қай даражада қобилиятга эга, нималарга қодир эканликларини намойиш қилишлари, иккинчидан, танлов учун ёзилган бадиий асарлар халқимизнинг кейинги йигирма йил давомида амалга оширган ишларини, юз берган тарихий ўзгаришларни бадиий образлар орқали ифодалаши лозим эди. Қурбон Берегин масъул муҳаррири бўлган «Китоб ва инқилоб» журналида танловнинг мақсад ва вазифалари куйидагича ифодаланган эди:

«Ўзбекистон ўйро ёзувчилари союзининг ташкилот комитети Ўзбекистон ёзувчилари орасида адабий танлов ўтказишга қарор қўлди. Бу танлов бўйича 16-йил воқеасидан бошлаб, то ҳозирги кунгача (1933 йилгача) кечирилган тарихий-инқилобий ҳоллар юзасидан ёзилган насрый асарлар (ҳикоя, роман, қисса) учун уч турли мукофот белгиланди. Биринчиликни олган асар муаллифига одатдаги қалам ҳақидан ташқари, яна 10 минг, иккинчидан 7 минг, учинчидан, 5 минг сўм пул ҳамда 6 ойлик ижодий отпуска берилажақдир...»

Айтиш мумкинки, бу биринчи танлов, умуман, яхши натижа берди. Агар айрим танқидчилар ёзувчиларни турли гуруҳларга ажратиб, машҳур сўз усталарини «буржуя ёзувчилари» деган айб билан четта суриб қўйишга ва ишчилар синифидан етишиб чиқсан қалам-кашларни эса рағбатлантиришга ҳаракат қилган бўлсалар-да, Садриддин Айнийнинг «Хуллар», Абдулла Қаҳҳорнинг «Сароб» романларига иккинчи мукофотнинг берилиши, Абдулла Қодирйнинг «Обид кетмон», Чўлпоннинг «Кеча ва кундуз» романларининг нашрга, Расулжон Раҳимийнинг «Хоин» пьесасининг эса саҳнага тавсия этилиши танлов ҳайъатининг ўша шароитда ҳар ҳолда адолатли ҳукм чиқарганligини англатади.

Энг муҳими шундаки, танлов ижод аҳлини янада фаолроқ меҳнат қилишга илҳомлантириди ва ўзбек адабиётининг кейинги тараққиётига ижобий таъсир кўрсатди. Келгусида ҳам шундай танловларни ўтказиш фақат фойда келтириши маълум бўлди.

Янги бадиий асарларнинг яратилиши, адабий ҳаётнинг жонланиши ўз навбатида адабий танқид масалаларига жиддий эътибор бериш заруратини уйғотди. Қурбон Берегин гарчанд вақтли матбуотда адабий-танқидий мақолалари билан қатнашмаган бўлса ҳам, иккича уч йил давомида кўплаб асарларни ўқиб чиқиб, бюро йигилишида замонавий адабий жараён тўғрисида ўз фикрларини билдириб турди. У марказқўмдаги хизмат вазифаларидан бўш вақтларида кўплаб ёзувчилар билан учрашиб, улар ёзаётган янги асарлар билан ҳам, уларнинг оиласвий-маиший ҳаётлари билан қизиқди. Энг муҳими, улар

билин мулоқотлари даврида бадиий ижод табиати тўғрисидаги тасаввурлари ойдинлашиб, аниқ қирралар касб этиб борди.

Шу даврда Ёзувчилар уюшмаси олдида турган мұхим масалалардан бири бошқа халқлар адабиётининг энг яхши намуналарини таржима қилиш ва шу йўл билан ўзбек адабиётига мазкур адабиётларга хос янги адабий-бадиий тамойиллар, янги адабий тур ва жанрлар, янги тасвир усул ва воситаларини олиб кириш эди. А.С.Пушкин асарларининг шу йилларда катта меҳр ва гайрат билан таржима қилиниши, биринчидан, ўзбек халқининг улуғ рус шоири ижоди ва умуман рус мумтоз адабиёти билан танишишига ёрдам берган бўлса, иккинчидан, Пушкиннинг шеърий маҳоратидан, унинг адабий, тарихий ва илмий асарлар устида ишлаш тажрибасидан ўрганиши ва шу асосда ўзбек адабиётини янги бадиий юксакликка кўтаришига мұхим туртки берди.

Курбон Берегин таржима ҳақида фикр юритар экан, таржима ҳам бир санъат эканлигини уқтириб, таржимонларни тарбиялашга алоҳида эътибор бериш зарурлиги, улар қобилияти ва салоҳияти даражаларини кўтариши лозимлигини кўп бор таъкидлади. У ««Таржима ишларини соғайтамиз» деган мақоласида шу ҳақда бундай ёзган эди: «Матбуот ва наприёт соҳасида ишлаб турган таржимачи кадрлар орасида оммавий иш юргизиш, уларни янги давр қурилиши талабларига мувофиқ ҳолда уюштириш, шунингдек, таржима фронтидаги сифат жиҳатидан кўрилмоқда бўлган саводсизликни тугатиш мақсади билан ўзнашр бир мунча чоралар кўра бошлиди. Бунинг учун илмий таржимонларнинг юзларини (қобилиятларини) аниқлаш, уларнинг илмий даражаларини белгилаш, ихтисосларига кўра саралаш ва ҳар қайсисига ўрин ва даража белгилаш керак».

Маълумки, 1934 йил августида Москвада СССР ёзувчиларининг биринчи қурултойи ўтказилган. Қурултойда М.Горькийнинг маъруzasидан кейин бошқа миллий ёзувчилар уюшмаларининг раислари билан бир қаторда Ўзбекистон Ёзувчилар уюшмаси раиси Раҳмат Мажидийнинг ҳам ўзбек адабиётининг совет даврида босиб ўтган йўли ҳақида кўшимча маъруза билан чиққан. М.Горький қурултойда сўзлаган нутқларининг бирида «Бугунниттифоқ театри»ни ташкил этиш масаласини кўтариб, бундай деган эди: «Бу театрнинг асосий, доимий трупласи рус артистларидан ташкил топган бўлиб, улар озарбайжон, арман, белорус, грузин, татар ва Ўрга Осиё, Кавказ, Сибирда истиқомат қиливчи барча халқлар ва элатларнинг пъесаларини рус тилида энг яхши таржималарда қўйишлари лозим. Ҳардош адабиётларнинг тез суръат билан ўсиши билан бу адабиётларнинг юк-

салаётганини жиддий кузатишга мажбур этади ва бу ҳол рус драматургиясининг ўсишига ёрдам бериши мумкин»¹.

М.Горькийнинг бу, шунингдек, жаҳон миллий адабиётларимиз орқали озарбайжон, арман, белорус ва бошқа халқларнинг қандай халқлар эканлитигини билсин, деган сўзлари ўзбек ёзувчиларининг ҳам кўнгилтаридағи ширин орзуларни уйғотиб юборди.

М.Горькийнинг қурултойдаги маъруза ва нутқларидан бир йил аввал, 1933 йил 1 декабрда Москвадан Тошкентга ўзбек адабиётини ўрганиши ва ўзбек адабиёти эришган ижодий ютуқларни кенг тарғиб қилиш мақсадида В.Ермилов бошчилитида рус ёзувчилари делегацияси келган эди. Ана шу делегациянинг ўзбекистонда олиб борган ишлари натижаси ўлароқ» ўзбекистон адабиёти» деган альманах нашрга тайёрланади ва 1935 йилнинг апрель ойидага мазкур «альманах»нинг таҳрир ҳайъати тузилиб, унинг таркибига Р.Мажидий, Курбон Берегин, Анқабой, Зиё Сайд ва Л.Пинхасиклар киритилади. Шу даврдан боштаб нафақат ўзбек адабиёти намуналари рус тилига, балки бошқа миллий адабиётларнинг энг яхши намуналари ҳам ўзбек тилига мунтазам равишда таржима қилиниб, нашр этила бошлайди. Бунда Абдулла Қодирий иштирокидаги ижодий жамоа томонидан 1934 йили Қозон шаҳрида чоп қилинган ва Курбон Берегин масъул муҳаррири бўлган «ўзбекча-русча лугат» таржимонларга муҳим амалий қўлланма бўлиб хизмат қилди.

Курбон Берегин Ўзбекистон Ёзувчилар уюшмасидаги фаолияти давомида адабий жараёнда қатнашаётган қатор ижодкорларга яқиндан ёрдами берди. Унинг марказкўм аъзоси сифатидаги саъй-ҳаракати билан маданий қурилишга ажратилаётган маблагф 3, 5 миллион сўмдан 5, 4 миллион сўмга кўпайтирилди, бу маблагнинг каттагина қисми нашр, таржима, халқ оғзаки ижоди намуналарини ёзib олиш ва тўплаш сингари ишлар учун ажратилган эди. Шунинг самараси ўлароқ 1932-1936 йилларда халқ оғзаки ижоди намуналаридан 400 га яқин эртак, кўшиқ ва достонлар ёзib олинди. «Саврун», «ўт кетди», «Нишондорлар», «Юксалиши» каби қатор тўпламлар нашр қилинди.

ИЖОДКОРЛИК ФАОЛИЯТИ

Таржима санъати ҳар бир халқнинг миллий-маданий тараққиётида муҳим омиллардан бири ҳисобланиб келган.

30-йилларнинг ўрталарида А.С.Пушкин ва фотининг 100 йиллиги муносабати билан улуғ рус шоири асарларининг ўзбек тилига

таржима қилиниши миллий маданиятимизнинг ривожланишимида муҳим аҳамиятта молик бўлди. Таржимачиликнинг катта ижтимоий ва маданий аҳамиятга эга санъат тури эканлигини яхши билган Курбон Берегин ўзбекистонда рус мумтоз адабиёти намуналарини, биринчи наవбатда А.С.Пушкин асарларини тарғиб ва таржима қилиш ишида ҳуқумат юбилей комиссиясининг аъзоси сифатида иштирок этди.

Маълумки, бундай ишларнинг ўша пайтда марказқўм иштирокисиз амалта оширилиши маҳол эди. Марказқўмда эса бундай масалалар билан бевосита шуғулланувчи шахслар тарғибот ва ташвиқот бўлимининг мудири Мўмин Усмонов билан бирга маданий оқартув бўлими мудири Курбон Берегин эдилар. Улар А.С.Пушкин вафотининг 100 йиллиги муносабати билан амалга ошириши зарур бўлган тадбирлар режасини тузиб, бу ишга бош-қош бўлдилар.

Юқорида айтиб ўтганимиздек, 1936 йил 10-16 февраль кунларида Белоруссия пойтахти Минскда СССР Ёзувчилар уюшмасининг Ш пленуми чақирилиб, унда Қурбон Берегин ҳам иштирок этган эди. Пленум асосан белорус ва бошқирд адабиётларининг 1917 йилдан кейинги тараққиёти масалаларига бағишланган бўлса-да, у М.Климкович ва А.Тагировларнинг маърузаларидан кейин «Ўзбекистон адабиётининг ютуқлари ҳақида» кўпимча маъруза билан сўзга чиқиб, республикамизда бадиий адабиётнинг қай даражада ривожланаёттани ҳақида аҳборот берди. Шунингдек, Афзал Тагировнинг бошқирд адабиёти ҳақидаги маърузасига муносабат билдириб, ўзбек-бошқирд адабий алоқаларини ривожлантиришга доир фикр ва мулоҳазаларини ўртага ташлади.

Курбон Берегиннинг бошқирд адабиёти ҳақидаги маърузага муносабат билдириши тасодифий бўлмаган. Зеро, у Қозонга ўқишига боргунига қадар ҳам, кейин ҳам татар ва бошқирд халқлари адабиётидан бир мунча хабардор, ҳатто пленумда маъруза ўқиган Бошқирдистон Ёзувчилар уюшмасининг раиси ёзувчи Афзал Тагиров билан шахсан таниш бўлган. Янги бошқирд адабиётининг асосчиларидан бири Афзал Тагиров (1890-1941) 20-йилларнинг бошларида Хоразмда яшаган ва Ўрга Осиёда совет ҳокимиятининг ўрнатилиши, Хоразм воҳасида босмачиларга қарши кураш ва совет қурилиши мавзуида «Тўполон дарё ҳаробаларида» деган қисса ёзган ва бу қисса бошқирд адабиётидаги замонавий воқеаларни тасвирлашдаги дастлаби тажриба сифатида баҳоланганди. Курбон Берегин Афзал Тагиров билан танишганида, унинг бу асари ҳали нашр этилмаган, шунинг учун ҳам у ўшлар ташкилотининг жўшқин раҳбарларидан бирига «Солдатлар» деб номланган илк қиссасини ҳадя этган эди. Бошқирд ёзувчининг бу

қиссаси Курбон Берегинга манзур бўлган бўлса керакки, у мазкур асарни ўзбек тилига таржима ҳам қилган эди.

30-йилларда, бир томондан, бошқа миллий халқларнинг адабиётлари билан ижодий алоқаларнинг, иккинчи томондан, таржима ишларининг йўлга қўйилиши натижасида шу давр адабий ҳаётида катта воқеа бўлган асарлар ўзбек тилига таржима қилина бошлади. Шундай асарлар орасида М.Шолоховнинг машҳур «Очилган қўриқ» романни ҳам бўлиб, Ройиқ томонидан илк бор ўзбек тилига таржима қилинган бу асар Курбон Берегиннинг таҳрири остида Ўзбекистон ССРнинг 10 йиллига совға сифатида нашр қилинди.

Рус адабиётидаги фуқаролар уруши ва жамоалаштириш даври тарихини бадиий гавдалантиришга бағишланган бу асар Курбон Берегинда катта таассурот қолдиргани сабабли у бошқа халқлар адабиётларида мавжуд бўлган шундай асарларни нафақат ўзбек, балки ўзбекистонда яшовчи бошқа туркӣ тилларга ҳам таржима қилишни лозим, деб билди ва бундай деб ёзди: «Россия, Украина, Белоруссия ва Закавказье гражданлари уруши тарихидан олинниб, шу тилларда ёзилган яхши асарлардан танлаб, ўзбек, уйғур ва бошқа тилларга таржима қилиб, нашр этиши ишини уюштириш лозим».

Курбон Берегин XIX аср охири - XX аср бошларида Хива шаҳрида таржимонлар ва хаттотларнинг ўзига хос мактаби вужудга келиб, самарали ижодий фаолият олиб борганидан яхши хабардор эди. У XX асрнинг 30-йилларида Тошкентда ҳам таржимонларнинг Хоразм мактабига ўхшаш мактаблари юзага келишини орзу қилди. Қолаверса, янги тарихий-маданий давр шундай мактабнинг пайдо бўлишини талаб қиласи эди. Чўлон ва унинг қаламкаш дўстлари туфайли шундай мактаб пайдо бўла бошлади ҳам. Аммо биргина Чўлон ёки Абдулла Қодирийнинг ижодий кучи билан жаҳон адабиётининг, шунингдек, замонавий рус адабиётининг энг яхши намуналарини ўзбек тилига таржима қилиш осон эмас эди. Таржимачиликка қизиқкан ва шу соҳада меҳнат қила бошлаган кишиларнинг бир қисмида тажриба этишмаган бўлса, иккинчи қисми адабий истеъдолдан холи эди. Шунинг учун ҳам барча таржимонларнинг савияси ва ижодий имкониятларини бир мейёрда ўлчаш тўғри бўлмайди. Таржимон ҳар томонлама етук, билимдон ва истеъдолли бўлсагина у қилган таржималар китобхонлар оммасига манзур бўлиши, ва ҳар икки миллий адабиётта наф келтириши мумкин.

Курбон Берегин таржимачилик ишини яхшилаш масалалари ҳақида фикр-мулоҳаза юритиб, 1933 йили «Китоб ва инқилоб» журналининг 2-3-сонларида «Таржима ишларини соғайтамиз» сарлавҳали ма-

қоласини эълон қилди. Унда ишни аввало таржимонларга нисбатан қўйиладиган талаблар ва уларнинг ижодий меҳнатларини қадрлашдан бошлиши кераклигига эътиборни қаратди, яъни таржимонларга даражалар белгилари, шунга қараб иш топшириши ва қалам ҳақини бериш ғоясини илгари сурди. Ўз навбатида таржимонлар олдига ҳам катта ва маъсуллиятли вазифаларни қўйди.

Ҳаётининг аксар қисми турли ташкилий ишлар, йиғилишлар ва хизмат сафарларида ўтган Қурбон Берегинни ўзбек халқи ва унинг маданияти тарихини пухта ўрганганд, деб бўлмайди. Аммо у Хоразм фарзанди бўлгани учун шу юртнинг ўзи гувоҳ бўлган тарихи билан, ўзи гувоҳ бўлган маданияти билан қизиқди. У қаерда ва қайси лавозимда ишлаган бўлмасин, биринчи навбатда туғилиб ўсган юртининг манфаатларини, туғилиб ўсган юртида рўй берган ва уни ларзага солган воқеалар ҳақида авлодларга ёзиб қолдириши нияти билан яшади. Маданий қурилиш илмий-текшириши институтининг иш режасига унинг тавсияси билан: «Ёш хиваликлар тарихи очерки», «Хоразмдаги инқилюбий ҳаракатга доир материаллар», «Хива, 1924 йил» очерки, «Хоразмда 1921 йил март воқеалари» каби мавзулар киритилган эдикни, олимларимиз Қурбон Берегиндан кейин қарийб 50 йил давомида ана шу муаммолар устида ишлаб келдилар. Бу мавзулар Қурбон Берегин томонидан эълон қилинган мақолаларда ҳам қисман тилга олинган ва уларни ишлаш масаласи илмий вазифа қилиб қўйилган эди. Унинг ўзи ҳам 20-йилларнинг бошлирида Хоразмда рўй берган, аниқроғи, Хоразмда совет ҳокимиятининг ўрнатилиши билан боғлиқ воқеаларни ўрганишга астойдил киришиди.

Баъзи бир маълумотларга қараганда, Қурбон Берегин “Хоразмдаги 1924 йил январь воқеаларига багишлаган 15 босма табоқ ҳажмдаги ишни ёзиб тутатган. Унда, замондошларининг айтишларича, ўтган асрнинг 20-йилларида Хоразмда рўй берган даҳшатли воқеалар, жумладан, Мулла Бекжон Раҳмонов билан Бобоохун Салимов каби зиёлиларнинг бошига тушган савдоларга оид тарихий ҳужжатлар ва барҳаёт замондошларнинг хотиралари асосида тасвирлаган. Тахминимизга кўра, туталланмай қолпан бу асар Қурбон Берегинни қамоқقا олиш пайтида олиб кетилган ва куйдириб ташланган. Шунинг учун ҳам унда қайси тарихий шахслар ва воқеаларнинг тасвир этишганлиги тўғрисида аниқ бир фикрни айтиш қийин.

Лекин шу нарса аниқки, мазкур асарда тасвирланиши мўлжалланган Хоразмда совет ҳокимиятининг ўрнатилиши даврида кўйлаб кишилар жувонмарг бўлганлар.

Афсуски, Хоразм тарихининг бу фожиали саҳифаси мустақиллик

даврига қадар совет тарихчилари томонидан мутлақо бузиб талқин этилиб келди. Масалан, «хрущевча “илиқлик» йилларида нашр этилган «Ўзбекистон ССР тарихи» тўрт жилдигининг 3-жилди муаллифлари шу ҳақда бундай ёзгандар:

«1924 йил январида Хоразмнинг аксар раҳбарлари Москвага СССР Советларининг П қурултойига кетганларидан фойдаланиб, «Ёш хиваликлар», иирик феодал Мадраҳимбой ва бошқалар бошлиқ аксилиниқилобчилар чўли биёбонларда яшириниб ётган Жунаидхон билан бирга Совет ҳокимиятига қарши катта кураш бўйича янги режа ишлаб чиқдилар.

Кўзғолонни биринчи бўлиб Мадраҳимбой бошлаб берди. Унинг Пинак туманида ҳаракат қўлган шайкасидаги бандитлар коммунистлар, комсомоллар, милиционерлар ва совет фаолларини қамоқча олиб, ўлдирдилар, совет муассаларини остин-устин қилиб, аҳолини талон-торож қилдилар. Хазораспда Мадраҳимбойнинг бандасига Собирбой, Матчонбой ва Шокиржон пир раҳбарлигидаги маҳаллий бойлар ва муллалар келиб қўшилдилар.

Аксилиниқилобий қўзғолон республиканинг Богот, Хонқа, Янгиарик, Садубор ва бошқа баъзи бир туманларида ҳам аланголди.

Маҳаллий шайкалар 10 минг кипидан кам бўлмаган қуролли бандага бирлашиб, республика пойтахти Хива сари йўл олди. Шу томонни мўлжаллаб бораётган Жунаидхоннинг ихтиёрида эса 8 минг киши бор эди. Англия жунаидхончиларни қурол-яроғлар, ўқ-дорилар ва ҳ.к.лар билан ортиқ даражада таъминлаган эди.

Тошовузда қизил Армиянинг оз сонли гарнizonи коммунист Аҳмаджон Иброҳимов қўмондонлик қўлган отряд билан бирга Жунаидхоннинг бандасига қарши қатта қаршилик кўрсатди. Аммо кучлар тенг эмас эди. Жунаидхон Тошовуз, Манғит, Гурлан, Шавот, Фазобод ва бошқа қатор туманларни забт этиб, 10 январда Хивага кириб борди. Шаҳар деворлари ёнида қақшатғич жанглар бўлиб ўтди...

Хоразм чекистлари Хивадаги меҳнаткаш аҳоли томонидан қизгин қўллаб-куватланган ҳолда аксилиниқилобчиларнинг шаҳар ичидағи уясини тор-мор қилдилар. 25 январда Хива мудофаачилари қарши хужумга муваффақиятли ўтиб, душманни шаҳардан чиқариб юбордилар. Шу орада босмачиларга қарши курашда донг таратган Н.А.-Шабдаков қўмондонлиги остидаги 82-отлиқ асралар полки (собиқ 64-Туркистан отлиқ полки) Хоразм меҳнаткашларига ёрдам бериш учун етиб келди. Мазкур полк Хивага келишдан аввал Хазорасп, Хонқа, Янгиарикдаги босмачилар шайкасини қириб ташлаб, 4 февралда шаҳарга кириб келган эди...»¹

Бугун бу сўзларни ўқитан ҳар бир киши совет тарихчиларининг тарихий давр ҳақиқатини тамомила бузиб, мустамлакачиларга қарши оммавий равишда қўзголон қўгарган Хоразм халқини босмачилар, аксилинқилобчилар, бандитлар деб туҳмат қўлганларини, хонликда совет ҳокимиятини зўравонлик йўли билан ўрнаттан келгинидиларни эса ўша даврнинг қаҳрамонлари сифатида талқин қўлганларини яхши тушунади.

Юқорида номи бир неча бор тилга олинган “Матёкуб Матниёзов эса »Ёш хиваликлар тарихи»га ёзган сўзбошисида Хоразм Халқ Республикаси ўрнатилган тарихий давр тўғрисида бундай тарихан ҳаққоний маълумотни берган:

«...РСФСРнинг XXСРдаги комил ҳуқуқли вакили М.Сафонов маҳаллий ҳукуматта қарши фаолиятини кучайтириб юборди. 1921 йил 4 мартаңдан қалъадан ташқарида, Намозгоҳ дарвозаси яқинида Хивадаги барча қуролланган рус аскарларини ҳамда кўп миқдорда халойикни йигиб, катта митинг ўюштиргди. Бу митингда сўзлаш учун маҳсус одамлар тайёрланди. Шулардан бири диний комиссия вакили татар Раҳим Муҳаммаджонов эди. У митингда халққа мурожаат қилиб, биродарлар, сизнинг ҳозирги ҳукуматингиз бойлар ҳукуматидир. Бу ҳукуматни афдариб, ўрнига камбағаллар ҳукумати тузмоқ зарур, деган. Меҳнаткашлар вакили Раҳим Холмас сўз олиб, бу гаплар ёлғон ва бўхтондир, ҳозирги ҳукумат халқ вакиллари томонидан сайланган ва халққа маъқул ҳукуматдир, деган. Шу сўзлардан кейин Сафонов буйруғи билан Раҳим Холмасни дарҳол ушлаб, қамоққа олганлар.

М.Сафонов ҳукумат аъзолари орқасидан назорат ўрнатиб, уларни қаерга боргани, ким билан суҳбатлашгани, нима қўлганлари ҳақида маълумот тўплай бошлади.

Ундан ташқари, коммунистик фирмә раҳбарлари билан тиғ биректириб, ҳукуматга ва унинг бошлиқларига қарши фиски фасод тарқатса бошлади. Ҳар турли қонундан ташқари ҳукуматта Нозирлар Шўросига маълум қўлмасдан, ўзбошимчалик қилиб, Сафонов ҳарбий нозир Ҳасанов билан биргаликда янги сиёсий идора (Пурхив) ташкил қилди. Унинг бошлиғи қилиб бошқирд миллатига мансуб Х.Мусаев деган шахсни тайинлади. Ҳатто мутбуотда ҳукумат варақаларини бостиришни, ташвиқот юргизишни, марказга телефон қилиши ва телеграммалар юборишини ҳам ман қилди.

Бундай аҳволдан ғазабланган ҳукумат аъзолари бирин-кетин истеъро бера бошладилар. Масалан, адлия нозири Бобоохун Салимов ўз лавозимиidan истеъро берди.

Сафонов юргизган сиёсат Хоразм халқи учун хавфли сиёсат экан-

лигини уқдириб, хукумат бошлиғи Полвонниёз Ҳожи Юсупов бундай деган эди: «Товарищ Сафоновнинг тутган сиёсати Хоразм халқи учун кўп зарарли эди. Қукумат арбоблари тангрига тавакқал қилиб қараб ўлтиридишлар. Нечунким тамоми аскарларнинг ихтиёри уларда эрди».

6 март 1921 йилда РСФСРнинг Хоразмдаги комил ҳукуқли вакили М.Сафонов буйруғига биноан ҳарбий нозири Шайхутдин Ҳасанов, сиёсий идора (Пурхив) бошлиғи Қамза Мусаевлар қуролланган рус аскарлари билан Нуруллабойга келиб, хукумат уйини ўраб олдишлар. Мақсад: хукумат раҳбарларини ҳисбсга олиш, халқ вакишлири сайлаган ҳукуматни тарқатиб юбориш ва РСФСР ҳукумати вакилларига тўла итоат қиласидиган ҳукуматни тузишдан иборат эди.

Ўша куни деярлик барча ҳукумат аъзолари қамоққа олинниб, зинданга ташланди. Бу воқеадан сал аввалроқ хабар топган ҳукумат бошлиғи Полвонниёз Ҳожи Юсупов эса кечаси қочиб кутулган.

М.Сафонов Гурланга милиция юбориб, Бобоохун Салимовни ҳам тутиб келишини буюрган. Бироқ кўшикўприкка келган вақтда Бобоохун қулагай вазиятни топиб, ярим оқшомда милициячилар қўлидан қочиб гойиб бўлган. Бу, Сафонов ва унинг думлари томонидан амалга оширилган давлат тўнгарилиши эди¹.

Мазкур давлат тўнгариши вақтида хоразмлик кўплаб миллатпарвар ва халқпарвар кишилар қириб ташланган.

М.Матниёзов давом этиб, яна бундай маълумотни илова қилган: «...Ҳисбста олинган барча ҳукумат аъзоларининг уйлари тинтув қилиниб, қимматбаҳо буюмлари мусодара қилинган. Олтин ва бриллиант буюмлар Сафонов, Ҳасанов ва Мусаевлар орасида тақсимланган.

Сафоновдан кейинги келган РСФСРнинг муҳтор ҳукуқли вакиллари, ҳарбий бошлиқлари ҳам хон авлодлари ва бойларнинг уйларини тинтув қилиб, қаршилик кўрсатганларни отиб, қимматбаҳо буюмларини мусодара қилиб, кейин ўзлаштириб олганлар. Хивага келганда энгига киядиган биронта дуруст кийими бўлмаган баъзи бир кимсалар Хивадан жўнаб кетиш олдидан қимматбаҳо совғалар, олтин ва бриллиантлар тўла чамадонлар билан кетганлар»².

Курбон Берегин она юргида рўй берган бундай даҳшатли воқеаларни ўз кўзи билан кўриб, ўз қулоғи билан эшитган. Мулла Бекжон Раҳмонов ва Бобоохун Салимов сингари хоразмлик машҳур зиёлиларнинг, 22 нафар навқирон замондошларининг ёвузларча ўлдирилиши, шак-шубҳасиз, уни ларзага солган. Шу боисдан ҳам у 30-йилларнинг ўрталарида гражданлар уруши мавзуудаги катта бадиий асар устида ишланига киришган эди. Раҳмат Мажидийнинг «Ўзбекистон шўро адабиётси» журналиниң 1933 йил 3-4-сонларида эълон қилинган

«Ўзбекистон шўро адабиёти юксалишда» деб номланган мақоласида ёзишича, «Курбон Берегин ўша вақтда “Хоразмдаги инқилюб ҳақида «катта бир иш» устида ишлаган. Баъзи бир манбаларда бу «иш» «1924 йил, январь» романни деб тилга олинадики, бу фактнинг қанчалик тўғрилиги масаласи ҳам, Хоразмнинг тарихида содир этилган бу фожиали воқеаларнинг қанчалик ҳаққоний талқин этилгани ё этилмагани ҳам бизга, афсуски, мутлақо қоронғидир.

Шубҳасиз, марказқўмдаги бўлим мудири лавозимини адо этаётган Курбон Берегиннинг ўша вақтда Хоразмда совет ҳокимиятининг ўрнатилиши ҳақидаги бор ҳақиқатни айтиши маҳол бўлганидек, бу ҳақиқатни айтмай, Хоразмда совет ҳокимиятининг ўрнатилиши мавзудаги асарни ёзиш ҳам тарихий ҳақиқатдан чекиниш, мунофиқлик бўлурди.

Курбон Берегиннинг адабий мероси 200 дан ортиқ китоб, публицистик мақола, шеър, ҳикоя, нутқ ва маърузалардан иборат бўлиб, уларнинг аксари турли нашрларда эълон қилинган. Курбон Берегиннинг китоблари орасида «Маданий қурилиш вазифалари» (1929, Урганч), «Шодликли кунлар» (1929, Урганч), «Гражданлар урушининг тарихи тўғрисида» (1930), «Савод учун кураш» (1931), публицистик мақолалари орасида «Ишчилар ҳаракати» (1924), «Ёшлар матбуоти», «Янги турмуш учун кураш», «ҳон дарёси», «Байналминал ёшлар кунининг 13 йиллиги» (1927), «Халқ маорифи жабҳасида», «Инқилюб қўёши» 8 ёнда» (1928), «Янада театр тўғрисида», «Буюк юксалиш йўлида» (1929), «Маданий инқилюбнинг муҳим масалалари», «Колхоз ва совхозларда маданий ишларимизнинг вазифаси» (1930), «22 лар ўлдирилишининг ўн йиллиги» (1934), «Миллион меҳнаткашларни саводли қилиш – шу ўқув йилининг темир қонуни» (1936) каби асарлари унинг публицист ва ёзувчи сифатидаги ижодининг фоя ва мавзулар оламини ифодалаб келади. У юқорида тилга олинган М.Шолоховнинг «Очилиган қўриқ» романидан ташқари, А.С.Пушкиннинг «Дубровский», »Капитан қизи» ва «Бекат назоратчиси» асарлари, шунингдек, М.Горькийнинг «Она», Козимийнинг «Қўрқинчли Техрон» романларига ҳам муҳаррирлик қилган.

1935 йилнинг июнь ойида Ўзбекистон Ёзувчилар уюшмасининг П плениуми ўтказилиб, унда турли масалалар муҳокама қилинди. Курбон Берегин плениумда Ёзувчилар уюшмаси олдида турган муҳим масалалар қаторида гражданлар уруши тарихини яратиш масаласини кўтарди, бу, фақат тарихчилар, бошقا ижтимоий фанларнинг вакиллари олдида турган масалагина эмас, балки шоир ва ёзувчилар олдида турган долзарб масала ҳам эканлигини таъкидлаб, ёзувчи-

ларни шу мавзуда бадиий асарлар ёзишга чақирди. Қурбон Берегиннинг ўзи шу вақтда «Гражданлар урушининг тарихи тўғрисида» деган китоби устида ишлаётган эди.

Шу воқеадан тўрг тийл аваал М.Горькийнинг ташаббуси билан ВКП(б) марказқўми гражданлар уруши тарихини яратиш тўғрисида қарор қабул қилган, Қурбон Берегин намунали коммунист-журналист сифатида Ўрга Осиёдаги гражданлар урушини таҳлил қилувчи илмий-оммабоп асар ёза бошлаган эди. 1935 йилда нашр этилган бу китобнинг маълум қисми 20-йилларнинг бошларида Хоразмда рўй берган ва юқорида тилга олинган воқеаларга бағишиланган. Шубҳасиз, тарихга вульгар-социологик ёндашув тамойили авж олган йилларда Қурбон Берегиннинг бу воқеаларни тарихий ҳақиқатта садоқат билан тасвирлани амри маҳол эди.

Қурбон Берегин мазкур пленумда ёзувчиларни гражданлар уруши мавзууда асарлар ёзишга даъват этиши билан бирга уларни ижтимоий фаол бўлишга чақирди. Унинг назарида, сўнгти йилларда ўзбек адабиётининг ҳаёт билан, реал воқелик билан алоқаси кучайган ва шу туфайли «ёзувчиларимиз замонавий мавзуларда асар ёзиш тажрибасини эгаллаган эдилар».

«Адабиётимиз, - деб ёзган эди у, - тематикаси масаласидаги оғирлик даврларини ўтиб, истиқболли, ўкувчини жуда қизиқтирувчи, турли ва жуда кўп бой курашchan темалар даврига кирди. Ёзувчиларимиз бу темалар устида ишлаётилар. Ҳалигача чиққан ва адабиёт конкурсига келган асарлар ҳам буни тасдиqlайди. Лекин биз ижодий ишларимизни секинлик билан олиб бораётимиз. Чирчиқстрой, Текстиль қурилиши, пахтанинг юқори ҳосили ва баланд сифати учун кураш, колхозчиларимизнинг давлатли, маданиятли бўлиши суръати ва сифатига қараганда совет нафис адабиётимиз ҳали орқада қолиб келаётир. Биз бу кейинда қолишимизни тезроқ тутатиб, янги ҳаёт оқимидағи ўзимизга тегишли бўлган ўринни эгаллашимиз лозим»¹.

Қурбон Берегин мазкур китобда гарчанд ўз олдига ўзбекистондаги гражданлар уруши тарихини ўрганиш вазифасини қўйган бўлса ҳам, у бу вазифани бажариш билан кифояланмай, адабиётда шу мавзунинг ишланиш масалаларини ҳам таҳлил қилишга уринган. У Комил Яшиннинг «Тор-мор», Умаржон Исмоиловнинг «Рустам», Анқабойнинг «Шодмон», Зиннат Фатхуллиннинг «Ниқоб йиртилди» пьесалари, Абдулла Қаҳҳорнинг «Сароб», Ҳусайн Шамснинг «Қуқуқ», Плетнёвнинг «Амир Саид Олимхон бошқа қайтмайди», Жўрабоевнинг «Хуррамбек» романлари, Шокир Сулаймоннинг «ўлим босмачига», Сергей Кошеваровнинг «ўт ичида», Валистовскийнинг

«Халқада» хикояларида гражданлар уруши мавзуси қанчалик түгри ёртилиганини ўша даврнинг синфиийлик ва партияйийлик мезонлари асосида текширганки, муаллифдан бунинг аксини талаб қилиш ноўриндир.

М. Горькийнинг сабиқ иттифоқ ёзувчиларининг 1-қурултойидағи нутқи ва маърузасидан кейин халқ оғзаки ижоди намуналарини түплаш ва ўрганиш масалаларига жиудий эътибор берилди. Аслида бу иш «Литература Средней Азии» («Ўрта Осиё адабиёти») газетасининг 1934 йил 14 февраль сонида босилган «Фольклорга эътибор» (тахририят мақоласи), шунингдек, Қоди Зарифнинг «Оғзаки адабиёт ҳақида баъзи қайдлар», Ҳасан Пўлатнинг «Фольклорни кабинетдан топа олмайсан», Ҳусайн Шамснинг «Олгин фонд» ва бошқа мақолалари билан бошланди. Ўзбекистон Ёзувчилар уюшмасининг қурултойдан кейин чақирилган пленумларидан бирининг кун тартибida халқ оғзаки ижоди намуналарини түплаш, ўрганиш ва нашр этиши маҳсус масала сифатида турди. Ва шу вақтдан эътиборан ўзбек халқ оғзаки ижодини мунтазам равишда илмий асосда ўрганиш ишлари бошланди.

Курбон Берегин ҳам халқ оғзаки ижодига алоҳида меҳр билан ёндашувчи раҳбарлардан бўлган. У, чунончи, Ўзбекистон Ёзувчилар уюшмасининг 1935 йилда бўлиб ўтган пленумида сўзлаган маърузасида бундай деган эди: «...эл адабиёти, фольклор ва эпослар бойлигига эгамиз. Лекин биз шуларни тўплаб, нашр қилишга ҳалигача эътиборсизлик билан қараб келмоқдамиз. Бу, бизлар учун ҳеч кечирилмаслиқдир».

Мазкур тарихий пленумдан кейин ўзбек халқ оғзаки ижодининг пешқадам намояндалари - Эргаш Жуманбулбул ўғли, Фозил Йўлдош ўғли, Ислом шоир, Пўлкан шоир каби бахшилар республика пойтахтига чақирилиб, уларнинг ижодий репрезентарлари билан танишиб чиқилди ва айрим асарлари ёзиб олинди. Шу билан бирга улар орасида мамлакатда юз берадиган буюк ўзгаришлар тўғрисида туспунириш ишлари олиб борилиб, уларнинг ижодий фаолияти учун шароит ҳозирландики, Курбон Берегин ҳам бу хайрли ишдан четда қолмади..

ЮНУС МАҚСУДИЙНИНГ ХИКОЯСИ

90-йилларда Юнус Мақсудий деган кекса адабиёт шинавандаси Абдулла Қодирий, Чўлпон ва Усмон Носир тўғрисидағи хотиралари

билин эл оғзига түшгән эди. Мазқур хотираларнинг бир қисми “унинг »Улувлар даврасида« деган рисоласида эълон қилинган. Рисолада ёзилишича, 30-йилларда Москвада ўқитган Юнус Мақсудий 1935 йилнинг ёзида таътил кунларини ўтказиш учун Тошкент шаҳрига келган. У ана шу кезларда рўй берган айрим воқеалар ва учрашувлар ҳақида бундай ҳикоя қиласди:

... *Тошкентга келганимга уч-тўрт кун бўлганда, - деб ҳикоя қиласди Юнус Мақсудий, - қибрайлар тогам мени дала ҳовлиларига олиб кетдилар. Мен ҳар йили у ерда беш-олти кун дам олиб, зериккач, қайтиб келар эдим.*

- Бу сафар зерикмайсан, қўшнимизникига газета чиқарадиган шоирлар келиб дам олишяпти, суҳбати ширин, олижаноб кишилар экан. Мениям ўз ҳолимга қўймай чақириб кетишади. Менга жуда ёқиб қолди, - деди тогам.

Манзилга етиб, дам олиб ўтирган эдик, кимдир чақириб қолди. Тогам яна ўшалар чақиришяпти-ёв, деб чиқиб кетдилар. Бир оздан кейин қайтиб келиб:

- Айтганимдай, ўшалар экан, чиқолмайман, жияним келган, десам ҳам кўнмаяпти, бирга бормасак бўлмайди, - деди.

Мен ноилож бирга чиқдим. Бизни пойлаб турган киши Машриқ Юнус (Элбек) экан. У мен билан қучоклашиб кўришида, ҳайрон бўлиб турган тогамга:

- Бу сизнинг жиянингиз бўлса, менинг адашим ва жонажон укам, - деди.

Ундан-бундан гаплашиб ўтирганимизда, Усмон Носир билан Хоразм ёзувчилар уюшмасининг бошлиги Қурбон Берегин¹ ҳам дам олгани келганини айтди, бир оздан сўнг ўрнидан туриб, қўшини ҳовлидан уларни чақириб чиқди.

Ҳар иккиси ҳам мен қатори йигитлар экан. Мен билан отларини айтиб кўришгач, бири Усмон Носир, бири Берегинлигини билиб олдим.

Усмон Носирни ниҳоятда шўх, завқли одамлиги юзидан билиниб турибди. Дастёрчилликка ҳам уста экан. Дарҳол ҳамма юмушларни ёлиз ўзи бажариб, бизни қўмирлашмизгаям имкон бермади.

Кечки овқатта тогамни айтиб келишиди. Элбек овқатдан сўнг шаҳарга тушиб, Гулом Зафарий, Абдулла Қодирий ва Чўлпонни олиб чиқиши ниятида эканини билдириди. Тогам:

- Йўқ, бугун эмас, эртага тонг отмасдан ўғлим файтунни қўшиб чиқади, бирга бориб, уларни олиб қайтасизлар, - деди.

Бу тадбир Элбекка ҳам маъқул бўлди ва тогамга пул бериб, бо-

зордан бир қўй олиб келинг, деб илтимос қилди.

Хуллас, эртаси куни яна устозлар билан дийдор кўришдик. Севинчимиз ичимизга сифмас эди. Нонуштадан сўнг тогам қўйни сўйди. Усмон Носир меҳмонларга: «Бугун ҳаммангиз ўзингизни Кавказда деб ҳис этасиз. Овқатларимиз ҳам кавказчасига бўлади, камина бош оишпаз, мулла Юнус - зал бошлиғи», - деди. Ҳаммалари рози бўлишиб, сұхбатлашиб ўтиришди, биз ўчоқ бошига кетдик.

- Икковимиз ҳам тентдош эканмиз, сени ёқтириб қолдим. Энди бир-биrimизни сиз эмас, сен деб гаплашайлик, шунда яқинлигимиз сезилади, - деди-да Усмон Носир қўшиб қўйди. - Сен Қозонтовоқларни ҳозирла! Мен Кавказ кабоби ва арманча шўрва тайёрлайман.

Ишга киришиб кетдим. Тушки овқат вақтида кабоб ҳам, шўрва ҳам тайёр бўлди.

Меҳмонлар ҳар иккала овқатни ҳам мақтай-мақтай тановул қилдилар. Сўнг Бўёсув канали бўйига, чорпояга бориб, сұхбатлашиб ўтиридик. Сұхбат давомида Элбек Қодирийдан:

- Абдулла, айтганча, Ҳасан билан ҳорабой деган дўстларинг омонми? - деб сўради.

- Ҳа, омон-эсон, сенга кўпдан-кўп салом айтишди, - деб жавоб қилди Қодирий.

Тошкентда Қорабой жинни ва Ҳасан девона деганлар бўларди. Улар билан Қодирий кўришиб турарди. Элбек шунга ишора қилди, чамамда. Қорабой жинни ёзин-қишин чопонда, бўйнига занжир уланган кипан, эски тақа осиб юрар эди. Унинг ихлосмандлари кўп бўлиб, овқатини едириб, чойини ичириб қўйишарди. Қорабой жинни қўли билан ҳеч нарсани ушламас, одамларга гапирмас эди. Ҳар замон биттагина сўз кетидан «шунақа девотти-ку», деб қўярди. Ихлосмандлари бу сўзни каромат деб билар эдилар. Ҳасан девона «Турмуш уринишлари» китобини ёзган Мўминжон Муҳаммаджоновнинг (таяхаллуси Меҳтарбод) укаси эди. У китобни тескари ушлаб, Машраб ва Яссавий шеърларини ёддан ўқиб, тушуна олмадим, деб йўлига равона бўлиб кетаверар эди.

Кечки овқатта тогамни айттириб келишди. Чўлпон тогамга:

- Мен сизни гойибона танийман, жиянингизга юборган куруқ меваларингизни бирга баҳам кўрардик, - деди.

Тоғам: «Жиянимга ҳар қанча қилсан озлик қилади, отаси икки ўғлимни олиб кетиб ўқитди, мана ҳозир шу болаларим соясида яшапман», - деди.

Сұхбат турли мавзууларда узоқ давом этди. Қош қорайғач, кўрғончага

кирдик. Тогам меҳмонларга:

- Эрта билан чойни бизникида ичасизлар, кечгача жиян хизматда, сизлар иззатда бўласизлар, - деб кулиб қўйди. Улар бу таклифни қабул қилдилар. Мен бундан хурсанд бўлиб кетдим. Эртаси тонготарда тогам қўй сўйиб, гузардан бир меш қимиз олиб келди.

Нонуштадан сўнг Усмон Носир билан Қозон кабоб тайёрладик. Кечки овқатга тогам ўзи палов дамлади, Усмон икковимиз устозлар сухбатида bemalol ўтиравердик. Чўлпон «Баҳор» шеърини ўқиди:

Баҳор-қиз ҳилпиллаб-ҳилпиллаб келди,
Сочлари селкиллаб-селкиллаб келди.
Даврага кирди-ю ўйин бошлади,
Муқомлар қилди-ю шохлар ташлади.
Берилиб ўйнади, эсириб ўйнади,
Ҳар билган ўйинни қилмай қўймади.
Сўнгра бирданига кўздан йўқолди,
Ўргада хуш бўйлар, атрлар қолди.
Кетганин ҳеч кимса туймасдан кетди,
Хунгорлар базмига тўймасдан кетди.

...Абдулла Қодирий Чўлпоннинг ўта қобилиятли шоирлигини кўп мақтаса-да, ўзининг олдида шеъларидағи баъзи нуқсонларни бемалол танқид қиласр эди. Чўлпон ҳам у кишининг фикрларини мамнуният билан қабул қиласрди, бу гал ҳам шундай бўлди.

Усмон Носир ва Берегиннинг таклифи билан эртасига уларнига чиқишига келишдик.

Нонушта дастурхонини ниҳоятда нозик дид билан ясатишибди. Берегин идиш-товоқларни тайёрляяпти. Усмон Носир ўчоқ бошида ширчой қилипти. Олдига бориб:

- Нима бало, кечаси билан ухламай, тайёргарлик кўриб чиқдингми? – дедим.

Бир оздан сўнг катталар келишди. Нонуштага тогам Усмон олиб келган қўйни сўйди. Шу ерда Усмон Носир Чўлпонга атаб «Устози мумтоз» деган шеърини ўқиб берди. Шеър ҳаммага манзур бўлди. Устоз-шогирид бир-бирларини меҳр билан кучоқладилар. Чўлпон Усмон Носирнинг юзига тикилиб, «Фахримсан, жигаримсан», – деб қўйди.

Суҳбат яна қизғин тус олди. Чўлпон ўзбек театри ҳақида гапириб, ўзбеклар ҳинд ҳалқи каби нафис санъатга мойил, келгусида театр соҳамиз ривож топиб, жаҳонга танилгусидир, – деб хулоса қилди.

Гулом Зафарий Усмонга қаратада:

- Сендан умидимиз чексиз, сенинг тугма, нодир қобилиягинг шеъриятимиз ривожига салмоқли ҳисса қўшишига аминман. Бир шеърингда: «Манзилим ложувард уфқдан нари, Чу, қора тойчогим, Чу, қора йўргам!» - дебсан, бу гоятда улуг гоя. Сен Гарб адабиёти билан хийлагина танишсан, энди Шарқ адабиёти билан шуғуллан! Айниқса, Навоий, Фузулий, Бедил каби улуғ шоирлар шеъриятини қунг билан ўрган! Уларнинг ижоди йўлпингни ёритишда машъъал бўлади. Сен ҳалқимизнинг баҳтли ўғлонисан, бир ёнингда Абдулла, бир ёнингда Абдулҳамиддай меҳрибон ақаларинг бор. Улар каби камтаринликни шиор эт!» - деб ўғит берди.

Усмон Носир ўрнидан туриб ҳаммаларига таъзим қилиб, Гулом Зафарийга:

- Хайрли маслаҳатингиз учун ҳар қанча миннатдорчилик билдирамсам ҳам кам. Ҳар бирингиз мен учун устозсиз. Сизлардан кўп нарсаларни ўргандим, аммо яна ўрганишим керак. Сизлар суянчим, фахрим, шарафимсиз, - деди.

Кун кеч бўлиб қолди, устма-уст тортилган овқатларни тановул қилишгач, Гулом Зафарий, Абдулла Қодирий ва Чўлшин шаҳарга қайтишга тарафдуд кўра бошлидилар. Тоғамнинг ўғли файтунни қўшиб чиқди. Биз уларни кузатиб қолдик.

Эртасига Берегин, Усмон Носир ва мен яна канал бўйига бориб ўтиридик. Усмон Носир сумкасини очиб, қази, яхна гўшт, бодринг помидорлардан газак тайёрлай бошлиди.

- Усмон, нима қилаяпсан, - деб сўрадим.

- Ҳар эҳтимолга қарши шаҳардан келаётганимда бир шиша олиб эдим, ҳозир тақсирим (Элбек) йўқ, уччаламиз отамлашайлик, - дедида, конъякни олиб, пиёлаларга қуиди. Суҳбатимиз жуда қизгин ўтди. Мен Усмонга нисбатан камган бўлсан-да, ўша дамда ундан қолиши-мапман шекилли, у:

Бу дўстим хушвовоз қорио қурро,
Ёзи кўп вазмину ичганда бурро,

деди менга ишора қилиб.

Ҳаммамиз кулишчик. Шуни айтиш жоизки, бир кун илгари шу ерлик кишининг «худойи»сига чиққанимизда мен қуръон ўқиган эдим, ҳозир ёзилиб ўтирганим учун «қурро» ва «бурро» сўзларини қоғия қилди, чамамда. Мен Усмонга:

- Ҳаммамизга лақаб тақдинг. Нега Гулом Зафарий, Абдулла Қоди-

рий ва Чўлпонга лақаб қўймагансан? – дедим.

- Эсинг жойидами? Улар менинг устозларим... алайҳи-с-салом-нинг ҳешларидан бўлишади, тил текизсанг, оғзинг қийшайиб қолади, - деди. Хайллашаёттанимизда эса: - Эртага эрталаб фафлат босмасдан бизникига чиқ! Толдан от ясад, от-отакам ўйнаймиз.

- Кеча сенинг раъйингта қараб ёш боладек чиллак, конгток тендиқ, энди от-отакам ўйнасан. Кўрганлар бизни жинни бўлиб қолибди, дейипшайдими? Ўзинг ўйнайвер! Менинг вақтим йўқ, - дедим қаттий равишида.

- Бўлмаса Суфо (Берегинга шундай лақаб қўйган эди) ни олиб, ҳазратимнинг олдиларига чиқайлик-чи, нима каромат кўрсатар эканлар. Кеча чиқмаганимиз учун биздан қаттиқ хафа бўлиб ўтирган эмиш, - деди.

Берегинни олиб, Элбекнинг ҳузурига боридик. У кишининг қовоги солиқ экан. Берегин билан қўришиб, бизнинг саломимизга алик ҳам олмадилар.

- Булар ҳавои саёқ йигитлар, сенга нима бўлди? - деб ҳазиломуз Берегинга қаради. – Кеча эрталабдан кечгача зерикиб, ёрилишпинга сал қолди.

- Мен нима қиласай? Кеча мениям қўярда қўймай олиб кетишди. Буларни чўмилишини томоша қилиб ўтирган эдим, иккови келиб, мени сувга улоқтириб юборишиди. Сузиб чиққунимча ўлаёздим, - деди Берегин.

- Саёқлар билан юрсанг, таяқ еб қолишинг ҳеч гап эмас, - деди Элбек.

- Тақсир, каромат қилдингиз, икки-уч кундан бери бу дўстим кўзимга ғалатироқ қўриняпти.

Мавлоно Фурқатнинг ибораси билан айтганда, «Йўқ хуш, пари теккан девонага ўхшайди», деб менга ишора қилди ва устозга таъзим бажо айлаб, олдига 10 сўм ташлади.

- Тақсирим, бу сизга назир, дуо ўқиб, дўстимга дам солиб қўйинг! Шояд бу дарддан фориг бўлиб кетса! – деди.

- Бу назринга мушук ҳам офтобга чиқмайди. Кўпроқ узат, - деди Элбек пулни олмай.

Усмон Носир чўнтагини кавлаб, яна ўн сўм чиқарди. Элбек қўлини фотиҳага очиб:

- Эй инсу жинс парилар! Дид-фаросатларингизга минг тасанно! Хўп одамини топиб ёпишибсизлар, иншооллоҳ бу йигитдан зоелик қўрмайсизлар! Ёнидаги шеригиниям ўз домингизга тортсангизлар, ўла-ўлгунича сизларни хизматингизда бўлади. Омин! – деб фотиҳа

ўқиб юборди-да, Берегинга пулни узатиб: - Қимиз олиб кел, - деб уни гузарга чиқариб юборди.

Ўша куни кечгача сой бўйида дам олдик. Элбек ҳам гина-кудуратни унтиб, хурсанд бўлиб ўтироди...¹

Юнус Мақсудийнинг бу хотираси орадан ярим аср ўтганидан кейин ёзилган. Бу ярим асрлик вақт ичида хотирада тилга олинган барча ёзувчилар «халқ душмани» сифатида йўқ қилиб юборилди, ҳатто улар ҳақидалиги хотиралар ҳам замондошлар ёдидан ситиб чиқарилди. Шунинг учун ҳам хотиранависнинг қаердадир тарихий ҳақиқатдан чекиниб, бадиий тўқимага эрк берган бўлиши шубҳадан холи эмас. Хусусан, Усмон Носир билан Элбекнинг ўша йилларда марказқўмдек жиҳдий идорада хизмат қилган Қурбон Берегинга бўлган муносабатларида ишонарсиз ҳолларни йўқ, деб бўлмайди.

Шунга қарамай, Қурбон Берегин ҳақида бирор жонли хотира бизгача етиб келмаганлиги сабабли биз ушбу рисолага Юнус Мақсудийнинг 1935 йилга оид хотирасини киритишни жоиз, деб топдик.

ЎНУТИЛМАС КҮНЛАР

1935 йилдан бошлаб Москвада собиқ иттилоқ тасарруфидаги халқлар санъатларининг ўн кунлик намойишлари ўтказила бошланди. ўша йилнинг май ойида Москва ва Ленинградда арман санъатининг, 1936 йилнинг май ойида эса Москвада қозоқ санъатининг ўнкунликлари ўтказилди.

Декада деб аталган бу тантанали тадбирларни амалга оширишдан мақсад совет даврида, ленинча-сталинча миллий сиёсат натижасида мазкур халқлар миллый санъатларининг туркираб ўсаётганини бутун дунё олдида намойиш қилиш ва шундай йўллар билан ССРнинг халқаро миқёсдаги обрў-эътиборини кўтариш эди. Совет давлатининг энг нуфузли идораларида ишлаб чиқилган режага кўра, ўзбек санъатининг Москвадаги ўнкунликгини 1937 йилнинг май ойида ўтказиш мақсадга мувофиқ, деб топилди.

Ўнкунликнинг ўтказилиш вақти равшанлашиши билан Ўзбекистон Xалқ Комиссарлари Совети ва республика компартияси марказкўми 1936 йилнинг ёз ойларида шошилинч равищда тайёргарлик ишларини бошлаб юборди. Ўнкунликни тайёрлаш ишларига гарчанд марказқўмдан Акмал Икромов, ХКСдан эса Файзула Хўжаевнинг шахсан ўзлари раҳбарлик қилган бўлсалар-да, ташкилий комиссиянинг аксар йиғилишлари марказқўм тарғибот ва ташвиқот бўлими

мунири Мўмин Усмоновнинг раислигига ўтказилди. (Ўнкунлик ўтагётган қунларда хизмат вазифасидан бўшатилган Мўмин Усмонов ўрнига ХКС раисининг янги ўринбосари Абдулла Каримов комиссияга раҳбарлик қилди, Курбон Берегин эса унинг ўринбосари лавозими ни адо этди.) ХКС ҳузурида Санъат ишлари бош бошқармаси, шунингдек, Ўзбекистон Давлат филармонияси ташкил этилди. Филармонияга ўнкунликнинг якуловчи концертини, шунингдек, Москвадаги ўқув юртлари ва корхоналарда ўтказиладиган учрашувларда намойиш этилажак концерт номерларини тайёрлаш вазифаси топширилди. Ўнкунликлар одатда Москвадаги Катта театр саҳнасида миллий опера билан очилаёттани сабабли ўзбек санъаткорлари ўзбекистонда ҳам миллий опера равнақ топган, деган фикрни москва-ликлар кўнглига қўйишлари ва бирор опера спектаклини намойиш этишлари лозим эди. Биринчи ўзбек операси – «Бўрон» чор ҳокими-ягининг Ўрта Осиёдаги мустамлакачилик сиёсатига қарши кўтарилган халқ ҳаракатига бағишланганлиги сабабли бу операни Москвага олиб бориш ва Катта театрда намойиш этиши ножоиз топилди. Шунинг учун ҳам бошқа бир миллий операни шошилинч равишда яратиш сув билан ҳаводек зарур бўлиб қолди.

«Декадага тайёргарлик ишларига, - деб хотирлаган эди Комил Яшин, - республикадаги барча ижодий кучлар сафарбар этилди. Ёзувчилар союзининг Инжиқободда Ижод уйи бўларди. Ана шу Ижод уйи ўзига яраша адабий марказга айланган, унда турли йигинлар, муҳокамалар, урашувлар бўлиб турарди. Чўлпон, Отажон Ҳошим, Ҳамид Олимжон, Ўйғун, Раҳмат Мажидий, Анқабой, Абдулла Қаҳҳор, Ойдин ва бошқа қаламкашлар бу ердаги адабий тадбирларда актив қатнашардилар.

Етакчи режиссёрлардан бўлган Музаффар ота Муҳамедов билан биргаликда бир саҳна асари устида иш бошлагандим. «Ичкарида» деб номланган бу асар хотин-қизлар озодлиги мавзусида бўлиб, унинг марказида ҳурликка чиққан жувон Гулсара туриши керак эди.

Музаффар ота билан тузган ижодий режамизга кўра, асар музикали драма бўлиши керак эди. Шунинг учун ҳам бастакорлардан Толибжон Содиқов, Тўхтасин Жалилов ва Рейнгольд Глиэр бизга мададга келишиди. Биз ижодий ҳамкорликда иш олиб борар ва асар москвалик томшабинларга кўрсатилишини орзу қиласадик.

Асар устидаги ишлар ҳам ниҳоясига етганидан кейин саҳналаштиришга киришилди. Буни Музаффар Муҳамедов ўз зиммасига олди...

«Гулсара» музикали драмаси шу тариқа вужудга келди. Кейинчалик ана шу асар асосида опера яратилди, унга Толибжон Содиқов

билин Рейнгольд Глиэр музика ёздилар...»¹

Шу ерда муҳтарам адаб Комил Яшиннинг хотирасига вақтинча нуқта қўйиб, энди ўнқунликнинг бошқа бир муҳим қисми – концерт дастурининг тайёрланишига оид бошқа бир хотира билан танишсак. Бу, атоқли бастакор Мутал Бурҳоновнинг хотираси бўлиб, унда мазкур концертнинг асосий номерини яратиш тарихи ҳақида баҳс юритилиади:

«1936 йил сентяброда, - деб ҳикоя қиласи у, - мен Москвада опера студиясида ўқимоқда эдим. Бирдан мени Тошкентта чақириб телеграмма келиб қолди. Телеграммага ҳори Ёқубов имзо чеккан эди. Қори Ёқубов ўша кесларда янги тузилган Ўзбекистон Давлат филармониясининг бошлиғи эди. Филармония олдида катта вазифалар турар, шунинг учун ҳори Ёқубовга уни кадрлар билан мустаҳкамлашга изжозат берипшанди. Қори ака филармониянинг бадиий раҳбарлигига Ўйғурни чақириши. Мени эса хормейстер қилиб таклиф қилиши, тўғрироғи, тайинланти. Тошкентта келиб, филармонияга боришим биланоқ, ҳори ака: «ўқишингни бир оз кечиктирасан, ҳозир декада концертини тайёрлайсан», - деб кўрсатма берди. Ноилож кўнишга мажбур бўлдим. Узлуксиз репетициялар бошланди. Бир куни ҳори ака мени хузурига чақириб қолди. Кирсам, хонада Ўйғур билан ўтирган экан. Қори ака жуда жиддий оҳангда гап бошлади:

- 1937 йилда Москвада бўладиган ўзбек адабиёти ва санъати деқадаси (тўғрироғи, ўзбек санъати деқадаси – Н.К.) катта концерт билан якунланиши керак. Унда совет ҳукумати ва коммунистик партия раҳбарлари иштирок этади. Эҳтимол, ўртоқ Сталиннинг ўзлари иштирок этсалар ҳам ажаб эмас. Табиийки, бу концертда энг яхши кучларимиз энг яхши номерларини зўр маҳорат билан намойиш этиб, санъатимизнинг бугунги қиёфасини кўрсатмоқлари зарур. Концертнинг финали зўр бўлмоғи керак. Унда улуғ Сталин ҳақида тантанали хор янграмоги лозим. Худди шу масалада қўйналяпмиз. Концерт финалида изжро этишга муносиб шеър тополмаяпмиз. Хулас, шу ишни сенга топширмоқчимиз. Сен Чўлпон билан эскидан танишсан. Борди-келдиларинг бор. Чўлпоннинг олдига бориб, аҳволни тушунтирасан. Сталин тўғрисида зўр бир қўшиқ ёзиб берсин. Чўлпоннинг аниқ вальасини олмай келма.

Қақиқатдан ҳам, топшириқ ўта нозик ва жуда масъулиятли эди. Ахир Москвада ҳукумат концертида, шахсан ўртоқ Сталиннинг хузурида изжро этиладиган қўшиқнинг матнини ҳам, куйини ҳам ҳаммага буюриб бўлмайди-да...»¹

Кейинги пайтларда тўрт томондан ҳужум остида қолган Чўлпон:

«Мабодо шундай шеърни мен ёзиб берсам-у, аммо кўп ўтмай, қамалиб кетгудек бўлсам, унга куй басталаган сен ҳам жабр-зулмдан четда қолмайсан», деган хавотир билан Сталин ҳақида қўшиқ матнини ёзишдан бош тортди. Шундан кейин «халқлар доҳийси»ни шарапловчи қўшиқни ёзип Усмон Носирнинг зиммасига туши.

Ўша йилларда ўзбек шеъриятидаFaфур Фулом, Ҳамид Олимжон, Уйғун сингари оташнафас шоирлар жавлон уриб турган бир пайтда мазкур вазифанинг зўр истеъодли, аммо ҳали ёш шоирга топширилишига, бизнингча, бир томондан, Усмон Носирнинг 1936 йилда грузин халқи номидан Сталинга йўлланган шеърий ҳатни дўндириб таржима қилганлиги сабаб бўлган бўлса, иккинчи томондан, бу ҳол ўнкунликка тайёргарлик кўриш бўйича тузилган ҳукумат комиссиясининг фаол аъзоси, М.Усмоновнинг ўнг қўли Қурбон Берегиннинг Усмон Носирга яқин ва самимий муносабати билан ҳам изоҳланади. (Қурбон Берегин ҳибрайга Усмон Носир билан бирга истироҳат қилгани борибина қолмай, 1937 йил апрелида уни Абдулхамид Мажидий ва Ҳасан Пўлат билан бирга Хоразмга ижодий сафарга ҳам юборган.)

Хуллас, ўнкунликка жуда катта тайёргарлик кўрилди. Ўнкунликнинг ўтказилишидан мақсад гарчанд ўзбек халқининг санъат бобида эришган ютуқларини Москва саҳналарида намойиш этиш бўлса-да, маданиятимизнинг бу улкан маъракасидан ёзувчилар ҳам четда қолмадилар. Уларнинг ҳам ўнкунлик дастури бўйича турли учрашувларда иштирок этишлари кўзда тутилган эди.

Бугунги авлод 1937 йилда ўзбек санъати ўнкунлигининг собиқ совет давлати пойтахтида ўтказилиши маданий ҳаётимизда қандай унугилмас воқеа бўлганини тасаввур этиши қийин. Шунинг учун ҳам бу тарихий воқеасининг бевосита иштирокчиси Яшин аканинг хотиралари билан танишишида давом этсак:

«Москвадаги декадамиз очилган кунидаги воқеалар худди кечагидай эсимда турибди. Бу улкан тадбир Москва Бадиий театрининг филиалида «Гулсара» музикали драмаси билан очилганди.

Спектакль Москва вақти билан рошпа-роса сттида бошланиши, парда еттига занг урилиши биланоқ кўтарилиши зарур эди. Кўп йиллардан бери давом этиб келаётган бу қатъий тартиб ва анъянани бузишга ҳеч кимнинг ҳақ-ҳуқуқий йўқ, буни каттаю кичик биларди. Театр фойесида айланниб юарканман, соатимга тез-тез қараб кўяман. Зал томошабинларга тўлган, соат миллиари эса еттига қараб жадал ва беаёв яқинлашарди.

Шунда десангиз, театрга ташқаридан зудлик билан кириб келаётган Акмал Икромовни кўриб қолдим. У менга кўз тушиши била-

ноқ қаттиқ тайинлали:

- Ичкарига кириб айтинг: пардан беш минут очмай турипсин!

«Нимага? Сабаб?» деб сўрашнинг мавруди эмасди. Сўраган тақди-римда ҳам республиканинг раҳбари буни менга тушунтириб ўти-масди, албатта. Шу важдан ўзимни тезда ичкарига - парда ортига олиб, режиссёrimиз Музаффар Мухамедовга айтдим..

Соат бу пайтда етти бўлган, залдагилар «пардан очинглар», де-гандай қарсак чалишга тушишанди.

Очигини айтганда, ўша беш минутни азоблар билан ўтказдик.

Ниҳоят, парда очилишига ижозат берилди.

Шунда бамисоли бўрон тургандай гулдурос олқишилар янграб, зални кўтариб ташлагудай бўлди. Залдагиларнинг ҳаммалари оёққа қалқишиланган, нигоҳлари ҳукумат ложаси томонга тикилганича қол-ганди. Мен ҳам ўша томонга қарадим-у... кўзларимга ишонмай қол-дим. Чунки ложада Иосиф Виссарионович Сталин бошчилигидаги Сиёсий бюро аъзолари ўтиришар, залдагилар уларни қувониб ва тўлқинланган ҳолда олқишиламоқда эдилар. Раҳбаримиз Акмал Ик-ромов ҳам улар орасида эди. Сталиннинг ёнида Молотов, Калинин, Будённий ўртоқлар кўринишшарди.

Сиёсий бюро аъзолари ҳам томошибинларга қўшилиб, қарсак ча-лишга тушишиди...»

Мен Яшин аканинг ҳаяжон билан ёзган бу сўзларини ўқир экан-ман, худди шу ўнкунликдан кейин кўп ўтмай, Бадиий театр ложа-сида ўтирган Сталин бошчилигидаги Сиёсий бюронинг фатвоси би-лан «1937 йил» деган фожиали спектаклининг бошланиши, улар би-лан ёнма-ён ўтирганидан ифтихор ҳиссига тўған Акмал Икромов бошчилигидаги республика раҳбари ягининг, уларга қўшилиб, мин-глаб кишиларнинг қамоқча олинишини ўша пайтда ҳеч ким тасав-вур ҳам этмаган, деган фикр бошимда чарх уради. Ваҳлонки, бун-дай «оламшумул» ишлар бир кунда амалга ошмайди. Сталин театр ложасида ўтирган пайтида ҳам 1937 йил июнида бошланажак қата-ғон спектаклининг айрим мизансценаларини ўйлаб ўтирган бўлса ажаб эмас. У ҳатто 1938 йил 28 марта имзо чекажак ўзбекистондан биринчи ва иккинчи тоифалар бўйича қатагон этилувчи кишилар рўйхатини ўша дақиқаларда тузга бошлаган бўлиши мумкин.

Келинг, яна Яшин аканинг хотираларини ўқишида давом этай-лик:

«Ниҳоят, спектакль бошланди.

Спектаклда Ҳалима Носирова, Лутфихоним Саримсоқова, Му-ҳаммаджон Холмуҳамедов, Бобораҳим Мирзаев, Мукаррама Турғ-

унбоева, Назира Аҳмедова асосий ролларда чиқишиганди...

Иосиф Сталин ва Сиёсий бюронинг бошқа аъзолари ложада ҳар кўринганларида гулдурос олқишилар янграп ва ҳадеганда тинавермасди. Айниқса, спектакль тугаб, парда ёпилиб, залдаги улкан қандиллар порлагандан кейин чапаклар авжига чиқди, янада гурлади. Шунда парда яна очилди. Энди спектакль қатнашчилари ҳам томошибинларга қўшилиб, доҳийни ва шерикларини олқишилашарди..

Иосиф Сталин билан Акмал Икромов саҳнада ёнма-ён ўтиришганди. Энди улар тик туришар, Сталин билан Акмал Икромов нақ ота-болалардай кўлларини ушлаганларича бир-бирларини улкан муваффақият билан табриклилашарди... Бу ўзаро ишоралардан бутун театр бамисоли пўрганадаги денгиздай ларзага келар, олқишилар тобора авжига чиқарди...

Парда ёпилаганидан кейин спектаклда қатнашган ёки оркестрда музика чалганлардан айримлари ҳозирги руҳий ҳолат кучига дош беролмаганларидан бўлса керак, бирин-кетин ўзларидан кета бошлидилар. Уларнинг юраклари доҳийни кўришдек баҳт ва қувончга дош беролмаганди.

Театр врачи ёнида ҳамшира билан ҳушидан кетганларни бирма-бир кўриб, дори-дармонларни ишга солиб, ўзларига келтира бошлади....»¹

Камина Яшин аканинг ўнкунлик очилиши кунидан олган таас-суротларини қисқартириб бўлса-да келтиришимдан мақсад 20-йиллар охири – 30-йиллардан бошлаб Сталин шахсига сингинтириш ишларининг қандай баланд даражага кўтирилганини кўрсатишдир. Гипнозланган оломон ўша йилларда Сталин туфайли миллионлаб фуқароларнинг очиқдан қирилиб кетгани, уй-жойлари, мол-мулклари тортиб олинган қишлоқ аҳлининг «кулоқ» қилиниб, бошқа шаҳар ва республикаларга, меҳнат посёлкаларига юборилгани, Воркуга, Тайшет, Абакан, Магадан сингари борса-келмас жойларда янги-янги қамоқхона ва лагерлар қурилаётганини билмас, билса ҳам писанд қилемас эди. Негаки, у гипнозланган, нима учун Сталинга сажда қилаётганини билмайдиган онгсиз жонзодлар тўдасига айлантирилган эди. Совет давлати тарғибот машинаси асосан шу нарсага – халқ онгини соxта таълимот билан, коммунистик жаннат ҳақидаги афсоналар билан заҳарлашга хизмат қилаётган эди. Ложада Сталин билан ёнма-ён ўтирганидан ифтихор ҳиссига тўлган Акмал Икромов ҳам, ўнкунликни ўтказиш ташвишлари билан куйиб-кишиб юрган Курбон Берегин ҳам, аслида, аллақачоноқ ана шу машинанинг винтларига айланган эдилар.

Тўғри, «Гулсара» спектакли фақат бир киши учун, уни шараф-

лап ва унга қуллуқ қилиш учунгина намойини этилгандек туюлсада, аслида залда юзлаб москваликлар бўлишган. Улар шу спектакль орқали ўзбек халқи санъати билан, ҳалима Носировадек афсонавор овоз соҳибалари билан танишишган. Узоқ тарихга эга ва ўзига хос миллий санъат билан танишиш туфайли москваликларда ўзбек халқи ва унинг маданияти тўғрисида тасаввур ҳосил бўлган. Москвада напр этилган газета ва журналлар, меҳнат жамоалари ва ёшлар билан учрашувлар, радио орқали чиқишлар эса шу тасаввурниң миллионлаб нусхада тарқалишига ёрдам берган. Ўнкунликнинг аҳамияти ҳам худди шунда эди.

...30 май куни ўнкунлик Катта театрдаги улкан концерт билан яқунланди. Концертдан кейин Кремлинг машҳур Георгий запида ўнкунлик қатнашчилари шарафига қабул маросими ўтказилиб, зиёфат берилди. Ўнкунлик тантаналари ҳали совимай туриб, санъаткорларнинг катта бир гуруҳини ҳукуматнинг орден ва медаллари билан тақдирлаш ҳақидаги фармон эълон қилинди. Ўнкунликни тайёрлаш ишига катта ҳисса қўшган икки расмий кишига «ўзбек музика театри ва музика ансамблини уюптириш соҳасидаги муваффақиятли ишлари учун» Меҳнат қизил Байроқ» ва «Қурмат белгиси» орденлари топширилди. Бу икки кишининг бири Ўзбекистон Халқ Комиссарлари Совети раисининг ўша пайтдаги ўринбосари Абдулла Каримов, иккинчиси эса Курбон Берегин эди.

ТАНТАНАЛАРДАН КЕЙИН

9 июнь куни Тошкент вокзалида Йўлдош Охунбобоев бошчилигидаги жамоатчилик вакилари ўнкунлик қатнашчиларини катта тантана билан қарши олдилар. Орадан бир-икки кун ўтгач, Тошкентнинг ҳозирги Абдулла Қодирий номидаги Маданият ва истироҳат боғида ўнкунлик қатнашчиларининг катта ҳисобот концерти бўлиб ўтди. Шундай ҳисобот концерtlари Тошкентнинг бошқа жойларида, шунингдек, Фарғона водийсида ҳам ўтказилди. Июнь ойининг охирларида эса Тошкенттада республика партия ва совет ходимларининг йигилиши бўлиб ўтди. Ушбу анжуман иштирокчиси Комил Яшиннинг хотираларида шу ҳақда қуйидаги сўзларни ўқиymiz:

«Июнь ойининг охирролида Я.Свердлов номидаги музикали театр биносида республика партия-совет активининг йигилиши бўлди. Унда бошқа ўртоқлар қатори менга ҳам сўз тегди. Мен олдимда турган муҳим вазифаларга тўхтадим ва сўзимнинг охирида декаданинг

муваффакиятли ўтишини таъминлаганлари учун республикамиз партия ташкилотига, шахсан унинг бошлиғи Ақмал Икромовга миннатдорчилик билдиридим.

Бунақа сўзлар айтилганида, ҳар сафар чалинадиган чапаклардан бу сафар дарак бўлмади, зал сув қўйгандай эди. Гапим чамамда йиғилгандарга ёқмаган, бундан уларнинг энсалари қотиб, пешоналари тиришаёттани шундоққина сезилиб турар, қулоғимга баъзи бирорларнинг пўнғиллаганлари чалинди ҳам. Минбардан муздеккина бўлиб тушиб кетдим.

Москваудаги декада тадбирлари яхшии савиядаги ўтишида республика Министрлар Совети (тўғрироғи, Халқ Комиссарлари Совети – Н.К.) раиси Файзулла Хўжаевнинг ҳам муносаб ҳиссаси бор эди. У кўп йиллардан бери адабиётимиз ва санъатимиз ривожига қўлидан келганча кўмаклашиб келарди. Бироқ у декада арафасида вазифасидан олинган ва ўрнига Абдуллахон Каримов деган ўртоқ тайинланганди.

Ўшанда бутун-эрта бир-биридан даҳшатли ҳамда мудҳиш воқеалар юз берини, кўз кўриб, қулоқ эшигтмайдиган ишларга навбат етишини хаёлимизга ҳам келтирмагандик. Москвага бола-чакаси билан кетган Файзулла Хўжаев ўша ерда қамалгани хабари Тошкентта етиб келди. Бу эса ҳатто тушимизга ҳам кирмаган даҳшат эди. Нега дегандан Файзулла Хўжаевдек инқиlobга фидойи инсоннинг бир юмалаб «халқ душмани» бўлиб қолганига ақл бовар қилмасди.

Тошкентда ҳам қама-қама бошланиб, катта-кичик лавозимда ишлайдиган ўртоқлар бирин-кетин гойиб бўла бошладилар...»¹

Ўнкунлик қатнашчилари шарафига ўтказилган қабул маросими ва зиёфат пайтида кўпчилликнинг назар-эътиборига тушмаган бир воқеа бўлган. Ўша йилларда даҳшат тимсоли бўлган НКВД бошлиғи Ежов Сталиннинг ёнига астагина келиб, қулоғига ниманидир шивирлаган, шундан кейин Сталин бошчилигидаги Сиёсий бюронинг барча аъзолари дастурхон атрофидан туриб, секин-аста чиқиб кетган эдилар. Кейин маълум бўлишича, таниқли партия ва давлат арбобларидан бири Гамарник ўзини-ўзи отиб қўйтган экан. Кўп ўтмай, бундай воқеа ўзбекистонда ҳам содир бўлди. Саратон кунларидан қочиб, Чимёнда оиласи билан жон сақлаётган марказқўм котиби Болтабоев ҳам ўзини-ўзи отиб қўяди. Шу воқеадан кейин бирин-кетин марказқўм қишлоқ хўжалик бўлими мудири Мирмуслим Шермуҳамедов, Халқ Комиссарлари Совети раиси Абдулла Каримов, Тошкент шаҳар совети раиси Абдулҳай Тожиев ва бошқалар олиб кетилади. Навбат Ақмал Икромов яқинлашиб келаётган эди.

Бу мудҳиш воқеалардан ҳийла олдин, 1937 йил 10-17 июнь кун-

ларида Ўзбекистон компартиясининг УП қурултойи бўлиб ўтади. Қурултойнинг сўнгти кунида марказкўм маданий-оқартув бўлими мудири ва Ўзбекистон Ёзувчилар уюшмаси ҳайъати аъзоси ҳамда норасмий раиси сифатида ўзбек санъати ўнкунлигининг зўр муваффақият билан ўтишига муносиб ҳисса қўшган Курбон Берегин марказкўмга альзо этиб сайланади. Бундан беҳад қанотланган Курбон Берегин июль ойининг бошларида Ёзувчилар уюшмасининг Ш пленумини чақириб, пленумда «Ўзбекистон компартияси УП съездидан қарорларининг бажарилиши ва ўзбек ёзувчиларининг вазифалари ҳақида» маъруза қиласади. Маъруза бўйича муҳокамада Зиё Саид, Ҳамид Олимжон, Абдулла Қодирий ва бошқалар иштирок этишади.

Шу воқесадан қарийб бир йил аввал эса Курбон Берегин Ёзувчилар уюшмаси раиси вазифасини бажарувчи киши сифатида Москва-дан қуийдаги хатни олган эди:

«Хурматли ўрготқ Берегин.

Сўнгти воқеалардан хабарингиз бўлса керак, троцкийчи-зиновьевчи бандитлар фоши қилингач, СССР Ёзувчилар уюшмаси аъзолари орасида бир қатор ўзгаришлар содир бўлди. Ҳозир бизда аъзолар рўйхатини синчилаб текцириш ишлари олиб борилмоқда.

Юшмага альзо бўлган Ўзбекистон ёзувчиларининг рўйхатини тузиб, уларнинг фақат фамилияси, исми, тугилган йили ва партиявий аҳволи тўғрисида зудлик билан маълумот юборишингизни сўрайман. Агар бирон-бир ўзгариш содир бўлган бўлса, қачон ва нима сабабдан бўлгандлиги, албатта, кўрсатинг...

СССР Ёзувчилар уюшмаси

Ўрта Осиё миллий сектори инструктори

А.Шаповалова.

1936 йил 9 сентябрь».

Курбон Берегин бу хатни олганида ҳам, Файзулла Хўжаевнинг, ундан кейин бошқа таниқли давлат ва партия арбоблари қамоққа олина бошлаганларида ҳам собиқ совет мамлакати бўйлаб қонли шамол эса бошлаганини сезмаган, сезган бўлса ҳам унга эътибор бермаган эди.

Ахир у кўкрак чўнгагидаги қизил гувоҳномага заррача дод туширмаган, партиянинг ҳар бир топширигини чин юракдан бажараётган, керак бўлса, инқилюбий мэрраларга этиб кела олмаган ёзувчиларни большевикларча кескинлик билан танқид қилаётган коммунист эди.

МУДҲИШ АНЖУМАН

Файзулла Хўжаевнинг ўнқунлик арафасида қамоққа олиниши у билан ота-боладек яқин бўлган Фитратнинг олтин боши узра қора булуларнинг тўпланишига сабаб бўлди. Шу булулар зудлик билан қуюқлашиб, 1937 йил 24 апрель куни ярим кечада Фитрат ўзбек ёзувчилари орасида биринчи бўлиб қамоққа олинди. 7 майда Мухаммадшариф Сўфи-зода, 27 майда Рафиқ Мўмин, 2 июлда Отажон Ҳошим, 12 июлда хаюм Рамазон, 14 июлда Чўлпон билан Усмон Носир, 5 августда Зиё Саид, 6 августда Гози Юнус, 7 августда Элбек билан Миён Бузрук Солиҳов, 9 августда Анқабой, 14 августда Тавалло ва бошқалар қамоққа олиндилар. Бу ёзувчиларнинг ҳақ ёки ноҳақ қамоққа олингандаридан қатъий назар, Ўзбекистон Ёзувчилар уюшмасида гўё миллатчи ва аксилинқиlobчилардан иборат кагта бир гурӯҳнинг фош этилганлиги фавқулодда жиддий воқеа эди. Шубҳасиз, бу воқеа Ёзувчилар уюшмасида оммавий равишда текширув ўтказилишини тақозо қиласар эди. Ўзбекистон НКВДси томонидан марказкўмга, марказкўмдан эса Ёзувчилар уюшмасига топширилган фавқулодда жиддий топшириққа мувофиқ, ёзувчилар 1937 йил 31 августда уюшманинг навбатдан ташқари 1У пленумини ўтказиши учун тўпландилар.

Пленум бошланишидан бир мунча вақт аввал, шунингдек, пленум давомида ҳам юриш-туриши шубҳали туолган барча ёзувчилар маҳсус комиссия чириғидан ўтдилар.

31 август куни кечкурги биринчи мажлис Ёзувчилар уюшмаси ҳайъати аъзоси ва уюшма раиси вазифасини бажарувчи Қурбон Берегиннинг раислиги билан бундай бошланди:

«БЕРЕГИН. Бошлийизми, ўртоқлар? (Залдан: «Бошлийиз» овозлари.) Таржима масаласини нима қиласар эканмиз, шуни ҳал қилиб олсан бўларди. Умуман, таржима керакми, йўқми? Состав қандай? Икки тилда олиб бориш керакми ёхуд бир тилда олиб бориш керакми?

Бугун союзимизнинг 1У пленуми очиқ, деб эълон қилинади. Таклиф борки, президиумнинг составига «Правда Востока» газетасидан Черник, Файбуллаев, Яшин ўртоқларни ўтсин, деган ҳамда Уйгур, ўразаев ўртоқларни кўшилсин, деган. Харшилик йўқми? («Йўқ» овозлари).

Кун тартибида икки масала:

1. Троцкийчи-бухаринчи ҳалқ душманларига, аксилинқиlobчиларга қарши кураш ва союз адабиётининг вазифалари ҳақида ўртоқ Яшин доклад қилади.

2. Ташкилий масалалар.

Мана шу рўзномага қаршилик йўқми ва қандай бўлмасин ўзгаришлар йўқми? («Йўқ» овозлари.) Бўлмаса кун тартибини тасдиқ қиливчи союз пленумининг аъзо-кандидатларининг кўл кўтаришила-ри сўралади. (Ҳамма қўл кўтаради.) Туширинг. Мажлисимиzinинг тартиби шундай бўлсин, деган таклиф бор:

Эрталабки мажлисимииз 10 дан 3 гача, кечки мажлисимииз соат 7 дан 11 гача давом эттирилсин. Докладга бир соат, кейин музокарага чиқувчига 10 минут, икки мартаға чиқувчиларга 5 минут, справка ва шахсий аризалар учун мажлис охирида 3 минут.

Пленум ишининг тартиби тўғрисида қандай фикрлар бор?

ФАФУР ФУЛОМ. Вақт музокаралар учун қалтароқ бўлмайдими?

БЕРЕГИН. Қалтароқ бўлмас, деган фикрга келдик.

ОЙДИН. Шу 10 минут музокара учун қабул қилинсин-да, кейин сўзларнинг мазмунига қараб яна вақт берилса, деб ўйлаймиз.

БЕРЕГИН. Кўрамиз. Халқдан таклиф: эрталабки мажлис умуман бўлмасин, деган таклиф тўгри келмайди. Чунки кишиларнинг ишлари бор, мажлис узоқча чўзилиб кетиши мукин. Бундан ташқари, бизнинг ташкилий масалаларимиз бор. Пленум аъзолари ўртасида президиумни ҳам секретарни сайлашни ёпиқ сайлов усулида олиб бормоқчимиз. Бу ҳар бир номзодни чиқариб туриб, муҳокама қилиш иши анча вақтни олса керак. Шундай бўлгандан кейин кичкина ишлар узоқча чўзилади. Ундан кейин ҳар ҳолда, умуман, ёзувчиларнинг бу йиғилишини фалончи вақтгача давом этади, деб белтилаган эмасмиз. Бу йиғилиши эмас, пленум. Эртанги мажлисларимиз чегараланган вақтга мувофиқ давом этса ҳам, кечки мажлисларимизни керак бўлса 12 гача, керак бўлса 1 гача давом эттирамиз.

ФАФУР ФУЛОМ. Демак, мажлисдан таклифимни қайтиб олдим.

БЕРЕГИН. Иш тартибини қабул қилдикми? («Қабул қилдик» овозлари.) Ҳозир доклад учун сўз ўртоқ Яшинга берилади...»¹

Шундан кейин сўзга чиққан Комил Яшин ўз маъруzasida Абдулла Қодирий ва Чўлпондан тортиб Анқабойгача бўлган ўзбек ёзувчиларининг ижодий фаолиятларини уларнинг Октябрь инқилоби ва компартия foяларига бўлган муносабати нуқтаи назаридан синчковлик билан текшириб чиқади. Нотиқнинг танқидий фикрлари кўпроқ ҳали қамоққа олинмаган ёзувчиларга қаратилади. 31 август куни кечки мажлисда бошланган маъруза 1 сентябрь эрталабки мажлисда аранг тутайди. Маърузада ҳаёт ва ижодлари илма-тешик қилиб юборилган ёзувчилар пленум мажлисларида жон ҳовучлаб ўтиришади. Маъруза якун топгач, Курбон Берегин мажлис раиси сифатида бундай дейди:

«БЕРЕГИН. Ўртоқлар, ўртоқ Яшиннинг президиумнинг ҳар томонлама ўз ичига тўла олган муфассал докладини эшитдиларингиз. Тушундиларингизким, доклад ёлғиз президиумнинг ўтганги пленуми билан бу пленуми ўртасида ўз ичидағи узоқ вақтлардан берли ўралашиб келган душманларни фош қилиш ишинигина айтиб бермади, балки шу муносабат билан союзимизнинг навбатдаги вазифалари(га) ҳам кенгроқ тўхталди. Биз шуни яна бир мартаға тушунишмиз керакким, вазифамизни энг биринччиси, энг асосийси шу бошланган ишни кучли равишда, янада баланд хушёrlик билан давом эттиришдан иборат.

Союзимизнинг чиндан ҳам тузалиши (тозаланиши демоқчи – Н.К.), озод ҳалқимизнинг манфаати учун колективнинг союлом қисмини чинакам курашига тўқсінлик қилатурган унсурлардан тозалаш, кўпинча энди бундан кейин бошланниши, яъни бошланган ишни кескинрак давом эттиришга боелик. Президиум ва унинг комиссияси ҳали ўз ишини тамом этгани йўқ. Ҳали ўртоқ Яшиннинг докладида номлари айтилмаган, лекин устидан текширилиши керак бўлиб материал тушган анча ёзувчиларимиз ҳам бор. Шу материалларнинг кўлчиллик қисми ёзувчиларимизнинг ўзлари томонидан берилган материал, бир қисми бизнинг соғломлигимизни маъкул кўрадиган ва шунга ёрдам этиши ниятида бўлган ўртоқлар томонидан берилган материаллар. Албатта, буларни комиссиямиз текшираётir ва текшириши ишини давом эттиради...

Бу ерда докладда бир мунча ёзувчиларимизнинг айблари тўғрисида айтилди. Биз президиумда бир мунча бор муҳокама қилганимизда, пленумда ҳам шу ўртоқлар президиумда айтганларидан ташқари, кўпрак ёзувчилар ўртасида чиқиб, ўз қилмишларидан жавоб берсинлар, деган фикрга келган эдик. Музокарада чиқувчи ҳар бир ўртоқ, албатта, устларига жиддий сиёсий айблар юклangan, бор бўлган материалга асосланиб, ҳақли равишида юклangan Ойбек, Уйгун, Fafur Furom – шулар, албатта, бу ерда чиқиб, масаланинг моҳияти бўйича ўзига юклangan айблар тўғрисида ва ўзларининг ўз тутишлари тўғрисида, ўзларининг ишлари тўғрисида, хушёrsизликдан бўлганми, чиндан ҳам шуларга берилганликдан бўлганми, душман ёзувчилар ўртасига чангол солиб, ўзига керакли одамларни торгаман, деганда шулар қаторида тортилмаганларни ҳақида ўзларининг чин юраклари билан айтиб беришлари керак. Музокарага чиқувчилар, ёзувчилар жамоатчилиги шу ёзувчиларга берган жавобларига мувофиқ ўзларининг қатъий фикрларини, ҳам ўзлариниг, ҳам союзимизнинг шундан кейинги ишлари тўғрисида гапирсалар, қаршилик бўлмас»¹.

Пленумда шахсий ишлари мұхокама қилингандың ёзувчилар совет давлатига қарши на ошкора ва на яшириң кураш олиб бормаган, бирорта аксилик қарши ташкилотта альдо бўлмаган, ижоди билан замондошлирини совет давлатига қарши курашга ундамаган, балки истеъдодлари ва замон берган имконият даражасида ижод қилиб келаётган кишилар эдилар. Масалан, Ойбекнинг бор-йўқ «айб»и, Чўлпонни шоир сифатида ҳурмат қилигани, унинг касалхонада даволанаётганини эшитиб, кўргани боргани, Туркистон мухторият ҳукуматининг ўрнатилишида фаол ишпирок этган қайнатаси Сайдносир Миржалилов қамоқдан қайтиб келганида эса уни уйига киргизганида эди. Шунга ўхшаш «тўпланмаган материаллар» асосида пленумда ёки комиссия ийғилишида ёзувчиларниң тургизиб мұхокама қилиниши 1937-1938 йилларда НҚВД томонидан ташкил этилган суд жараёнларининг айнан ўзи эди. Дарвоҷе, Ёзувчилар уюшмасининг мазкур 1У пленуми сценарийси ҳам, шак-шубҳасиз, НҚВД томонидан тузилган эди.

Биз яшаётган дунё икки қарашма қарши кучнинг доимий тўқнашувига қурилган. Мазкур пленумдаги икки қарама-қарши кучнинг бири – манглайига «душман унсурлар» деган тамға босилаётган ёзувчилар, иккинчиси эса ана шу тамғани босаётган шахслар эди. Иккинчи кучнинг асосий мақсади ёзувчилар орасидан мумкин қадар кўпроқ «душман унсурлар»ни топиш, уларни уюшмадан учираш, сўнгра Фитрат ва Чўлпонлар азоб-уқубат чекаётган қамоқхоналарга юбориш эди. Бу иккинчи куч рақибларининг ҳам ўзлари сингари инсон эканликларини, бола-чақалари, ота-оналари борлигини, уларнинг ҳам изтироб чекишлари мумкинлигини ўйлаб ҳам кўрмаганлар. Фитрат ва Чўлпон сингари беозор кишиларнинг, ўзларидан ўн, юз, минг баравар баланд истеъод соҳибларнинг қамоқхоналарда инсонлик қиёфасини йўқотган, раҳм-шафқат нималигини билмаган ярим ваҳший кимсалар томонидан таҳқирланяётганилари, азоб чекаётгандарини эса ўйлашни ҳам истамаганлар. Бу совет даврида, совет тарғибот ва ташвиқот машинасининг фиддираклари остида манқуртлашишининг, инсонийлик ҳиссисидан маҳрум бўлишнинг оқибати эди.

Курбон Берегин ўз даврининг илгор кишиларидан бири бўлганига қарамай, пленумга раислик қиласр экан, қилаётган ишининг файриинсоний эканлигини бирор марта, ҳатто уйқуси уччиб кетган пайтларда ҳам ўйлаб кўрмаган бўлса керак. Чунки у синфий душманга нафрат руҳида тарбияланган эди. Бундай кишилар бошқа соҳилда турган кишиларнинг синфий душман эмасликларини билиш баҳтидан одатда маҳрум бўладилар. Курбон Берегин пленумда кечаги дўстларининг душман ёки душман эмасликлари мұхокама қилинар экан,

уларни нима кутаётганини яхши билган, аммо уларни фош этишини ўзининг партия олдидағи бурчи, деб ҳис қылган. Партия олдидағи бурч эса унинг учун виждан амри билан баравар эди.

Хуллас, пленум давомида нафақат бошқа соҳилдаги айрим ёзувчилар, балки уларни фош қилишда фаоллик қўрсатган айрим қораловчилар ҳам долғали денгизга улоқтириб ташланди. Шундайлар орасида Курбон Берегин ҳам бор эди.

ИЗТИРОБЛАР ОҒУШИДА

Пленумнинг 4 сентябрда бўлиб ўтган сўнгти мажлисида Курбон Берегиннинг ўзи ҳам Абдула Қодирий, Чўлпон, Элбек сингари «халқ душманлари» билан яқинликда, уларнинг аксилинқилобий моҳиятини яширганликда айбланиб, пленум аъзолигидан чиқарилди. Шу куни у, худди Элбек ёки Анқабой сингари, пленум аъзоларининг қитмир саволларига қарийб икки соат тик туриб жавоб берди.

У вазиятнинг бундай тус олишини сира ўйламаган эди. Билмадим, у билармиди ё йўқми, ҳаётда шундай онлар бўладики, туҳмат қилувчи эмас, балки туҳмат қилинган киши ўзини оқлашни ва оқдай билиши лозим. Туҳматидан ўз туҳматларини аниқ-тайин далил билан асослаш одатда талаф этилмайди. Совет даврида бу нарса иккинчи ёки учинчи нарса ҳисобланган. Хуллас, ўша куни Курбон Берегин ўзининг ҳалол коммунист ва уюшма аъзоси эканлигини тушунтиришга қанчалик уринмасин, пленум унга кулоқ солишни истамади.

Шундай қилиб, куни кеч пленумга раислик қилган, марказқўмнинг топшириғи билан Ўзбекистон Ёзувчилар уюшмасига аъзо бўлган ва ҳали аъзо бўлиб ултурмаган ёзувчиларнинг оқини оқ, қорасини қорага чиқариш ишларига раҳбарлик қилган кишилардан бири аксилинқилобий унсурга чиқарилди. Курбон Берегин шу куни мажлис залидан эгик бош билан чиқиб кетди.

У одатда уйига кеч қайтганида, ухлаб қолган фарзандларининг яноғидан ўпид, бошини силаб, сўнг агар қорни оч бўлса, хотини Онажон олиб келган овқатта ўтирад, агар чарчаб келган бўлса, ўзини тўшакка ташлар ва эрта тонгта қадар данг қотиб ухлар эди. Шу куни у ҳатто кенжатоий Маратнинг ҳам бошини силашшга мажол тополмади. Унинг назарида, ҳозир НКВДнинг ўпкаси йўқ одамлари келадилар-у ҳаммаёқни алғов-далғов қилиб, уни олиб кетадилар. Хотини, бола-чақалари, қариндоши-уругларини ортиқ кўрмайди. Кейин... Хўш, кейин нима бўлади?.. Балки айби йўқлиги учун қўйиб юборишар...

Юборишармикан-а?.. Агар қўйиб юборишмаса-чи?.. Хийнаб, тирноқлари остига бигиз тиқишиса-чи?.. «Гапир, контра! Гапирмасанг этингни шиламиз», - дейишиса-чи!..

Курбон Берегин шундай оловли хаёллар ичидаги ўрганди. Йўқ, оловли хаёллар эмас, дўзах ичидаги қолди. Ҳани энди қўшиниси Анқабойни чақириб, қиттайдар қўшина-ю чўяндай оғир хаёлларни бошидан иргитиб юборса... Йўқ, Анқабой 9 августдаёқ қамалган. У яқин дўстларидан бирини олиб қоломмаган. Агар у билан қамоқхонада қўришиб қолгудек бўлса, энди унинг: «Қолинг қалай? Мен ҳам эдим сенингдек, сен ҳам бўлдинг менингдек», дейиши аниқ. Албатта, дейди. У менинг ёрдамим билан радиоқўмитага раис бўлиб ишга ўтганида, кейин менинг ёрдамим билан ўқитувчилар кўчасидаги 9-йуни кўчиб келганида бошқача эди. Ундан кўра менга қадрдан ва садоқатли кишийўқ эди, ўшанда. Энди у... пленумда шармандаи шармисор бўлганидан кейин менга дўст бўлиб қолармиди?..

У хаёлини бошқа ўзанга бурмоқчи, енгилганимоқчи бўлди. Бўлмади. Туриб, бутун келган газеталарни титди. Газеталарда ҳам пленумнинг кечаги мажлиси тўғрисидаги хабарга кўзи тушиб, газетани ғижимлаб ташлади. Сўнг китоб жавонидаги ўзининг ва дўст-ёрларининг совфа қилинган китобларини, суратларни назардан ўтказди.

Мана, Ўзбекистон ёзувчиларнинг биринчи курултойида олинган суратлар...

...1934 йилнинг 17 ё 19 январи эдими, аниқ ёдида йўқ, ташкилий комитет йиғилиб, биринчи курултойининг кун тартибини кўриб чиқди, курултойининг қандай ўтказилиши лозимлигини муҳокама қилди. Ахир бу минг йиллик ўзбек адабиёти тарихидаги ёзувчиларнинг биринчи курултойи эди. Тажриба йўқ. Ёзувчилар уюшмасининг кейинги тақдири ва обрў-эътибори эса ана шу курултойининг ўтишига боғлиқ. Шунда кимдир, Пинхасикмикан, ҳар бир ёзувчининг инқилобдан кейин ёзган асарларини ўрганиб чиқиши керак, агар у биринчи асаридан сўнгтисигача совет позициясида турган бўлса, уни ҳам уюшмага биринчилар қаторида қабул қиласиз, ҳам курултойда шунга ўхшаш ёзувчилар ижоди орқали ҳозирги ўзбек адабиётига сиёсий баҳо берамиз, деди. Шу гапдан кейин у, Мажидий, Пинхасик ва Тригубовдан иборат комиссия тузилди. Роса икки ой асар ўқишиди. Худди бугунги пленумга тайёргарлик кўргандек.

5 февралда ташкилий қўмита тағин йиғилди. Бу сафар Анқабой, Назир Сафар, Зиё Саид, Ойдин Собирова ҳам қўмита йиғилишида иштирок этишиди. Курултойни ўтказиши учун маслаҳатчилар бюросини ташкил этиш лозим эди. Улар шу бюронинг вазифаларини ўрага-

ниб чиқишиди. Сўнгра ўзбек ёзувчиларидан 24 киши, руслардан 13 киши, Бухоро яҳидийларидан эса 3 киши маслаҳатчилар бюросига аъзо қилиб олинди. Қурултойнинг яхши ташкилий савияда ўтишида бу масҳатчиларнинг хизмати ҳам чакки бўлмади...

Курбон Берегин ўйлаб қараса, Ўзбекистон Ёзувчилар уюшмасининг ташкил этилишида Раҳмат Мажидий билан бирга унинг ҳам хизматлари оз эмас экан. Мана, Мажидий Москвага ўқишига кетганидан бери уюшмага ўзи раислик қилиб келди. Лекин...

Лекин 1930 йил 20 апрелда марказқўмда бўлиб ўтган йигилиш унинг ёдига тушиб кетди. Ўйлаб кўрса, СССР Ёзувчилар уюшмасининг вакили бўлиб келган Лоҳутий ичи қора кимсалардан экан. Ўшанда йигилиши у мудирлик қилган бўлимда ўтказилди. У ҳурмат юзасидан Лоҳутийни тўрга таклиф қилиб: «Мажлисга ўзингиж раислик қиласизми?» деб сўради. Буни қарантки, меҳмон шу гапни кутиб турган эканми, тўрни эгаллаб олиб, йигилишни ўзи истаган кўчага буриб юборди. Абдулла Қодирий ҳам, Отажон Ҳошим ҳам, Ҳамид Олимжон ҳам жўяли гапларни гапиришиди. Аммо Горбунов ҳол кўйди, ўшанда. Эй аҳмоқ, келиб-келиб Москвадан келган айғоқчининг олдига дастурхонни очсанми?!.. Ўша кезларда оқ калтак-кўк калтак қилинаётган драматургларнинг асарларини саҳнадан олиб ташланаш керак бўлса, бу ишни рабочий тартибда қилсак, асаканг кетармиди! Яна бу ҳақдаги бир гуруҳ ёзувчиларнинг хатини кўрсатишини айтинг!.. Хуллас, Лоҳутийга худди шу нарса керак экан. У уюшмани душман унсурлардан тозаламай туриб ўзбек совет адабиётини яратиш мумкин эмас, деб оёқтираб олди. Мени ҳам изза қилди. Кейин бошқа ёзувчиларни ҳам менга қарши қайради. Ҳамма нарса ўша кундан бошланган. Менинг устимдан ёғмоқчи бўлган булат ўша кундан бошлаб тўплана бошлиган...

Курбон Берегин хаёlinи бошқа ўзанга йўллаш учун ўзи сезмаган ҳолда дастурхон сари яқинлашиди. Кейин овқат столидаги совиб турган чойнакни даст кўтариб, бир ичишда ярмини бўшатди. Дераза олдига келиб, ҳовлига қаради. Болалар ҳовлида маза қилиб ухлашаётган эди. Унинг баданига қандайдир оний илиқлиқ ютурди. У юлдузлар чараклаб турган осмонга қарап экан, кўзи Амир Темурнинг қиличидек ялтиллаб турган ойга тушди. Назарида, ана шу қилич секин-аста у сари сузуб келаётгандек туюлди.

Курбон Берегин изтироб алансида у ёқдан-бу ёққа юра бошлиди. Бир маҳал қўзи дастурхон четидаги Онажон ўқиёттан китобга тушшиб қолди. Бояги қилич аста сузуб келиб, ана шу китоб муқовасига ўришшандек эди.

Йўқ, бу қилич эмас, «Ўтган кунлар» романининг муқовасидан

караб турган қилич аслида ўн тўрт кунлик ойнинг расми, шу ойнинг беланчагида ўтирган қиз эса Кумуш эди...

Абдулла Қодирий...

Курбон Берегин 1924-1925 йилларда шоир бўлиш орзусида шеърлар ёзди. «Шарқ қизига», «Шарқ хотин-қизларига», «Вакилларга», «Ишчи-дехқонларга» деган шеърлари вилоят газеталарида босилди. Кейин Тошкентда нашр этила бошлаган «Муштум», «ўзгаришчи ёшлар», «Ер юзи» каби журнallарда босилган асарларни ўқиб, насрга ҳавас ҳосил қилди. Ҳатто 1926 йилда «Ер юзи» журналида унинг «Олма отиш», «Чақириканак» деган ҳикоялари босилди. Абдулла Қодирийнинг «Ўтган кунлар» романини ўқиганидан кейин эса ҳозирги замон ҳақида худди шундай ажойиб романни ёзмоқчи бўлди. Аммо кучи етмадими, ҳар қалай, аранг 70 саҳифали асарни роман дейинига андиша қилиб, уни ҳикоя деб агади ва унга «Шодликли кунлар» деб ном берди. Агар машхур адабнинг асари халқимизнинг ўтишидағи кирли кунлари ҳақида бўлса, унинг роман-ҳикояси шодлик кунларни тасвирилашга бағисланган эди.

Курбон Берегин Тошкентта кўчиб келиб, Давлат нашриётiga раҳбарлик лавозимига тайинланганида, терминком (тамашунослик қўмитаси) билан ҳамкорликда икки жилдик «Русча-ўзбекча лугат»ни нашр қилиши ишларига раҳбарлик қилди. Шунда ўзбек тилини мукаммал билган, рус тилини ҳам пухта эгаллаган адаб сифатида Абдулла Қодирийнинг шу хайрли ишда бевосита иштирок этишини хоҳлади. Лугатнинг биринчи жилди устидаги иш аллақачон бошлангани учун унинг иккинчи жилдда қатнашиши мумкин эди. У нашриётнинг лугат масалалари билан шуғулланувчи ходими Абдулла Сайдовга адабни чақириб, у билан шартнома тузишини буюрди. Абдулла Қодирий шартномада назарда тутилган ишни тўла бажариб, унинг юзини ерга қаратмади. Икки жилдли лугат ўз вақтида чоп этилиб, тузувчилар шаънига ҳам, нашриёт шаънига ҳам кўп яхши фикрлар айтилди.

Тўғри, беш қўл баравар эмас. Бир кам дунё, дейдилар, бу дунёни. Сайдов тушмагур нашриётни ҳам, уни ҳам адаб қаршисида уялтириб қўйди. Абдулла Қодирий унинг хатти-ҳаракатидан қаттиқ ранжиб, ҳатто матбуотда уриб ҳам чиқди. Мана, ўша мақола:

Лугат пудратчилиги ва қуруқ расмият
(Шўро ёзувчисининг хати)

1935 йил август ойларида Ўзбекистон Давлат нашриёти бир неча

ўртоқлар билан “Русча-ўзбекча тўла сўзи лугат» тузиб берипга шартнома боғлади. Ўша вақтда шартнома тузувчи колективнинг бир аъзоси ҳисобланган Абдулла Сайдов »П« ҳарфини ишлашни ўз устига олади. Ўзбек тилига оз ошина бўлганилигиданми ёки киши кучидан фойдаланишни ўзига қасб қилиб олганлигиданми, бир неча вақт лугатни ишламай судрайди. Сўнгра ўзнашр тазиёқи остида колектив аъзолари билан келишиб тузилган шартнома асосида »П« ҳарфини ишлаб берипшини сўраб менга мурожаат қиласди. Мен қабул қиласман ва бир қанча вақтлар ўлтириб, «П» ҳарфини тузиб чиқаман. Колектив қабул қилиб олади.

Мен Сайдовни виждонли деб билиб, шартномани ўз отимга ўзказиб олиш тўғрисида ўйлаб ўлтирмайман.

Бу кун лугат босилиб, контроль сонглари ўзнашрга олинади. Бироқ ўртоқ Сайдовнинг мен билан сўзлашгиси келмай қолади. Шартнома юзасидан оқча олганлиги устига қолмиш ҳисобни битириш учун ўзнашрга ўз отидан счёт ҳам тоширади. Мен мақсадини англиши учун Сайдовга мурожаат қиласман. Сайдовнинг менга қарагиси келмайди. Муомала гёё ёшларча, бегоналарча. Мен коллективга ариза бераман. Коллектив (»П«ни тахминан 11 минг сўз деяйлик – А.ҳ.) “Абдулла Қодирий томонидан ишланган. Бунда Сайдовнинг ҳеч қандай алоқа ва хизмати йўқ. Ўзнашр ҳисобни Абдулла Қодирий билан юргизсинг» мазмунли қарор чиқариб, нусхасини ўзнашрга юборади. Ўзнашр коллективнинг қарори ва мурожаатига илтифот қиласмайди. Биз формал равишда Абдулла Сайдовни таниймиз, сиз билан ишишимиз йўқ, судга берингиз, деди.

Ўртоқ муҳаррир!

Иш, хизмат менини, ўзнашр архивида сақланган асл қўлёзма менини: аммо бу меҳнат баробарига ҳақ олиш »виждонли« Сайдовники.

Сайдовлар учун илгари бу хилда »ҳалол қасб» билан кун кўриш мумкин бўлса бўлгандир; аммо энди, айниқса, бугун, яъни ёруғ, очиқ кунда ўғирлик?!

Абдулла Қодирий (Жулқунбой).

*Р е д а қ и я ձ ա ն: ўзнашр идорасининг масалага бундай қўп-қуруқ расмият кўзи билан қараб, асл ҳақиқатда ишлаган кишини овора қилиши ҳеч бир кечирилмасликдир. Ўзнашр масаласи чиндан қарагандиа адабиёт ва тилни пудратга олмоқчи бўлганлар билан алоқа қиласлиги керак эди*¹.

Асл исм-шарифи Абдулла Сагитов бўлган кимсанинг Абдулла

Қодирийдек улуг инсонга нисбатан бундай муттаҳамлик қилиши ноширлар жамоасининг газабини кўзгади. Лекин гап чуваланса, кўпгина кишиларнинг изза бўлишлари мумкинligини сезиб, Қурбон Берегин адибнинг уйига бориб, ундан узр сўради, унинг меҳнат ҳақини, албатта, ундириб беришини айтди. Уни гоят ҳурмат қилишини, асарларини оиласи билан севиб ўқишини таъкидлади. Ўтган йили унинг «ўтган кунлар» романини Файзула Хўжаевнинг топшириғига биноан араб ёзувида нашр қилиб, хорижга юборганини яна бир бор эслатди.

Гап бундай эди. «ўтган кунлар» романи эл-юрг ўртасида машҳур бўлгач, бу асарнинг довруги ўзбеклар ва уйғурлар яшаётган хорижий мамлакатларга ҳам этиб борган ва у ердан ушбу асарни араб ёзувида нашр этиб юборишини сўраб Файзула Хўжаев номига хат келган эди. Ўзбекистон Xалқ Комиссарлари Совети раиси шу вазифани бажариши ўздавнашр раҳбари Қурбон Берегиннинг зиммасига юклаб, унга бундай хат йўллаган эди:

Берегинга.

Сизга Абдулла Қодирий билан унинг эски ва янги асарларини қайта нашр этиши масаласида маслаҳатлашиб, шартнома тузиш топширилади.

«Ўтган кунлар»ни чет элга жўнатиш учун уни араб ёзувида қайта нашр этиш лозим.

Ф.Хўжаев.

Қурбон Берегин юқорида зикр қилинган ҳунук воқеадан кейин Абдулла Қодирий олдида ўзини нокулай сезиб юрди, ўрни келгандан, унга бирон-бир яхшилик қилиб, содир бўлган воқеани унугтириш истагини дилига тугди. Кўп ўтмай, Ёзувчилар улошмасининг Ш пленуми ўз ишини бошлаганида, у Абдулла Қодирийни пленумга таклиф қўлмаганини эслаб қолиб, мажлис ҳайъатида ўтирган кимгайдир уни машинада олиб келиш вазифасини топширди.

Мана, бугун шу хайрли иши учун ҳам калтак еди. Аёл ёзувчилардан бири уни совет позициясига ўтмаган Абдулла Қодирий сингари эски ёзувчиларга ҳомийлик қилишда ҳам айблаб чиқди.

Хуллас, кимнинг қандай гинаси бўлса, ҳаммаси айтилди.

Шу билан Қурбон Берегин ҳаётининг ёруг саҳифалари, ўзи айтмоқчи, «шодликли кунлар»и тутаган, олдинда эса «тарихимизнинг энг кирлик кунлари» кутмоқда эди.

МАШЬУМ КУН

Азоб-уқубатли тун аччиқ ичақдек чўзилган бўлса-да, тонг саҳар пайтида олисдан хўroz қичқириғи эшитилиб, тонг оттанини маълум қилди. Қурбон Берегин шу туни мижжга қоқмай чиқди, юз-қўлини ювиб, дастурхонга яқинлашди. Унинг юрак-багрини тираётган ташвишли фикрлар аллақачон бамисоли қора қуюн каби кўтарилиб, бутун хонадонни эгаллаган, воқеадан хабардор бўлган Онажон ҳам мунглеккина бўлиб қолган эди.

Қурбон Берегин, худди чой ичмоқчи бўлган кишидек, пиёлани икки қўли билан маҳкам ушлаганича узоқ ўтирди. Ишга боришни ҳам, бормасликни ҳам билмасди. Ниҳоят, кўча-эшик олдидан манининг таниш шовқини эшитилди. Қурбон Берегин оғир қадамлар билан кўча томон интилди.

Унинг назарида, ҳамма воқсанинг содир бўлганидан, Берегиннинг бу дунёдаги ҳамма яхши-ёмон ишлари биттанидан хабардордек эди. Марказқўмга етиб келганида, милиционер ҳам истар-истамас честь берди. Унга честь бердими, бошқа кишигами – билмай қолди. Ҳар ҳолда эшикни очиб-ёпиб турувчи ходимларнинг ҳам муносабати ўзгаргандек эди.

Унинг бирдан-бир умиди марказқўм эди. Аммо ўша куни бюро йигилиши ўтказилиб, Қурбон Берегин марказқўм аъзолигидан ҳам, партиядан ҳам учирildи. Марказқўмнинг йигилишида ҳозир бўлмаган аксар аъзолари шу қарор билан рози эканликларини телефон орқали хабар қилдилар. Қурбон Берегин тарвузи кўлтиғидан тушшиб, уйига баравқт пиёда қайтди.

У хизмат вазифасига кўра, уйида тўппонча сақлаш ҳуқуқига эга эди. Уйига келиб, хотинидан яширин равищда тўппончани олиб, ўқларини текшириб кўрди. Бир эмас, саккиз дона ўқ кафтининг ховузчасига бир-бирига урилиб, «хизматта тайёрмиз», дегандек тушди. У тўппончани ўқлаб, дастлаб юрагига, сўнгра манглайига олиб борди. Аммо журъат қилолмади. Болаларининг чинқириб, додлаб ишлапши кўз олдига келди. Балки тирик қоларман, деган юпанч саккиз дона ўқли тўппончани енгди.

Ярим кечага яқин, болалар ширин тушлар кўриб ётган пайтда қўққисдан эшик дукиллади. Қурбон Берегин эшикни очишни ҳам, қочишни ҳам билмай, бир неча дақиқа саросимада турди. Эшик янадир бор дукиллади. Берегин, ноилож бир аҳволда бориб, кўча-эшикни

тигроқ қўллари билан очганида, НКВД ходимлари билан бирга маҳалла қўмитасининг раиси ҳам дунёдаги энг машъум маросимни ўтказишга шай бўлиб туришган эди.

Сиёсий идора ходимлари уй эгасига уни қамоққа олиш ҳақидаги нари борса бир-икки соат аввал ёзилган қарорни кўрсатдилар. Бу қарорга кўра, Қурбон Берегин: «1) ўзбекистонни СССРдан ажратиб олиш мақсадида тузилган аксилинқилобий миллатчилик ташкилотида аъзо бўлганликда, 2) аксилинқилобий ташкилотнинг аъзоси сифатида аксилинқилобий иш олиб борганликда, Ўзбекистон Ёзувчилар уюшмаси атрофида миллатчиларни тўплаб олиб, уларнинг аксилинқилобий асарларини қўллаб-куватлаганлиқда, шунингдек, 3) қандайдир миллий назарияларни тарғиб этганликда» айблантган, бинобарин, унинг ЎзССР Жиноят Кодекси 66-моддасининг 1-қисми ва 67-моддасида кўзда тутилган бу айблари учун қамоққа олиниб, НКВДнинг ички қамоқхонасида сақданиши лозимлиги қайд этилган эди. Ҳарорга НКВД Давлат хавфсизлиги бошқармаси 4-бўлимининг шошиликч ишлар бўйича вакили хавфсизлик кичик лейтенанти Маврин имзо қўйган, НКВД ДХБ 4-бўлими бошлиги д/х лейтенанти Агабеков эса бу қарорга рози эканлигини ўз имзоси билан тасдиқлаган эди.

НКВД ходимлари қарийб тонгта қадар ую ҳовлиниң ҳар бир тешигини тинтиб чиқишиди. Ниҳоят, айбланувчининг ТК русумли револьвери, «Ҳурмат белгиси» ордени, паспортини, бундан ташқари, 1) 32 та турли ҳужжатлар ва маълумотномалар, 2) 27 саҳифадан иборат таржимаи ҳол ва анкеталар, 3) бир неча машинкалланган рисола, 4) 24 варакдан иборат шахсий характердаги ёзишма, 5) 6 дона блок-нот, 6) 6 дона фотосурат, 7) 1 кути негатив, 8) 1 пачка турли ёзувлар, 9) «Хоразм адабиёти тарихи» рисоласи қўлёзмаси, 10) «Рабочие и дехкане за власть Советов» мақоласи ва 66 варакдан иборат шеърлар, 11) Пушкин комиссияси материаллари ва таржималар, 12) «Совет адабиёти» журнали материаллари, 13) Берегин қилган мърузанинг қўлёзмаси, 14) 1 папка шахсий ҳужжатларни олганлари ҳақида акт туздилар ва Қурбон Берегинни йиғлаб, додлаб ётган оиласининг қўзи олдида борса келмас жойга олиб кетдилар.

Қурбон Берегиннинг ўша пайтда энди 9 ёшга кирган қизи Кувонч шу мудҳиши воқеани бундай эслайди:

«Бир куни кеч соат саккизларда уйимизга уч киши кириб келди. Улар тонг отгунча ухламадилар ва бизларни ҳам ухлатмадилар. Кечаси билан ҳаммаёқни афдар-тўнтар қилиб ташлашди. Уйимиздаги ҳар бир китобни варактаб, ичидан нималарнидир обдон қидиришиди. Отам-

нинг қофоз-дафтарларини, хатлар ва расмларни уйнинг ўртасига тўплаб олиб, кўз югуртириб чиқишиди. Эрталаб соат етти-саккизларда тинтуб ишларини тўхтатишиди. Шундан кейин топган-тутгандарини бир тугун қилиб, отам билан бирга олиб кетишиди.

Ўша йилларда ҳовлимизда итимиз бўларди. Келган кишилар отамга уни боғлаб қўйишни буюришиди. Ит кечаси билан бир минут ҳам тинч турмай, хуриб чиқди. Эрта тонгда ҳам ўзини у ёқ-бу ёққа уриб, ишини узмоқчи бўлди, бироқ маҳкам боғлангани учун ишини узолмади.

Ташқарида турган машина отамни олиб кетаётганида, отам бизга қараб: «Яхши ўқинглар, ақыли бўлинглар, онангларни ҳурмат қилинглар, деб улгурди, холос. Менинг эсимда қолганлари фақат шулар.

Отам ўша кетганича қайтиб келмади».

(Кувонч ўша пайтда ёш бола бўлгани учун унинг мудҳиши кун тўғрисидаги ҳамма сўзларини ҳам ишонарли, деб бўлмайди. 1937 йили бўлиб ўтган қама-қама пайтида НҚВД ходимлари кўпинча шаҳар уйқуга кетганида «ов»га чиқишиган. Зоро, уларнинг қамоққа олиши операциялари ўта яширин ҳолатда ўтказилиши лозим эди. Бино-барин, уларнинг соат саккизларда келиб, эрта тонгга қадар тинтуб ўтказишлари мумкин эмас. Берегинлар оиласида «катта тинтуб» қилишига арзирли архив ҳам, кутубхона ҳам бўлмаган, ўшанда.)

* * *

Шу ерда сиз, ҳурматли китобхоннинг ижозатингиз билан яна бир лирик чекиниши қилисан.

Ўзбекистон Ёзувчилар уюшмасининг вилоят бўлимлари тузила бошлаган 1933 йилнинг охири-1934 йилнинг бошларида уюшманинг Хоразм вилоят бўлимига Қурбон Берегиннинг тавсияси билан Абдулла Матёкубов (1910-1948) раис этиб сайланган. У истеъододли шоир ва носир бўлган ва унинг «Қилич» романи 30-йилларда анчагина шуҳрат қозонган. Абдулла Матёкубов хоразмлик шоир Абдулҳамид Мажидий (1902-1939) билан яқин ижодий ва инсоний муносабатда бўлиб, унинг 1938 йил январида Самарқандда НҚВД ходимлари томонидан қамоққа олинишига иттифоқ гувоҳ бўлиб қолган ва шу ҳақда «Сўнгти кеча» деган воқеий ҳикоя ёзган.

Бугунги ва келажак авлодлар шу шармандали жараённинг қандай кечгандиги тўғрисида тасаввур ҳосил қилишлари учун профессор Баҳодир Каримов томонидан эълон қилинган мазкур ҳикояни қўйида жузъий қисқартириш билан сиз ҳурматли ўкувчининг эътиборингизга ҳавола қиласман.

* * *

17 январь кечаси мен беш яшар қизим билан уйда ёлғиз қолдим. Дилбарнинг опаси хизматчи хотин билан бирга от уйинига кетган эди.

У ўта шўх эди. Бўйнимга миниб олганини сезмай қолар эдим мен. У бўйнимга миниб олгандан сўнг ингичка кўллари билан сочларимни ушлаб, «тужа-тужа» қиласар, унинг айтганини қўлмай тушириб қўйсам, хеч бир сўзлашмасдан бир бурчакка бориб йиглар эди. Мен унинг ёнига бориб аҳвол сўрасам, юпатмоқча тиришсам, ўзича сира англаб бўлмайтурган бир товуш билан сўзланар эди.

- *Қизим, нима деяпсан, тушунтириб сўйла! – дер эдим мен.*
- *Нигорнинг дадаси яхши, ҳар кун, ҳар кун «тужа-тужа» қиласади, – дер эди у.*
- *Нигор дадасининг айтганини қиласади, ақлли қиз. Сен ҳам менинг айтганимни қиласанг, «тужа-тужа» қиласман. Қани айт, қиласанми, айт!*

Дилбарнинг юзида кувонч пайдо бўлди:

- Қиласман. Дада, айтинг! – деганича бўйнимга осилиб, мени қайтагайта ўпди. Мен уни кўтариб олиб, ичкари уйга киритдим. Патефонни қўйиб, «ўйна», дедим. У ҳам «хўп, дада», деб ўйинига тушди. У жуда келиштириб, баъзан қизиқчилик қилиб, бошини тебратиб, қошлигини чимириб, мени кулдира-кулдира бирдан қулаг фурсат топиб, худди чаққон маймун болаларидек, миниб олиб, «тужа-тужа» деганича оёқлари билан тенсиниб, «ҳайт-ҳайт» дер эди. Мен бўлсам уй ичида лўкиллаб, у ёқ-бу ёқча чопар эдим.

Шу пайт эшикдан кимдир келиб кирди. Дарров елкамдан Дилбарни тушириб, ташқи уйга чиқдим. Ҳарасам, Абдулҳамид Мажидийнинг хизматчиси экан. У мени кўриши билан бир хатни бериб, жавоб ёзив беришимни русчалаб сўради. Мен хатни ўқиб бўлиб, хатта бошқа бир қоғоз орқали жавоб бериб жўнатдим.

Бу вақт кеч соат ўн ярим эди. Хатда Мажидий мени оилам билан уйига таклиф қилган. Келишмани таъкидлаб сўрабди.

- *Дада, – деди Дилбар, – қаерга борасиз?*
- *Нигорларни кига. Опанга хат ёзив қолдирамиз. Унинг ўзи борар, – дедим.*
- *Мен ҳам бораман, дада.*

Мен уни кийинтирдим. Ўрготимга хат қолдириб, ташқарига чиқдик. Иссиқ уйдан чиқиш билан изгирин шамол аралаш аччиқ совуқ юзга урилди. Биз ютуриб бориб, трамвайга миндик.

Биз тунги бир яримгача ҳангомалашиб ўтиридик. Ичимлик ҳам ҳаддан ортиқ, озғин, чакка суюклари бўртиб чиқиб турган, ожизги-

на Мажидий бу сафар ҳеч қизармади. Аввалларда икки рюмка ичиш билан тулумдек қизариб, ҳар хил қизиқ-қизиқ ҳикоя, эртаклар, ҳикматли сўзлар ва афандилар сўзлаб бературган киши бутун қовоги солинган, ранги ўчган ва замоннинг бевафолитидан ёнган қиёфада эди. Ўртогим билан Мажидийнинг ўрготи Шарифахон Хива сомаси пишириш учун чиқиб кетганди, Мажидий менга бир сўзни қочирим қилиб қўйди:

- *Равшан¹! – деди у. – Шу кунларда менда тинчлик йўқ. Хавотир ичидаман.*

Мен унга дунёнинг қайгулари ҳақида камроқ ўйлашини тавсия қилдим.. У бўлса қўл силтаб, менга зарда қилгандек бокди.

- Ана! - деди у қўли билан уйнинг тўрида қўғирчоқ ўйнаб ўтирган Нигор билан Дилбарни кўрсатиб. – Улар дунё ҳақида ғам смаса ҳақли. Чунки улар гўдакчалар. Биз-чи? Ота бўлган кишилармиз, ота бўлган кишилар!

У менинг устозим эди. 1930 йилда уни адабий ишдан четлантиридилар. Пойтахтдан узоқ Хоразмга сургун қилгандек қилиб ҳайдадилар.

У Хоразмда бир қанча вақтларга қадар ишсиз юрди. Кейин кўп қийинчилклар билан Хоразм вилоят театрини ташкил қилиб, унда адабий қисм бошлиғи бўлиб ишга тутинди. Ана шу вақтларда мен эндиғина газетада ишлай бошлаган, майда-чуйда адабий нарсалар ёзишга киришган эдим. «Абутанбал» ва «А.Мажидий» деб машҳур от чиқазган бу ёзувчининг қалами Хоразм газеталари бетларида ва театрда машҳур бўлиб кетди. Мен унинг билан танишиб олгандан кейин уни вилоят газетасига ишга жойлаштиришга сабабчи бўлдим. Шундан сўнг у менга то сўнгти кунларигача ўз ёрдамини аямади.- ҳатто бир қанча катта асарларимни унинг ўзи таҳрир этиб, камчиликларини кўрсатиб бериб, асарларимнинг силлиқ - кучли чиқувига сабабчи бўлди. У асарда адабий нуқталан нуқсон бўлувини сира кўра билмас, адабий нодонликка қарши марҳаматсиз курашар эди. 1926 йилда бўлса керак, унинг «Хандон лолалар» деган шеърлар тўплами босилиб чиқсан эди. У бу тўпламда ўзининг миллиатчилик қарашларини очиқча ёзган. Ва шу сабабдан Хоразмдан ҳайдалган!

Мен бу воқеаларни хаёлимдан ўтказиб олдим. Хива сомаси келтирилди. Тағин ичдик. Суҳбат қизиди... Соат иккidan 20 минут ўтганда, мен кетиши учун рухсат сўрадим. Абдулҳамил рухсат бермади. У шунда бу кун қолиб кетувимни таклиф этди. Унинг сўзини ўлдиришни мен истамас эдим. Хотинлар ичкариги уйда, биз бўлсак, ташқарига уйда ётдик.

Энди ширин уйкуга кеттанимизда, эшик қоқилиб қолди. Ҳарасак, битта милиция ва НКВД ходими келиб турибди. Мажидий ав-

вало бир оз оқаринди. Кейин ўзини босиб ола билди. Мен не қила-
римни билмай, ҳайрон бўлиб турар эдим.

- Сиз ким бўласиз? – деди менга қараб НКВД ходими.

Мен дадиллик билан жавоб қайтардим.

- Мен бу кишининг биродариман. Кеча оила аъзоларим билан
меҳмон бўлиб келган эдим!

- Қаерда ишлайсиз? Ҳужжатларингизни кўрсатинг!

Мен ҳужжатимни кўрсатдим. Шундан сўнг менинг иштирокимда
келган киши уйни тинтув қилишга киришди. Уй шундай тинтилди-
ки, қаралмаган не шкаф, не оржа-сандинқ, не ёстиқ, не карават таг-
лари қолди! Икки соатта чўзилган тинтувдан сўнг битта қўлёзма
асар чиқди. Бу бир қанча шаҳар театрларида зўр ютуқ қозонган «От-
сиз» номли пьеса эди. Бу қўлёзманинг бир чеккасига бир йил илпари
«Акмал Икромовга! Шу асарни саҳналаштирувга кўмак этинг!» деб
ёзилган экан. Бу сўз ёзилган чокда А.Икромов фирмә қўмитасининг
бони саркотиби бўлган. Бу, ёзувчининг «аксилинқилобчилар» билан
яқин муносабатда, алоқада бўлганини кўрсатувчи катта ҳужжат!
Иккинчи ҳужжат топилмади. У А.Мажидийнинг 1919-1921 йилларда
Истанбулга бориб, чет элда ўқигани ҳақидаги гувоҳнома эди.

- Сиз қамоққа олиндингиз! Айбингизни шу ёқда эълон қиласиз.
Кўрпача, пул-мул олинингиз, зарар қилас!

Нигор уни олиб чиқаёттанди узала ётиб, оёқ чалиб йиғлаб, Диљ-
бар бўлса, милицияга қараб ҳўмрайганча қараб турар эди.

Мен устозимнинг кўзига боқдим. У менга боқди. Буни сезиб қол-
ган чекист:

- Хайрлашинглар, балким қайтиб кўришимак насиб бўлmas! – деди.

Бу сўзни эшитгандан сўнг Шарифахон билан менинг ўртогим
ҳам, опасига эргашиб қизим Диљбар ҳам йиғлаб юборди.

Мажидийнинг ўтли кўзлари чекистта ташланди:

- Эй бағритош одам! Не учун илжаясан? Бу йиги сенга роҳат
багишлайдими?

У шу сўзларни айта олди. Чекист унга сўзлов учун имкон бермади.
Олдига солиб олиб чиқиб кетди. Уй ичи мотамга айланди.

Бу сўнгти кеча мени устозимдан ажратди. Эртаси китоб магази-
нига борсам, унинг янгигина босилиб чиққан «Қалдирғоч», «Ҳанго-
ма» деган асарлари сотишдан тўхтатилибди. Босилаётпан девони, ҳаж-
вий ҳикоялар тўплами ҳам босмадан тўхтатилибди.

Мана, ҳалқ ичидан чиққан битта ёзувчи нима учун йўқ қилиб юбо-
рилди. Одамни ҳар нарсадан «қиммат» санайтурган Сталин замонин-
да интеллигентга нисбатан туттилган йўл мана қандай!!!

* * *

11 сентябрь куни Ўзбекистон Ёзувчилар уюшмаси ҳайъатининг йилиши үтказилиб, Курбон Берегин уюшма аъзолари сафидан чиқарилди ва «Совет адабиёти» журнали мухаррирларидан олиб ташланди.

Ўша туни қамоқхонада тўлдирилган маҳбуслик анкетасида Курбон Берегиннинг Тошкент шахри Уезд кўчасидаги 23-йида яшагани, қамоққа олингунига қадар марказзўмда маданий-оқартув бўлими мудири бўлиб ишлагани, камбағал ҳунарманд оиласида туғилгани, ўргадан қўйи маълумотта эга бўлгани, миллати ўзбек, оиласи эса Онажон (ёши ёзилмаган), 9 ёшли хувонч, Муҳаббат (ёши ёзилмаган) деган қизлари ва 4 яшар Марат деган ўғлидан иборат эканлиги қайд этилган.

Шундай қилиб, Курбон Берегин 1937 йил 5 сентябрдан НКВДнинг ички қамоқонасида машакқатли ҳаётининг тутқунлик даврини бошдан кечира бошлади.

ТЕРГОВ

30-йилларда амалда бўлган Ўзбекистон ССР Жиноят Кодексига кўра, айланувчи қамоққа келтирилиши билан унга қайси масалада айлананаётганлиги айтилган ҳужжат берилши керак эди. Нима учундир шундай ҳужжат Курбон Берегинга орадан қарийб икки ҳафта ўтганидан кейин, 18 сентябрда берилган. Маҳбус бу ҳужжат тагига: «ҳарор менга кўрсатилди. Ўзимни айбдор деб биламан», деб имзо чеккан эди.

Курбон Берегиннинг шу кеча-кундузда Миллий Хавфсизлик Хизмати архивида сақданаётган “жиноят-тергов иши билан танишган киши уни 1937 йил 3 октябрда, яъни қамоққа олинганидан қарийб бир ой кейин биринчи марта сўроққа чақирилган, деб ўйлаши табиий. Шу ҳол ҳам, унга айлов қофозининг қарийб икки ҳафтадан кейин берилганлиги-ю унинг айбдор эканини тан олиши ҳам шубҳа уйғотмай қолмайди. Ўзининг бутун фаолияти давомида совет давлати чизиб берган чизиқдан бир қадам ҳам четта чиқмаган, давлат ва партия томонидан берилган топшириқлар қандай бўлишидан қатъий назар, уларни тўла бажарган ва шу сабабли марказзўмда масъулиятли лавозимда ишлаган кишининг биринчи сўроқдаёқ ўзбекистонни СССРдан ажратиб олиш мақсадида тузилган аксилинқилобий ташкилотнинг аъзоси бўлганлигини осон-гаров тан олиши асло мумкин эмас. Чунки у бундай айбни бўйнига олган кишининг НКВД

чанталидан қутулиб чиқа олмаслитини, бола-чақаларининг хонавайрон бўлиши мумкинлигини жуда яхши билади. Шунинг учун ҳам айблов ҳужжатининг Қурбон Берегинга 18 сентябрда кўрсатилгани, биринчи сўроқнинг эса 3 октябрда бўлиб ўтганига ишониш қийин. Булар ҳаммаси тергов пайтида айбланувчиларга жисмоний куч ишлатиши билан «донт таратган» Нурми Тригулов ва бошқа терговчиларнинг қора ишларидан биридир. Бизнингча, улар Қурбон Берегинга неча кунлар давомида уйқу бермай, ярим кечада терговга чақиравериб, уриб-қийнаб, иродасини обдон синдирганларидан кейингина унга айблов қоғозини беришган ва унинг айбор эканлигини эътироф этишига муваффақ бўлишган.

Нурми Тригуловнинг терговни олиб борини «усули» тўғрисида Тожи Расулов исмли жабрдийдалардан бири 1940 йил 4 мартағи такрорий тергов вақтида бундай маълумот берган:

«Мени 1938 йил 11 ишъю куни қамоққа олишиди. Шу куни кечасиёқ Агабеков менга Икромов¹ билан Хўжаев² уюшмасига ёндош ҳолда ҳаракат қилган миллатчиларнинг аксилинқилобий ташкилотига аъзо бўлганинг учун қамоққа олингансан, деди. Сўнгра Агабеков менга аслида йўқ ташкилот тўғрисида кўргазма беришимни таклиф этди. Агар у айтгандай кўргазма беришдан бош тортсан борми, менга нисбатан тергов пайти қатъий чоралар кўрилар экан: ўзимни калтаклайдилар, кейин эса хотинимни ҳам қамайдилар. Охиригача у айтгандек кўргазма беришни истамасам, барибир мени судсиз-сўроқсиз отиб ташлайдилар.

...Мени Филимонов терговга чақирди. Саккиз кеча-кундуз мобайнида камерага қайтариб юбормади. Мени кабинетдан ташқарига чиқаришмади, ухлатишмади... Тригулов мени мудом бўралаб сўкарди, ҳар куни канда қилмасдан калтакларди, урар эди. Ўша кунларда Агабеков билан Тригулов менинг номимдан айтиб туришиб, Филимоновга Ежов номига ариза ёздиришди. Мана шу аризада гўё мен аксилинқилобий ташкилотга аъзо эканимни кўрсатган эдим...»³

1937 йил 3 октябрда бўлиб ўтган «биринчи» сўроқ ҳам худди шундай сценарий асосида олиб борилди. Фақат бу сафар маҳбусни Филимонов эмас, балки Ўзбекистон НКВДсининг қайси бир вилоят шўйбасидан «ёрдам»га чақирилган Врежевский олиб борди:

хўйида Қурбон Берегиннинг тақдирини ҳал қилган 17 варажлик ана шу сўроқ баённомасинининг бир қисминигина келтирамиз:

САВОЛ. Сиз аксилинқилобий миллатчилик ташкилотининг аъзосиз. Сизни аксилинқилобий ташкилотга қачон, ким ва қандай шароитда ёллагани ҳақида кўргазма беринг.

ЖАВОБ. Мен тергов олдида ҳамма гапни ошкор қилишта аҳд қўлдим. Мен ўзимнинг «Миллий истиқбол» аксилиниқилюбий миллатчилик ташкилотида советларга қарши олиб борган ишм тўғрисида ҳаққоний кўргазма бераман.

Мен 1931 йилдан, яъни Усмонов⁴ билан танишган вақтимдан бери миллатчилик шиларини олиб бораман.

Биз хизмат юзасидан бўлган доимий мулоқотларимиз туфайли Усмонов билан яқинлашим қолганмиз, бир-биримизнинг уйимизга тез-тез борар, учинчى бир шахснинг уйида меҳмон бўлганимизда ҳам учрашиб турар эдик. Усмонов буржуа миллатчи ёзувчиларнинг асарлари босилмай қўйганидан норози эканини айтар, мен унинг сўзларига қўшилар эдим ва шу тарзда у секин-аста мени миллатчилик руҳида тарбиялай бошлаган. Мен миллатчилар орасида мунтазам равишда бўлар эканман, бу миллатчилар ўздавнашр ходимлари мухитидан бўладими ёки асосан ёзувчилар мухитиданми, ундан қатъий назар, ўзим аксилиниқилюбий миллатчилик таъсирига тушиб бордим ва бу нарса менинг ўздавнашр аппаратини аксилиниқилюбчи миллатчи унсурлар билан бўлғашда, совет ёзувчилари асарларини нашр этиши соҳасида ўздавнашр шилаб чиқарши режаларини бажармасликда ўз ифодасини топди.

1933 йил сентябррида ўздавнашр ҳайъатига, менинг ҳузуримга Усмонов Мўмин кириб келган. У менинг кабинетимга кириб, Файзулла Хўжаев билан бирга хизмат сафарида бўлганида Файзула Хўжаевнинг у билан, яъни Усмонов билан ўздавнашр ҳақида, хусусан, мен, яъни Берегин ҳақида узоқ сұхбат қилган. Усмоновнинг айтишича, Файзулла Хўжаев ўздавнашрнинг иши тўғрисида салбий фикрда бўлган. У шунга асосланиб, менинг ўздавнашрдаги ишм мен, яъни Берегин учун ёмон оқибатларни келтириб чиқариши мумкин. Шунинг учун у, яъни Усмонов мени қутқариш учун ЎзКП(б) марказқўмiga ишга ўтказиш ҳақида Икромов билан гаплашмоқчи бўлганини айтди. Унинг айтишича, мен у ерда доимий ҳимоя остида бўлишпим мумкин.

Усмоновнинг Икромов билан олиб борган музокаралари натижасида мен 1933 йилнинг ноябрь ойида ЎзКП(б) МҚ, маданий-оқартив инструктори сифатида ишга ўтдим. Бу ҳол менинг ўздавнашрдаги ишпимда рўй беражак кўнгилсизликлардан сақлаб қолди.

Шу вақтдан бошлаб Усмонов мени фаолроқ таъсир доирасига ола бошлади. У энди менга аксилиниқилюбий миллатчилик кайфиятини очикроқ айтадиган, мен эсам ҳар доим унинг фикрларига қўшиладиган бўлдик.

1934 йилнинг январь ёки февраль ойларида менинг ЎзКП(б)

МҚсидаги хизмат хонамга Усмонов кириб келди ва мен билан сұхбатда у, яynи Усмонов билан Икромов мени ўзларининг одами деб ҳисобланшарини айтди ва гап орасида Икромовнинг ҳам, Усмоновнинг ҳам барча талабарини бажаришп кераклігитини қыстириб ўтди.

Шундан кейин 1934 йилнинг декабрь ойида, кечікүруң Усмонов менинг МҚдаги хонамда бўлганида, ВКП(б) сафларини тозалаш бўйича Ўрта Осиё комиссияси раиси Петерснинг Усмонов боши мухаррири бўлган «Ленинизм масалалари» китобининг ўзбек тилига қилингган таржимаси ҳақидаги танқидий мақоласи масаласида сўзлаб, бу танқиддан норози эканлигини айтди, Петерснинг ўзбек тилининг ўзига хос хусусиятларини тушунмасликда айблаб, бундай камчиликларнинг бўлиши муқаррар, деб ҳисоблади... Мен унинг сўзларига қўшилдим. Шундан кейин Усмонов сұхбатни менинг таҳририм остида босилиб чиққан »Русча-ўзбекча лугат»га кўчирди. Бу лугат ҳам Петерснинг қаттиқ танқидига учраган эди. Усмонов лугатда ҳеч қандай камчилик йўқ, деб айтди.

Усмонов менинг Петерс томонидан қилингган танқидга нисбатан бошқача фикрда эканлигимни, унга бутунлай қўшилганимни кўриб, сұхбатни ўзбекистондаги аксилинқилобий миллатчилик ҳаракати мавзусига бурди ва бир замонлар мавжуд бўлган »Миллий иттиҳод» аксилинқилобий-миллатчилик ташкилоти ҳақида гапириб кетди. У айтдики, »Миллий иттиҳод» аксилинқилобий ташкилот сифатида расман тутгатилган ҳисобланади. Аммо Усмонов ва бошқалар 1930 йилда »Миллий иттиҳод» заминида янги аксилинқилобий-миллатчилик ташкилотини шакллантириб, уни »Миллий истиқбол» деб атаганлар ва бу ташкилот аслида »Миллий иттиҳод»нинг айнан ўзи бўлиб, фақат номигина ўзгарған, холос.

САВОЛ. »Миллий истиқбол» аксилинқилобий-миллатчилик ташкилотининг қандай мақсад ва амалий вазифалари бўлганини айтиб беринг.

ЖАВОБ. Усмонов менга аксилинқилобий »Миллий истиқбол» ташкилотининг асосий мақсади Совет Йиттифоқидан мустақил бўлган буржуа миллатчилик руҳидаги ўзбекистонни барпо этиш, деган эди.

Менинг бу ташкилот кимлардан иборат эканлиги ҳақидағи саволимга Усмонов ташкилот масъул партия ва совет лавозимларида иштайдиган шахслардан иборат, деб тўгри жавоб беришдан қочди. Шундан кейин Усмонов менга ташкилотнинг Англияга орқа қилаёттани, вақт келганда ундан ёрдам олишини, фашистлашган мамлакатлар Совет Йиттифоқига қарши уруши бошланганида аксилинқилобий ташкилотнинг қўзғолон кўтариш учун ҳозир куч йигаётпанилгитини айтди. У уруш ўзбекистонни ажратиб олиш учун энг қулагай шароит, деб ҳисобларди.

Усмонов менга ташкилотнинг қўйидаги йўналишларда фаол иш олиб бораётганлигини айтди:

1. Ўзбекистоннинг партия ва совет аппаратида аксиликобий кайфиятдаги эски миллатчи зиёлиларни сақлаш.

2. Ўқув юрглари ва аҳоли ўртасида миллатчилик гояларини тарғиб қилиш, аксиликобий миллатчиликни сингдиришида клублар, театрлар, Совет ёзувчилари уюшмаси ва бошқа маданий-оқартув мусассасаларидан фойдаланиши.

3. Ўзбекистон аҳолисининг кенг оммаси ўртасида газаб ва нафрат уйғотиш мақсадида партия ва Совет ҳокимияти сиёсатини бузиб кўрсатиш.

САВОЛ. Сиз аксиликобий «Миллий иттиҳод» ташкилотига киришга рози бўлдингизми?

ЖАВОБ. *Ха, мен «Миллий истиқлол» аксиликобий ташкилотига киришга розилик бердим. Аммо Усмонов аксиликобий ташкилотнинг борлиги тўғрисида гапирган куни эмас, орадан бир неча кун, таҳминан 10 кун ўтганидан кейин. Унинг ўзи менга ўйлашим учун муҳлат берган. Усмонов аксиликобий ташкилотга киришга ўша заҳотиёқ розилик бершишмни талаб қўймаган. У менга фавқулодда кучли таъсир кўрсатгани учун менинг барибир розилик бершишмга ишонар эди. Мен ташкилотга киришга розилик бермагунимча Усмонов, билишимчча, эҳтиёт юзасидан ташкилот аҳзоларидан бирор тасининг исм-шарифини айтмаган.*

Шундай қилиб, аксиликобий ташкилотнинг мавжудлиги ҳақида Усмонов билан бўлган сұхбатдан кейин ўн кун ўтгач, у билан телефон орқали келишувга кўра, Совет ёзувчилари уюшмасига бориб, Усмонов билан учрашим. Усмонов менга аксиликобий ташкилотнинг мавжудлиги борасида мен билан қилган сұхбатидан Икромовнинг хабардор эканлигини айтди. Мен бунга шубҳа қилдим, аммо Усмонов ўзи айтган гаплардан Икромовнинг хабардор эканлигини яна бир бор айтиб, мени ишонтируди. Усмоновнинг бу ишонтиарли гапидан кейин мен ташкилотга киришга розилик бердим.

Усмонов ташкилот олдида, хусусан, янги аъзо сифатида менинг олдимда турган кундалик амалий вазифаларни тушунтириб, шу кечакундуздаги асосий амалий вазифа маҳаллий зиёлилар ўртасида, айникса, адабий доираларда ва Маориф халқ комиссарлиги йўналишида миллатчилик ишларини кучайтириш; буржуа-миллатчи ёзувчиларнинг жадидизмни кўкка кўтарган, миллатчиликни тарғиб қилган асарларини нашр қилиш ва қайта нашр қилиш йўли билан миллатчилик гоялари ва буржуа-демократик давлат тузумини тарғиб ва ташвиқ қилишида ўзбек адабиётидан фойдаланиши эканлигини айтди.

Шу мақсадга эришиш учун Мажидий раҳбарлик қилаёттган Совет ёзувчилари уюшмаси атрофида миллатчилик кайфиятидаги кучлар тўпланиши лозим. Мен ЎзКП(б) МҚ ва мазкур ташкилотнинг аъзо-си сифатида Мажидий билан бирга бу вазифанинг амалга ошишини таъминлашшим зарур. Аксилинқилюй заараркунҷалик ишининг Маориғ халқ, комиссарлиги йўли билан амалга оширишнинг таъминлашишини эса у ўз зиммасига олди.

Хошимов Отажондек эски аксилинқилюбчи-миллатчи бу иши Тил ва адабиёт институти йўналишида олиб борадиган бўлди. Усмоновнинг айтишича, бизга фойдали кишиларни совет матбуотида «Қизил Ўзбекистон» газетаси муҳаррири Ҳасанов Муҳаммад оммалаштиради, деб айтди.

Менинг ташкилотга аъзо бўлиб киришга рози, Усмоновнинг олдимга қўйган вазифаларни эса бажаришга тайёр эканлигимга амин бўлган Усмоновнинг огоҳлантиришига кўра, мен фақат у билан алоқада бўлишим, фақат уни танишиш, Мажидий, Хошимиов ва Ҳасанов билан мулоқотда уларнинг ташкилотга алоқадорлигини билишим ҳақида гуллаб қўймаслигим керак эди. Кейинги иш бўйича топшириқларни мен ундан, Усмоновдан олишиш, аммо зарурат талаби билан жиҳдий масалаларда Икромов билан алоқа боғлаш ҳуқуқига эга эдим. Бироқ ўшандада ҳам у, яъни Усмонов орқали...»¹

Мазкур сўроқ баённомаси билан танишиш шундан далолат берадики, у илк сўроқ баённомаси эмас, ундан аввал бўлган сўроқ ёки сўроқлар пайтида Курбон Берегин терговчига у талаб қилган сохта маълумотларни бермаган. Ниҳоят, НКВД шафқатсиз ходимларининг жисмоний хатти-ҳаракатларидан кейин, 1930 йил арафасида тарқалиб кетган ва, бинобарин, ўзи аъзо бўлиши мумкин бўлмаган «Миллий истиқбол» ташкилотига гўё кирганлиги ҳақида Врежевский ёки Ширинкин томонидан тузилган ушбу сўроқ қайдномасига имзо қўйишга мажбур бўлган.

Курбон Берегин шу куни Давлат хавфсизлиги бошқармаси 4-бўлими 2-бўлинмасининг бошлиғи, Давлат хавфсизлиги катта лейтенанти Врежевский ва 4-бўлим шошилинч ишлар бўйича вакили Давлат хавфсизлиги кичик лейтенанти Ширинкин томонидан сўроқ қилинган. Биз бу сўроқ баённомасидан Курбон Берегиннинг қамоқقا олинган таниqli кишилар – Абдулҳамид Мажидий билан Ёзувчилар уюшмасида ҳамкорлик қилгани, Отажон Хошимни Тил ва адабиёт институтидаги, Муҳаммад Ҳасановни эса «Қизил Ўзбекистон» газетаси таҳририятидаги иши орқали билгани ва улар билан ҳамнафас бўлганлигидан хабар топамиз. Терговчилар, бундан ташқари,

Анқабой Худойбаҳтовнинг унинг тавсияси билан радиокўмитага раис этиб тайинланганини, Абдулла Қодирий ва Элбек сингари «миллатчилар»нинг Қурбон Берегин ва А.Мажидийнинг саъи-ҳаракатлари билан Ёзувчилар уюшмасига аъзо бўлиб сайланганларини, Чўлпоннинг «Кеча ва кундуз», Абдулла Қодирийнинг «Ўтган кунлар», «Мехробдан чаён», «Обид кетман» қисса ва романлари ҳамда Элбекнинг «Тозагул» достонининг унинг кўмагида нашр қилинганини, »Рустам», «Тор-мор», «Фунчалар» пьесаларининг эса унинг маслаҳати билан саҳна юзини кўрганини «фош этиб», уни шу масалаларда ҳам айблайдилар.

Курбон Берегиннинг «жиноий-архив иши»да бошқа бирорта ҳам сўроқ баённомаси йўқ.

НҚВДда жорий этилган тартибга кўра, бирор кишини қамоқقا олишдан аввал унга қарши ашёвий далиллар, унинг турли жойларда аксилинқиlobий йўналишда ёки совет хукумати раҳбарлари шаънига айтган ножёя гап-сўzlari тўшланиб борилган. Қурбон Берегиннинг «иши»да бундай материаллар мутглақо учрамайди. Умуман, Қурбон Берегиннинг ҳаёти ва фаолиятидан НҚВДнинг назарига илинувчи бирор ҳатти-ҳаракат у ёқда турсин, ҳатто бирор гап-сўзни ҳам топиш мумкин эмас. У совет давлатига астойдил ишонган ва шу давлатта сидқидилдан хизмат қилган кишилар қавмидан бўлган. Назаримда, НҚВДнинг уни ва унга ўхшаш давлат ва партия ходимларини қамоқقا олишдан кузатган мақсади Акмал Икромов ва Файзула Хўжаевнинг таъсир доирасида бўлган барча кишиларни йўқ қилиб ташлаш ва ўзбекистонда «миллий иттиҳод» ва «миллий истикъол» сўзларини ҳатто эшитмаган янги, манқуртлашган авлодларни тарбиялаш эди.

Агар яна Қурбон Берегиннинг қамалиш масаласига келсак, маълум бўлишича, НҚВД ходимлари ихтиёридаги унга қарши мавжуд маълумотлар у қамоқقا олингандан кейингина қўлга киритилган. Ва бу маълумотлар унинг баҳтсиз тақдирдошларини қийнаш йўли билан олинган. 1937 йилнинг август-сентябрь ойларида қамоққа олинганлардан А.А.Цехер 15 сентябрда, М.Шермуҳамедов 21 сентябрда, С.Л.Кучабо 27 сентябрда, А.Гимадиев 28 сентябрда, А.Каримов 30 сентябрда, М.Усмонов, ҳ.Сорокин, М.Ҳасанов, Д.И.Манжаралар эса 7-8 сентябрда бўлган терговларда ўзбекистонда фаолият кўрсатган аксилинқиlobий ташкилотнинг аъзолари қаторида унинг ҳам номини тилга олганлар. Тушунарлики, улар ҳам НҚВД ходимларининг қаттиқ жисмоний тазииклари остида ўзларига ҳам, бошқаларга ҳам тұхмат қилишпга мажбур бўлганлар.

Хуллас, 1937 йил 3 декабрда Курбон Берегинни шундай қалбаки кўргазмаларга «асосланиб», яна бир қўшимча модда билан айблаш ҳақида қарор тузилади. Маҳбусга қўйилган Ўзбекистон ССР Жиноят Кодекси 57-моддасининг 1-қисмида кўзда тутилган шу айбга қўра, у энди тўё ўзбекистонни хорижий давлат ёрдамида қўзғолон кўтариш йўли билан СССРдан ажратиб олишга уринган эди.

Курбон Берегинга тұхматдан иборат бу айбнинг қўйилиши, бизнингча, унинг аввалги тергов пайтида тан олишга мажбур бўлган айблардан тонишидир. Шундан кейин терговчилар ўзларининг совет давлати берган фавқулодда катта ваколатга эга эканликларини кўрсатиш мақсадида шундай даҳшатли жиноятни ўйлаб топганлар.

Аммо ҳозирча бу даҳшатли жиноятни Ўзбекистон НКВДси бошлигининг розилигисиз маҳбусга расмий хужжат сифатида кўрсатиш ва ундан имзо қўйдириб олиш осон эмас эди. Шунинг учун ҳам орадан ўн беш кун ўтгач, 1937 йил 18 сентябрда терговчи ярим кечада маҳбусни чақиртириб, унга бояги бирор ҳукукий асосга эга бўлмаган қарорни беради ва бу қарор билан танишиб, имзо чекишини талаоб қиласди. З октябрдан 18 декабргача калтакланавериб, тинкаси қуриган маҳбус қарор тагига: «қарор менга берилди. Ўзимни асан айбдор ҳисоблайман», деб ёзади-да, имзо чекади.

Бу ўлими ҳисобига НКВД дўзаҳидан кутулишга уринган маҳбуснинг сўнгти эътирофи эди.

Аммо агар сезган бўлсангиз, у ўзига қўйилган айбни *асосан* эътироф этмоқда. Демак, у *факат* бир нарсани – аксилинқилобий ташкилотнинг аъзоси сифатида ўзбекистонни СССРдан чет эл ёрдамида қўзғолон кўтариш йўли билан ажратиб олиш тўғрисидаги айбни тан олмаган. Аммо тергов учун бунинг аҳамияти йўқ. У ўзига қўйилган айбларни *асосан* тан олдими, шунинг ўзи етарли. Агар мабодо тан олмаса ҳам, бунинг заррача аҳамияти йўқ.

Хуллас, шу куни терговчи Врежевский бичиб тўқиган ва маҳбус имзо чеккан қарорга қўра, Курбон Берегинга у: «...Ўзбекистондаги аксилинқилобий ташкилотнинг аъзоси бўлиб, ташкилотнинг аксилинқилобий зааркунандалик тошириқларини бажарди, аксилинқилобчи миллатчи унсурларни тўплади, аксилинқилобчи миллатчи ёзувчиларнинг советларга қарши асарларини босиб чиқарди, танқидни ва аксилинқилобчи миллатчилар фаолиятини фош қилишга қаратилган ҳар қандай уринишни бўғиб келди, радио, адабиёт, кино соҳаларида ва маданий-оқартув ишларида аксилинқилобий зааркунандачилик ишларини олиб борди, бу соҳаларнинг аксилинқилобий ташкилотта хизмат қилишига эришди», деган ва ЎзССР ЖКнинг

57, 1 қисми, 63, 66, П қисми ва 67-моддаларида кўзда тутилган айблар қўйилган ҳамда маҳбусни ЎзССР НКВДсининг ички қамоқ-хонасида сақлашда давом этиш лозим, деб белгилан эди.

Шу билан 1937 йилда қамоққа олинган Курбон Берегин ва бошқа маҳбуслар устидан олиб бори/лан тергов ишлари тугади.

Аммо СССР НКВДси жойларда тергов ишлари тутаган маҳбуслар устидан бўлажак суд жараёнининг қачон ва қандай ўтказилиши масаласини узоқ вақтгача ҳал қилила олмади. Сталин тузган режага кўра, бу суд жараёни совет халқида «халқ душманлари»га газаб ва нафрат, совет давлатига, партияга, Сталинга эса садоқат ва муҳаббат туйғуларининг аланга олишига хизмат қилиши лозим эди. Шунинг учун ҳам улар қамоққа олинган, сўнгра улар устидан суд жараёнлари бошланган кунларда собиқ совет мамлакати бўйлаб кўплаб корхона ва муассасаларда уларни лаънатловчи жазавали намойишлар, митинглар, матбуот ва радиода эса улар устига маломат тошларини ёғди-рувчи чиқишилар авж олдирилди.

Ниҳоят, 1938 йилнинг баҳори келиб, НКВДнинг республика ва вилоят бўлимларида тергов ишларининг иккинчи босқичи бошланди.

1938 йил 10 октябрда Курбон Берегин ўзбек халқининг ифтихори, буюк адаб Абдулла Қодирий билан юзлаштирилади.

Бу кўнгилсиз жараён, терговчининг талқинига кўра, қуидагида кечган:

Айбланувчилар Берегин Курбон билан Абдулла Қодирийни ўзаро юзлаштирув баённомаси

»__» марта бўлиб ўтган.

Айбланувчилар юзлаштириш пайтида бир-бирларини таниганликларини англатганиларидан сўнг иш юзасидан берилган саволларга қуидаги кўргазмани бердилар.

БЕРЕГИНГА САВОЛ. Айтинг-чи, ўзбекистонда Икромов раҳбарлигига фаолият кўрсатган аксилиниқилобий миллатчилик ташкилотига аъзо бўлганлигинги ҳақидаги аввал берган кўргазмангизни тасдиқлайсизми?

БЕРЕГИННИНГ ЖАВОБИ. Ҳа, тўла тасдиқлайман. Мен чиндан ҳам Акмал Икромов раҳбарлик қўлган аксилиниқилобий миллатчилик ташкилотининг аъзоси бўлганман. Биз ўзбекистонни СССРдан ажратиб олиш, Совет ҳокимиётини қурол ёрдамида ағдариб ташлаш ва ўзбекистонда мустақил буржуя давлатини тиклашга ҳаракат қўлганмиз.

Хусусан, менинг аксиликүлөбий ишім ҳам ана шу мақсадға қаратылған әдіки, мен бу ишімни мазкур ташкилоттің аъзоси сифатыда олиб борғанман. Мен адабиёт соҳасидаги аксиликүлөбий миллатчилик ишімнинг аниқ фактлари ҳақида ўз күргазмаларимда баён қылғанман.

БЕРЕГИНГА САВОЛ. Ҳаршингиздә ўтирган Абдулла Қодирийни яхши биласизми?

БЕРЕГИННИНГ ЖАВОБИ. Менинг қаршымда ёзувчи Абдулла ҳоидирий ўтирибди. Унинг адабий тахаллуси «Жулқунбой». Мен уни адабиётдеги буржуа миллатчилик оқимининг намояндаси сифатыда биламан. У советларга қарши миллатчилик руҳида йирик асарлар ёзған ва шу тарзда ташкилоттимизнинг миллий кадрлар тайёрлаша ишида ёрдам берған. Абдулла Қодирийнинг ўзи ҳеч қачон миллатчиликдан воз кечмаган.

АБДУЛЛА ҚОДИРИЙГА САВОЛ. Сиз айбланувчи Берегин күргазмасининг шу қисмини тасдиқлайсизми?

АБДУЛЛА ҚОДИРИЙНИНГ ЖАВОБИ. Ҳа, тасдиқлайман.

БЕРЕГИНГА САВОЛ. Айтинг-чи, айбланувчи Абдулла Қодирий сизларнинг советларга қарши миллатчилик ташкилотингизга аъзо бўлганми?

БЕРЕГИННИНГ ЖАВОБИ. Ҳа, Абдулла Қодирий Акмал Икромов билан Файзулла Хўжаев раҳбарлик қылган бизнинг советларга қарши миллатчилик ташкилоттимизга аъзо бўлган.

АБДУЛЛА ҚОДИРИЙГА САВОЛ. Айбланувчи Қодирий, сиз шуну тан оласизми?

АБДУЛЛА ҚОДИРИЙНИНГ ЖАВОБИ. Берегин күргазмасининг бу қисмини инкор қиласман. Мен аксиликүлөбий миллатчилик ташкилотига аъзо бўлмаганман.

БЕРЕГИНГА САВОЛ. Айбланувчи Абдулла Қодирий күргазмангизни инкор қиласяпти. Айтинг-чи, Абдулла Қодирий аксиликүлөбий миллатчилик ташкилотига аъзо бўлганлигини тасдиқлайдиган аниқ даилил келтиришингиз мумкинми?

БЕРЕГИННИНГ ЖАВОБИ. 1932 йили Файзулла Хўжаев шахсан менга Абдулла Қодирий билан унинг советларга қарши миллатчилик руҳидаги асарларини қайта нашр этиши масаласида маслаҳатлашиб кўриши ишини топширган эди. Хусусан, Файзулла Хўжаев унинг «Ўтган кунлар» романни ҳақида гапирған. Сўнгра Абдулла Қодирий билан келишиб, унинг асарларини қайта нашр этиб, чет элга жўнатип вазифасини юклаган. Файзулла Хўжаевнинг ташкилоттимизга аъзо бўлмаган киши хузурига одам юбориши мумкин эмас.

Икромов Акмал ҳам Абдулла Қодирийни ўзининг одами сифатида асрар кераклиги ҳақида кўргазма берган. Унинг Икромов Акмалнинг одами эканлиги ҳақида менга ташкилот аъзоси Усмонов Мўмин айтган. Мен у билан бирга Абдулла Қодирийга ҳар қандай шартшароитларни яратиб берганимиз., жумладан, биз уни Совет Ёзувчилари уюшмасига аъзо қилиб ўтказганимиз.

Бундан ташқари, Абдулла Қодирийнинг ижодий иши (унинг «Ўтган кунлар», «Мехробдан чаён», «Обид кетмон» романлари) советларга қарши қаратилган эди.

АБДУЛЛА ҚОДИРИЙГА САВОЛ. Айтинг-чи, Икромов Акмал билан файзула Хўжаев раҳбарлик қилган аксилинқилобий-миллатчилик ташкилотига аъзо бўлганлигинизни яна инкор қилишда давом этасизми?

АБДУЛЛА ҚОДИРИЙНИНГ ЖАВОБИ. Мен бир нарсани тасдиқлайман, бу – менинг аксилинқилобий миллатчилик ташкилотига аъзо бўлмаганлигим.

Баённомада бизнинг сўзларимиз тўғри ёзилган, ўқидик.

Берегиннинг имзоси.

Абдулла Қодирийнинг имзоси.

Сўроқ қилувчилар: УГБ 4-бўлими бошлиғи ёрдамчиси д/х лейтенанти Тригулов.

4-бўлим шошилинч ишлар бўйича вакили д/х сержанти (сержантнинг фамилияси ёзилмаган, имзоси қўйилмаган).

М.Берегин билан Абдулла Қодирийнинг ўзаро юзлаштирилиши ҳақидаги баённома билан танишган ҳар бир кипи юзлаштиришдан мақсад тақдири аллақачон ҳал бўлган М.Берегинни эмас, балки Абдулла Қодирийни аксилинқилобий ташкилотта аъзо бўлганликда айблаш бўлганини яхши тушунади ва улуф адабнинг НКВД ходимлари олдида ўзини муносиб тутганини кўриб, ифтихор ҳиссига тўлади.

М.Берегинга келсақ, у 1938 йил мартаиде синган иродасини тиклаб ололмаган, раҳм-шафқат туйгуларини батамом унугтган терговчилар эса унга бундай имкониятни бермаган эдилар.

Мазкур юзлаштиришдан кейин 1938 йил 30 сентябрга қадар бўлган вақтда Курбон Берегиннинг маҳбуслик ҳаётида яна қандай мудҳиши воқеалар рўй берди, у, айрим маҳбуслар сингари, содир бўлаётган ноҳақлик ва адолатсизликлар ҳақида шикоят қилдими, ўзининг со-

вет давлати ва коммунистлар партиясига ҳалол хизмат қилиб келганини айтиб, Москвага ариза ёздими ёки очлик эълон қилдими, - унинг жиноий-архив ишида бу масалаларни ёритиши мумкин бўлган бирорта хужжат сақданиб қолмаган.

Орадан олти ой ўтгач, 1937 йилнинг 30 сентябрида Қурбон Берегин М.Усмонов билан юзлаштирилади. Биз қуйидаги хужжат орқали бу жараённинг қандай кечгани билан танишишимиз мумкин:

Айбланувчилар Усмонов Мўмин билан Берегин Қурбоннинг ўзаро юзлаштириш баённомаси

1938 йил 30 сентябрда бўлиб ўтган.

Айбланувчилар юзлаштириш пайтида бир-бирларини таниганликларини англатганларидан сўнг иш юзасидан берилган саволларга қуйидаги кўргазмани бердилар.

УСМОНОВГА САВОЛ. Айтингчи, қаршингизда ўтирган айбланувчи Берегин Қурбонни қаердан биласиз?

УСМОНОВНИНГ ЖАВОБИ. Берегин Қурбонни бизнинг аксилиқилобий миллатчилик ташкилотнинг қатнашчиларидан бири сифатида биламан, ўзим ҳам шу ташкилотнинг аъзоларидан бириман.

БЕРЕГИНГА САВОЛ. Усмоновнинг аксилиқилобий миллатчилик ташкилотида иштирок этганингиз тўғрисидаги кўргазмасини тан оласизми?

БЕРЕГИННИНГ ЖАВОБИ. Йўқ, тан олмайман. Усмонов бу ҳақда бирор далилсиз гапирайти. У мени қаердан ва қандай билишини сўзлаб берсин.

УСМОНОВГА САВОЛ. Берегиннинг ўзбекистонда мвжуд бўлган аксилиқилобий-миллатчилик ташкилотида иштирок этганини қаердан билишингиз ҳақида кўргазма беринг.

УСМОНОВНИНГ ЖАВОБИ. Берегиннинг аксилиқилобий- миллатчилик ташкилотида иштирок этгани менга шахсан Акмал Икромовнинг сўзларидан маълум. Берегин 1930 йилда ўздавнашр йўналишида ишлаганида, дарсликларни яратиш бўйича зааркунадалик ишларига раҳбарлик қилган. Мен ЎЗКП(б) Мҳ қошидаги маданий-оқартув бўлимининг ходими Берегин билан тез-тез учрашиб, унинг зааркунадалик ишлари билан шахсан тўқнашиб туришимга тўғри келган. Шу зааркунадалик иши муносабати билан Берегинни партиядан ўчириши масаласи қўзгатилган ва шу масала юзасидан Икромов

билин сұхбатлашпанимда, у Берегинни партияда қолдириши масаласыда ижобий фикр билдирган ва шу аснода Берегиннинг аксилиңқилюбий-миллатчилик ташкилотимизнинг аъзоси эканлигини ва уни шахсан ўзи ёллаганлигини айтган. Ва менга уни амалий аксилиңқилюбий ишга жалб этишни буюрган эдики, мен шу нарсани бажарғанман.

БЕРЕГИНГА САВОЛ. Сиз аксилиңқилюбий-миллатчилик ташкилотида қатнашғанлигингизни қайтарлык билан инкор этишида да-вом қылаверасизми?

БЕРЕГИННИНГ ЖАВОБИ. Мен аксилиңқилюбий-миллатчилик ташкилотида иштирок этганлигимни инкор қиласман, чунки мен унинг аъзоси бўлмаганман.

БЕРЕГИНГА САВОЛ. Сиз тергов пайтида аксилиңқилюбий ташкилотда иштирок этганлигингиз ҳақида кўргазма бериб, ўзингизнинг аксилиңқилюбий зааркунданалик ишларингиз ҳақида муфассал сўзлб бергансиз. Сиз шу кўргазмангизни тасдиқлайсизми?

БЕРЕГИННИНГ ЖАВОБИ. *Ҳа, мен кўргазма берганман, аммо ундан воз кечганман.*

Сўроқ қилувчилар:

УТБ 4-бўлим бўлинмаси бошлиғи Врежевский.

4-бўлим бошлиғининг ёрдамчиси д/х лейтенанти Тригулов.

Агар биринчи юзлаштириш пайтида Абдулла Қодирий ўзини мардона тутган, Берегин эса бутун эрк-иродасини терговчилар ихтиёрига топшириб кўйган ва иродасиз маҳбус ўлароқ гавдаланган бўлса, бу иккинчи юзлаштиришда ўша манзаранинг тамомила аксини кўрамиз. Энди ўзини йигиб олган, терговчиларнинг юзлаштиришдан кейин кўрсатажак барча «каромат»ларига дош бера олувчи маҳбус сифатида тутади. Демак, биринчи юзлаштириш унга катта сабоқ бўлган, у улуғ адиднинг ҳатто НКВДнинг тошорак терговчилари-ю назоратчилари олдида ҳам буюк инсон бўлиб қолганини кўрган, унинг ўзини мардона тутишидан ибрат олган. У ўзини, ўзидағи кўркөкликни матонат билан енгтан.

Курбон Берегиннинг галабаси билан якунланган мазкур ўзаро юзлаштиришдан кейин, кўп ўтмай, 3 октябрда терговчи Нурми Тригулов маҳбусни собиқ ички савдо халқ комиссари Мухиддин Турсунхўжаев билан юзлаштиради. Юзлаштириш қуидагича кечади:

Айбланувчилар Турсунхўжаев Муҳиддин билан Берегин Курбонни ўзаро юзлаштириш баённомаси

1938 йил 3 октябрда бўлиб ўтган.

Айбланувчилар юзлаштириши пайтида бир-бирларини таниганликларини англатганларидан сўнг иш юзасидан берилган саволларга қўйидаги кўргазмани бердилар.

ТУРСУНХЎЖАЕВГА САВОЛ. Айтинг-чи, юзлаштирилаётган айбланувчи Берегин Курбонни қаердан биласиз?

ТУРСУНХЎЖАЕВНИНГ ЖАВОБИ. Берегин Курбон аксилинқи-лобий-миллатчилик ташкилотимизнинг қатнашчиси бўлади. Бу ташкилотга «Миллий иттиҳод» марказий кўмитасиининг сабиқ аъзоси, Хоразмдаги аксилинқи-лобий-миллатчилик ҳаракатининг фаол раҳбари Бекжон Раҳмонов томонидан жалб қилинган. Менга бу ҳақда Бекжон Раҳмоновнинг ўзи айтиб берган. У Берегинни келажакда жасур инқилюбчи бўлажаги ҳақида ғоят юқори фикрда эди.

Берегин Курбон Икромовга яқин бўлган, унинг ёрдами билан хизмат пилланоясидан кўтарилган. Бундан ташқари, Берегин Курбон аксилинқи-лобий ташкилотимизнинг кўзга кўринган қатнашчиси Воис Раҳимиининг яқин дўсти бўлиб, Берегин уни партия аъзолари ўртасида ўтказилган сўнгти тозалаш пайтида роса ҳимоя қилган.

БЕРЕГИНГА САВОЛ. Сиз буни тасдиқлайсизми?

БЕРЕГИННИНГ ЖАВОБИ. Йўқ, тасдиқламайман. Аксилинқи-лобий ташкилот аъзоси бўлмаганман, аксилинқи-лобий иш олиб бормаганман. Турсунхўжаев ҳозир ёлғон гапиряпти.

ТУРСУНХЎЖАЕВГА САВОЛ. Берегиннинг аксилинқи-лобий ташкилотнинг аъзоси бўлганлиги ҳақидаги кўргазмангизда қатъий тура-сизми?

ТУРСУНХЎЖАЕВНИНГ ЖАВОБИ. Ҳа, тасдиқлайман ва қатъий турман.

Сўроқ қилувчи:

УТБ 4-бўлими бошлигининг ёрдамчиси Трифулов.

Курбон Берегин тергов жараёнининг сўнгти босқичига келиб, қонхўр терговчилардан кўрқмайдиган, ўлимга ҳам тик қарай оладиган, ҳалол хизмат қилгани, ишонгани, сифингани совет давлати ва коммунистлар партиясининг асл моҳиятини тушунган киши бўлиб ултурган эди.

У ана шундай етук киши сифатида СССР Олий Суди ҳарбий Коллегиясининг сайёр сессиясини кутиб олади.

1938 йил 3 октябрда Тошкентда СССР Олий Суди ҳарбий Коллегияси сайёр сессиясининг СССР прокурори ёрдамчиси Шульц-Анн раислигидага ўтказилган тайёргарлик мажлисида маҳбус Берегин Курбонни судга бериш ҳақида қарор қилинди. Шу куннинг эртасига, 1938 йил 4 октябрда, СССР Олий Суди ҳарбий коллегияси сайёр сессиясининг бригада ҳарбий юристи Алексеев раислигидага суд мажлиси бўлиб ўтди. Тунги соат 12 дан 40 дақиқа ўтганида, маҳбус Берегин Курбон суд мажлисига чақирилди. Берегин Курбоннинг жиной иши бўйича берилган ахборотда маҳбуснинг «айбдор эканлигини тан олмай, дастлабки тергов пайтида берган кўргазмаларидан воз кечганлиги, ўзида ҳеч қачон аксилинишибий миллатчилик эътиқоди бўлмаганлиги, советларга қарши ташкилотга аззо бўлмаганлигини айтмаётгани» қайд этилди. Каримов, Шермуҳамедов, Қодирий, Цехер, Усмонов, Кучабо, Ҳасановнинг қийиноқ остида берган кўргазмалиридан парчалар ўқилди. Шундан кейин айланувчига сўз берилач, у: «Булар ҳаммаси — қип-қизил тухмат», деди ва номлари тилга олинган шахсларнинг унга исга бундай кўргазма берганликлари сабабини изоҳлай олмаслигини айтди.

Суд мажлисининг баённомасида маҳбус Берегин Курбоннинг бошқа айттан сўзлари қайд этилмаган. Тунги соат 1 дан 5 дақиқа ўтганида, маҳбус Берегин Курбонга олий жазо бериш ва унга шахсан тегишли бўлган мол-мулкни мусодара қилиш ҳақидаги хукм эълон қилинди.

Курбон Берегин шу куни ўлим жазосига хукм қилинган бошқа ўнлааб сафдошлари билан бирга Тошкент шаҳрининг Юнусобод туманидаги маҳсус объект – НКВД қатлгоҳида отиб ташланди ва ўша ерга яширип равишда дағн қилинди.

ҚАТЛДАН СЎНГ

1937-1938 йиллардаги қатағон денгизи ўзбекистондан ўн минглаб бегуноҳ кишиларни ўзининг қонли гирдобига тортди. Сталин ва у раҳбарлик қилган совет давлат тузуми собиқ СССР ҳудудларида кўпинча халқ ва мамлакат манфаатларига зид бўлган, инсонни жамиятнинг оддий мурватига айлантиришга қаратилган тадбирларини тўла амалга ошириш учун халқни, биринчи навбатда, унинг илғор қисми - зиёлиларини мунтазам равишда қатағон этиб келди. Ҳатто Иккинчи жаҳон урушини юз минглаб фарзандларининг Курбон эти-

лиши эвазига ғалабага эришган халқ уруш тутар-тугамас яна сталинча қатагоннинг янги тўлқинига учради.

Агар Қурбон Берегин 37-йил дўзахидан омон чиққанида, Москвадаги ўнқунликнинг очилиш тантаналарида Сталин пайдо бўлиши биланоқ қўли оғригунча қарсак чалганидан пушаймон бўлган, уни кўриб, хушидан кетган аёлларнинг, улар билан бирга Сталинни куйлаган, уни бир кўришини ўзи учун катта саодат деб билган, унинг учун ўлимга ҳам тайёр бўлган минглаб, миллионлаб шоирлар, артистлар ва бошқа касб эгаларининг нечоғлик алданганидан афсусланган бўларди. Ҳатто 1953 йилнинг март ойида Сталиннинг – миллионлаб кишиларнинг қони эвазига коммунизм қурмоқчи бўлган доҳийнинг вафот этганидан хурсанд ҳам бўлган бўларди.

Мана, ер юзининг олтидан бирини ларзага келтирган «халқлар доҳийси» ҳам жувонмарг бўлди. Шу воқесадан кейин кўп ўтмай, унинг беҳисоб суратлари олиб ташланса бошлади. Сўнг жасади Ленин мақбарасидан олиниб, Кремль дэворлари яқинига дағн этилди. Сталиннинг қўшифи авжга минган давр тарихга шахсга сигиниш даври сифатида кирди. Аммо бу даврни шахсга сигиниш эмас, балки шахсга сигинтириш даври, қонли воқеалар иборат қатагон даври деб аташ тўгрироқ бўлади.

1956 йилда Сталин байроқдори ва асосчиларидан бўлган Совет Иттифоқи коммунистлар партиясининг XX съезди шахсан Сталин ташаббуси билан ва унинг раҳбарлигидаги 30-50-йилларда бўлиб ўтган қатагон сиёсатини ва унинг ижодкорини кескин қоралади. Шундан кейин 30-50-йиллардаги сиёсий қатагон Қурбонларини оқлаш, шу мудҳиш жараёнда бевосита иштирок этган НКВД ходимларини қоралаш ишлари бошланди.

1956 йил 9 июнда НКВДнинг 1937-1938 йилларда қўплаб ватандошларимизни қўйраттан Нурум Тригулов сўроқ қилинди. Сўроқ баённомасидан маълум бўлишича, 1907 йили Пенза вилояти Кузиско тумани Делиско қышлоғида дунёга келган бу кимса 1925 йили ОГПУнинг Тошкентдаги маҳсус билим юртини битирганидан кейин, 1925-1935 йилларда Бухоро вилояти туманларида шошилинч вазифалар бўйича вакил ёрдамчиси бўлиб ишлаб, сўнг туман суди бошлиғи лавозимига кўтаришган. 1935-1939 йилларда эса Ўзбекистон НКВДсида шошилинч вазифалар бўйича вакил, бўлгина бошлиғи ёрдамиси, бўлгина бошлиғи лавозимларида ишлаган. У шу куни бўлиб ўтган терговда 1937-1938 йиллардаги қама-қамалар уч босқичда олиб борилгани, дастлаб Файзула Ҳўжаевга, кейин Акмал Икромовга, ундан кейин эса Абдулла Каримов ва Султон Сегизбоевга яқин ҳисобланган кишиларнинг қамоқча олингандарини айтган.

«...Маҳбусларнинг тергови, - деган у, жумладан, - ибтидоий усулда, инқилобий қонунчилик кўпол равишда бузилган ҳолда олиб бориларди; ўз айбига иқрор бўлмаган ёки кўргазма беришдан бош тортган маҳбуслар жисмоний тазиқ остига олинарди: бир неча кечакундуз мобайнида, узоқ муддат тергов қилинардилар, уошган ҳолда калтакланардилар...

...Абдулла Қодирий кўргазмасининг тасдиқномаси 1938 йилнинг март ойида ёзилган-у аммо кун санаси қайд этилмаган. Бунинг сабаби шундаки, Қодирий ўз айбига иқрор бўлмаган ва кўргазма бермаган эди...

...Маҳбуслар Мўмин Усмонов, Курбон Берегин, Саъдулла Турсунхўжаев, Назрулла Иноятов, Фози Олим Юнусовлар билан Абдулла Қодирий юзлаштирилган эди. Юзлаштирувни шахсан ўзим рус тилида, лозим бўлган пайтларда эса ўзбек тилида (ўзбек тилини мукаммал биламан) ўтказганиман...»¹

Н.Тригулов маҳбусларни тергов пайтида ҳам, уларни ўзаро юзлаштиришдан олдин ҳам қандай қийнагани, кимларни даҳшатли 42-хонага олиб кирганини айтмаган, ҳамма айбни Агабеков, Матвеев, Копосов сингари НКВД ходимларига ва уларнинг раҳбари Апресян билан Леоновга тўнкаган. Қолбуки, Тригулов маҳбусларга бўлган ваҳшиёна муносабатида тилга олган устозларидан, шогирдлари эса ундан асло қолишимаган.

Бу ҳақда Иброҳим Худойкулов 1940 йил 10 февраль куни, озод этилганидан кейин НКВД терговчиларига берган кўргазмасида бундай сўзларни айтган:

«...Узоқ вақт тинимсиз тергов қилинганимдан сўнг битта ариза ёзib беришга мажбур бўлдим. Ўша аризамни Агабековга бердим. Бироқ, ариза унга маъқул бўлмади ва уни йиртиб-йиртиб юзимга қаратиб отиб юборди. Шундан сўнг Тригулов мени ўз хонасига бошлаб кирди-да: «ҳачонгача ўзингни тентакликка соласан!» деб, мени уч марта урди. Кейин мени 42-рақамли хона ёнидаги хонага бошлаб боришиди ва 1938 йилнинг 9 июнидан 10 июнигача ўша жойга қамаб қўйипшиди. У ерда калтакланаётган кимсаларнинг дод-фарёди, калтак зарбалари барадла эщтилиб туради. Сўнгра Тригулов мени ўз хонасига бошлаб борди-ю тағин уйдирмадан иборат кўргазма беришимни талаб қилди. Лекин унинг таклифини узил-кесил рад этдим. Ана шундан кейин Тригулов мени 42-хонага бошлаб кирди. У ерда Агабеков, Тригулов ва мен танимайдиган яна битта ходим биргалашиб мени савалай бошлашди... Мени ҳолдан тойтунимча калтаклашгандан кейин (учинчи мартадан) сўнг тасдиқномага нимаики ёзилган бўлса, ҳаммасига имзо чекиб беришга рози бўлдим...»¹

Ватандошларимизни ана шундай қийнаб-қийраттан Трифулов 1939 йили НҚВД ходимларининг қонли жиноятлари фош этилганда, ҳеч нарса кўрмагандек, ишдан осон-гаров ҳайдалиб, 84- заводда цех бошлиги ўринбосари бўлиб бемалол ишлайверган, ҳатто 1956 йилдаги терговдан ҳам эгнита гард юқтирумай чиқкан.

Зулмнинг тифи ўқир ва қонгалашиб бўлар, адолат қиличи эса ёмондан ҳам ҳазар қиласар экан.

Майли, золимларга ҳам Оллоҳ таолоннинг бу дунёда ҳам атагани бордир...

* * *

1956 йилнинг апрель ойидан бошилаб Курбон Берегин ишини қайта кўриш бўйича гувоҳлар чақирилиб, улардан кўргазма олина бошлиди. Аммо бу пайтда нафақат НҚВД деганда тиззаси қалпираф, лозими нам бўладиган гувоҳлар, балки НҚВД ходимларининг ўzlари ҳам бошлангаётган оқлов ишлари ҳақида аниқ тасаввурга эга эмас эдилар. Уларнинг аксари ўша кезларда ўzlарига ташвиш ортираслик учун қатагоннинг баҳтсиз Курбонлари тўғрисида бир оғиз бўлса-да ҳақ сўзни айтишга журъат этмадилар. Шунинг учун ҳам шу йилларда НҚВДга чақирилган Курбон Берегинни яхши билган ва таниган кишиларнинг кўргазмаларидан унинг инсоний қиёфаси ва ижтимоий фаолиятига равшанлик киритувчи маълумотлар жуда оз учрайди.

Мана, Курбон Берегин билан бирга хизмат қилган кишиларнинг у ҳақдаги фикрлари:

1905 йили Тошкентда туғилган, ўздавнашрнинг катта техник мұхаррири Пинхасов Яхиэл Бениаминовичнинг 1956 йил 20 апрелда берган кўргазмасидан:

«...Аммо айтишим мумкин, нафақат мен, балки ўздавнашрда ишлаган бошқа ходимлар ҳам унга нисбатан ёмон фикрда бўлмаганмиз, чунки Берегин одамларга меҳрибон, диққат-эътибор билан қарайдиган киши эди. У ҳеч қачон одамларга кўпол муомалада бўлмаган, агар бирор одам унга мурожаат этгудек бўлса, унга, албатта, қулоқ солар, уни эшигтар эди. Сиёсий томондан эса мен фақат бир нарсани айтишим мумкин: Берегинни Ўзбекистон КП(б) Марказий хўмитасига ишга олишганида, биз уни ҳар томонлама текширилган, сиёсий жиҳатдан етук, деб ҳисоблаган эдик...»

1909 йили Фрунзе шаҳрида туғилган, ўздавнашрнинг болалар адабиёти таҳририёти мудири, шоир Муслимов Илёс (Илёс Муслим) нинг 1956 йил 27 апрелда берган кўргазмасидан:

«...Ҳа, Берегиннинг 1932-33 йиллардаги даврини биламан. Чамамда,

у ўздавнашрнинг директори бўлиб ишлаган. Уни онда-сонда мажлис ва кенгашларда кўрганман, аммо у билан мулоқотда бўлмаганман...

...Берегин ўз ишини билган, ишга жиддий қараган киши эди, ходимларга нисбатан яхши муносабатда бўлар, уларнинг илтимосларини ҳамиша диққат-эътибор билан эштирар эди. Мен Берегинни сиёсий жиҳатдан етук киши бўлган, деб айта олмайман. Бошқа бирор нарса дейишпим қийин...»

1907 йили Наманган вилоятининг Чуст туманида туғилган, «Ёлқин турмуш» журналининг муҳаррири бўлган, Мўмин Усмоновнинг хотини, 1937-1938 йилларда қатағон этилган Холдорова Собиранинг 1956 йил 30 апрелда берган кўргазмасидан:

«...(Кўрқиб) Қа, Берегин бизникида бўларди, лекин жуда кам. Менимча, у оиласи билан бўлган. Ёдимда, мен ҳам турмуш ўртоғим билан қайси бир йилидир Берегиннинг уйида меҳмонда бўлганмиз. ўшанда биз нима тўғрисида сухбатлашганимиз, Берегин билан эrim нима тўғрисида сухбатлашганини эслай олмайман...»

1903 йили Когонда туғилган, ўздавнашрда бош бухгалтер бўлиб ишлаган Касабов Сергей Григорьевичнинг 1956 йил 4 майда берган кўргазмасидан:

«...Берегиннинг ишчанлик фазилати тўғрисида шуни айтишим мумкинки, у ишчан, ўз ишпини яхши билган раҳбар эди. Ходимлар билан бўлган муносабатида унинг тарафидан бирор ёмонликни кўрмаганман. Берегиннинг сиёсий сифатлари тўғрисида ҳеч нарса айттолмайман. Ўйлашимча, уни марказқўмга ишга олишдими, демак, у сиёсий жиҳатдан етук киши бўлган...»

...Мен Берегиннинг нашриёт ишларини яхши билганилигидан келиб чиқиб айтяпман. Ўзи, ёдимда бор, таҳrir билан ўгуулланган, унинг ҳақиқий нашриёт ходими эканлиги яққол кўриниб турарди...

...Элашимча, (нашриётда) режа бузилган ёки бажарилмай қолган ҳоллар бўлмаган. Берегиннинг ёзувчилар асарларини чиқариш режаларни бажаришга қаратилган чора ва тадбирлар кўрганини шундан ҳам билиш мумкинки, тез-тез коллегия йигилишиб, кейипги иш билан боғлиқ масалалар муҳокама қилинар эди. Тўғри, мен коллегияни йигилишларида қатнашмаганман. Умуман, Берегин кундалик ишни ҳар доим бош муҳаррир ва ўринбосарлари орқали текширас эди...»

1910 йилда ўш шаҳрида туғилган, Тил ва адабиёт институтинг бўлим мудири, филология фанлари доктори Султонов Иззатнинг 1956 йил 4 майда берган ёзма кўргазмасидан:

«Берегин билан етарли даражада таниш бўлмаганлигим учун у ҳақда кўп нарсани айта олмайман. Берегин Ўзбекистон компартияси

Марказий ҳўмитасида, кейин эса Ўзбекистон Совет ёзувчилари уюшмасида ишлаган. Мен у пайтда уюшма аъзоси бўлмаганман. Берегин «Қизил Ўзбекистон» газетаси таҳририятида ҳам бўлар эди (эҳтимол, у таҳририятида ишлагандир, аммо мен бундан хабардор бўлмаганман). Берегин билан қисқа муддатли учрашувларимда мен унда советларга қарши бирор нарсани сезмаганман...»

Маълум бўлишича, Иззат Султон 1937 йил 29 ноябрда Элбек ҳақида бундай кўргазмасида Берегин шаънига бундай сўзларни айтган экан:

«1937 йил ёзида «Ёш ленинчи» газетасида Элбекнинг миллатчи шоир сифатидаги ижодини фош қилувчи мақола босилиб чиқкан бўлиб, унда Элбекнинг «Қўшиқлар» деган сўнгги шеърлар тўплами мафқуравий жиҳатдан заарли ва халтурадан иборат, деб танқид қилинган эди. Бу мақола Совет ёзувчилари уюшмасида муҳокама қилинганида, Берегин билан Усмонов мақолага қарши чиқиб, Элбекка бундай ёндашиш билан биз энг яхши кишиларни совет адабиётидан бездириб кўйишшимиз мумкин, дейишган эди. Бу, Элбекнинг миллатчилик гояларини тарғиб қилувчи шоир сифатида совет адабиётидаги ҳар доим халқ душманлари томонидан қўллаб-қувватланганидан дарак беради».

Иззат Султон 1937 йилда берган ана шу кўргазмасини назарда тутиб, ёзма кўргазмасида яна бундай деган:

«Агар мен юқорида эслаб ўтилган кўргазмамда Берегинни халқ душмани деб атаган бўлсанм, унинг давлат хавфсизлиги органлари томонидан ҳисбга олиниши фактидан келиб чиқиб айтганман. Менда Берегиннинг советларга қарши унсурларга мансублигини тасдиқловчи бирор асос йўқ».

1905 йилда туғилган, ЎзКП(б) Мҳ хузуридаги Партия тарихи институти катта илмий ходими Булатов Шариф Ибодуллининг 1956 йил 15 майда берган кўргазмасидан:

«Мен Қурбон Берегинни 1925 йилдан, комсомолда ишлаган йилларимиздан бери биламан. У вилоят (округ) комсомол ташкилотининг котиби эди. Мен Гурлан уезди комсомол-ёшлиар ташкилотининг котиби эдим. Комсомол ташкилоти ўша вақтда кўтаринкилик билан ишлаган. Берегин комсомол ташкилоти ишини ташкил этишида катта ташаббус кўрсаттан.

У 1929 йилда ёқ округ партия қўмитаси аппаратида тарғибот бўлими мудири ва «Инқилоб қўёши» газетасининг муҳаррири бўлиб ишлаган. Мен Хивада партия мактаби ўқув бўлимининг мудири бўлиб ишлаганида тарғибот бўлими билан яқин алоқада бўлганман. Бере-

гин мактабга ўқувчилар ва муаллимларни жалб этишга ёрдам берган, маданий-оммавий ишларга, айниқса, ёшларнинг Тошкентта ва республиканинг бошқа шаҳарларига ўқишига юборилишига катта эътибор қаратган. У самарали ишлари учун ЎзССР Марказий Ижроия хўматисига аъзо этиб сайланган.

У 1931 йилда Тошкентта чақириб олинди.

1932 йилда мен у директор (ҳайъат раиси) бўлган ЎзССР Давлат нашриётида у билан бирга ишладим. Бизнинг ишнимиз Ўзбекистон Давлат нашриёти аппаратидаги ёт унсурларни тозалашдан бошланди. 20 дан зиёд кишилар бўшатиб юборилди. Берегиннинг ташаббуси билан Ўзбекистон Давлат нашриётида ҳисоб-назорат турүхи ташкил этилди, Москвадан полиграфи чукассислар (Айзенберг, Матвеев ва бошқа ўртоқлар) олиб келинди, қўлэзмаларнинг ҳажм ва сифатини аниқлаб қайд этиш ишлари йўлга кўйилди. Бу, муқовага буюртма бериш, муаллиф ва таржимонларнинг қалам ҳақларини тўғри белгилаш имконини берди.

У ўздавнашрда ишлаган пайтида қўпгина ташабbusлар кўрсатди. Сиёsat, қишлоқ хўжалиги, болалар адабиёти ва бошқа соҳалар бўйича бўйимлар ташкил этилди. Мавзулар режасини тузиш ишлари тизимили тус олди. Нашр этилаётган китобларнинг мавзулари ва адади йилдан-йилга ўсиб борди.

Мен 1934 йил охирида Ленинградга ўқишига кетиб, 1937 йил иволида қайтиб келдим. У шу йилларда Ўзбекистон КП(б) Марказқўми аппаратида ишлади. Ўша ерадиги ишида ҳам ташабbus кўрсатди. 1936 йилда Москвада ўзбек санъати ўнкунлигининг ўтказилиши муносабати билан «Хурмат белгиси» орденига сазовор бўлди. Мен ўқишидан қайтиб келганимдан кейин, бир неча ой ўтгач, у ҳисбга олинди.

Мен унинг ота-онасини ҳам биламан. Улар ҳам меҳнаткаш оиласдан чиқишиган. Менинг қатъий эътиқодим шуки, у бирон-бир миллатчилик ва советларга қарши ташкилот билан алоқада бўлмаган. уни фақат яхши томондан биламан... У маиший ҳаётда покиза инсон бўлган. Амалий ишларда эса, комсомолда бўладими, бошқа соҳаларда бўладими, Берегин партия чизиб кўйган чизиқдан четта чиқмаган...»

Юқорида кўрганимиздек, 50-йилларнинг ўргаларида аксар сиёсий қатағон Қурбонларини оқдаш ишлари бошланганида, Берегинни билган ва таниган кишиларнинг шундай, умуман ижобий кўргазмалари эътиборсиз қолмади. Тергов ва суд жараёнида бирор ҳуқуқий асос ва ашёларсиз юзлаб кишиларни, шу жумладан, Қурбон Берегиннинг ҳам бекордан-бекорга отувга ҳукм қилинишининг ўзида катта адолатсизлик бор эди. Шунинг учун ҳам тегишли идораларнинг расмий қарори

билан 1956 йил 31 майдында Курбон Берегин вафотидан кейин оқланиб, унинг номидан «халқ душмани» деган ёрлиқ олиб ташланды.

Бу қувончли хабар ўша йилнинг куз ойларида Хоразмга этиб келганида, Курбон Берегиннинг қизи Мұҳабbat тенгдошлари билан бирга пахта далаларида ватаншарварлик бурчини адо этиб юради. У ўша унтуилмас кунни бундай эслайди:

«Университетнинг биринчи курсида ўқиёттанимда сентябрь ойи бошланиши билан пахта теримига чиқардик. Кунларнинг бирида, тушлик пайтида, овқатланиб ўтирасам, радиода кўплаб қатагон Курбонларининг, шу жумладан, отамнинг ҳам оқланганини айтиб қолишиди. Раҳмон ака деган домламиз бор эди. Ўша киши келиб, пешонамдан ўтиб, йигладилар-да, «Ҳақиқат қарор топди, отанг гуноҳсиз эди», дедилар. Мен отамнинг гуноҳсиз эканлигини билардим. Чунки, отамнинг тенгдошлари, яқинлари отам ҳақида фақат яхши гапларни айтишарди. Шунинг учун Сталин ўлганидан кейин отамнинг оқланишига умид қиласдим. Аммо ўша куни радиодан отамнинг оқланганини эшитиб, домламнинг менни йиглаб табриклаганини кўриб, азбаройи қувониб кеттанимдан ўзимни шундай йўқотиб қўйдимки, ҳатто унга раҳмат дейиш ҳам ёдимга келмади. Бу, ҳаётимнинг энг қувончли, энг баҳтири куни эди. Энди мен отам билан эл-юрг олдида фахрланишим, бор овозим билан: «Мен Курбон Берегиннинг қизиман!» деб ифтихор қилишпим мумкин».

Мұҳабbatнинг бу сўзлари фақат унинг эмас, балки опаси ҳувонч, укаси Марат, шунингдек, қариндош-уруларининг қалбларидан фаввора бўлиб отилган сўзлар ҳам эди.

ҲАЁТ ДАВОМ ЭТАДИ

Курбон Берегин Тошкентта ишга чақириб олингандан кейин Ўзбекистон Давлат нашриётида ишлаб, пойттахтда истиқомат қилаётган ёзувчилар, таниқли маориф ва маданият арбоблари билан танишди, уларнинг суҳбатларида бўлди, айримлари билан эса яқин алоқа ўрнатди. Кўп ўтмай, 1934 йилда Ўзбекистон Ёзувчилар уюшмаси ташкил этилиб, адабиётта, ёзувчиларга эътибор берила бошлади. Курбон Берегин ана шу жараёнда марказқўм маданий-оқартурв бўлимни мудири ва Ёзувчилар уюшмаси ҳайъатининг аъзоси сифатида фаол иштирок этиб, адабий-маданий ҳаётнинг жонланишига ўзининг камтарона ҳиссасини қўшиди. Агар Курбон Берегин ҳибсга олинган пайтда олиб кетилган кўллётмалар, хужжатлар, ёзишмалар, суратлар сақланиб қол-

танида, унинг шу йўналишдаги хизматлари бизнинг қаршиимизда яққолроқ гавдаланган бўларди. Энг муҳими, агар партия, марказқўм Курбон Берегиннинг жиловини маҳкам ушлаб олмаганида, у балки адабий фаолият билан кўпроқ шугулланган, бинобарин, ундан сезиларни из қолган бўларди. Унинг 1924-1925 йилларда ёқ «Шарқ қизига», «Шарқ хотин-қизларига», «Ишчи-дехқонларга» сингари шеърлари билан Хоразм матбуотида ёш шоир сифатида, 1926 йилда эса «Олма отиш», «Чақиртиканак» ҳикоялари билан «Ер юзи» журнали фаолиятида носир сифатида кўзга кўринганини эсласак, адабий истеъодд уни четлаб ўтмагани маълум бўлади. Қолаверса унинг 1928-1929 йилларда ёзилиб, 1929 йил бошларида нашр қилинган «Шодликли кунлар» деган каттагина воқсий ҳикояси ҳам мавжуд.

Адабий ижодга ихлюс кўйган ва Хоразмдалик пайтида озми-кўпми қалам тебратиб, ҳамашаҳрлари эътиборини қозонган кишининг Тошкентта кўчичиб келиб, дастлаб нашриётда, кейин Ёзувчилар уюшмасида ҳам ишлаганида, китоб, адабиёт ва нашриёт ишлари Курбон Берегин ҳаётида муҳим ўрин эгаллаган эдик, унинг шу йилларда шеър ва ҳикоя жанрларида қалам тебратмаганлигига ишониш қийин. Балки 1937 йил 5 сентябрдаги тинтуб пайтида олиб кетилган 66 саҳифалик шеърлар унинг шеърлариидир. Балки тинтуб баённомасидаги «1 пачка қўлёзма» хоразмлик ихлосмандлари айтиётган туталланмай қолган романидир. Ҳар ҳолда умрининг сўнгти йилларида Курбон Берегиннинг бадиий ижод билан шугулланганлиги тўғрисидаги хотираларда жон бўлса ажаб эмас.

Анқабой Худойбахтов 1937 йил 10 август куни бўлган биринчи сўроқда Ёзувчилар уюшмасидаги аксиликлобий кайфиятдан ҳоли бўлмаган ҳайъат аъзолари сифатида биринчи бўлиб марказқўм тарғибот ва ташвиқот бўлимни мудири Мўмин Усмонов, сўнгра Раҳмат Мажидий, ундан кейин эса Курбон Берегиннинг номларини тилга олган эди. Раҳмат Мажидий 1935 йилнинг охирларида Москвага ўқишига юборилганидан кейин уюшмага икки киши – Мўмин Усмонов билан Курбон Берегин раҳбарлик қила бошлиди. М.Усмонов марказқўмдаги катта бир бўлимнинг мудири бўлганлиги сабабли Ёзувчилар уюшмаси фаолиятида Курбон Берегинчалик яқиндан иштирок эта олмади. Уюшмага раҳбарлик қилиш Курбон Берегиннинг зиммасига туцди. Шундай кезларда уюшмани яхлит организмга айлантиришига интилди.

Курбон Берегин ўша йилларда ўтказилган йигилишларнинг бирида бундай деган эди: «Ўзбекистон Ёзувчилар уюшмаси ва ҳар бир ижодкор олдида турган вазифалар шундан иборатки, биринчидан,

бизнинг ёзувчилар оммасини қандай уюштириши керак. Уларни бизнинг уюшмамиз атрофига ва совет ҳокимиятининг бутун тадбирлари атрофида шундай уюштириш керакки, улар бизнинг ҳокимиятимиз қарорларини амалга ошириши ишларида фаол иштирок қылсингар. Бизга ҳар бир ёзувчини ҳокимият қарорларини рўбга чиқариш учун кураш фронтида тарбиялаш керак. Ва бизнинг олдимиздан турган иккинчи вазифа – ҳар бир ўртоққа ўзининг ёзувчилик мугахасислиги техникасини эгаллашида ёрдам беришдан иборатки, қайсики улар бутун ёки эргага ёш ёзувчилар, деб ҳисобланмасин ва мос келадиган мавзулар бўйича бизнинг кўп миллатлик аҳолимиз кутаётган юксак бадиий асарлар бера билсингар.

Бундай сўзларни шу йилларда уюшмага раҳбарлик қилган кишигина айтиши мумкин.

Курбон Берегин уюшма ҳайъати аъзоси сифатида уюшмага раҳбарлик қилганида, марказкўм эъзоси эканлитини унутмай, ҳаддан зиёд ҳушёрлик кўрсатган кезлар ҳам оз бўлмади. Масалан, у қандакасаллигидан озор чеккан Чўлпоннинг Инжиқободдаги Ижод уйида яшаган пайтида Фулом Зафарий олиб келган шотутни даво деб еканлитини эскилил сарқити сифатида қоралади; унинг Москвадан келгач, соғлигининг ёмонлашганига қарамай, М.Горькийнинг «Она» романининг иккинчи бўлимни ҳамда «Егор Буличев ва бошқалар» пьесасини, Пушкиннинг «Борис Годунов» пьесаси ва «Дубровский» қиссасини, Лоҳутийнинг «Оврупо сафари» достонини таржима қилгани, «Жўр» шеърлар тўпламини нашрга тайёрлаганини инобатта олмай, уни саботажлиқда айبلاغан. Лекин шу билан бирга у гоявий ва маънавий соғлигига ишонган ёзувчилардан бирига уй олиб бериш, иккинчисини масъулияли лавозимга кўтариш, учинчисининг эса ёзган асарининг нашр этилишига ёрдам берди. Шунингдек, у халиқ орасидаги ажойиб истеъодд эгаларни топиб, улар ижоди билан меҳнаткаш оммани яқиндан таништириш ишига алоҳида эътибор берди, айниқса, эл-юрг ўртасида обрў-эътибор қозонган бўлса-да, тўла қонли ижод қилишлари учун етарли шароити бўлмаган хоразмлил санъат ва адабийт намояндаларининг Тошкентта ё доимий яшаш, ё муайян бир маданий тадбирда иштирок этиш учун келишларига сабабчи бўлди. Унинг ташаббуси ва ёрдами билан 30-йилларнинг ўрталарида хоразмлик Матёкуб Харратов, Сафо Муғанний, Мадраим Ёқубов (Шерозий), Матёкуб Отажонов, Ҳожиҳон Болтаев ва бошқалар Тошкентта чақиритирилиб, улар ижросидаги ашула ва куйлар грампластиинкаларга ёзиг олинди. У Комилжон Девоний, Абдулҳамид Мажидий, Матёкуб Абдуллаев сингари ёзувчи, олим ва таржи-

монлар ижодининг Тошкентда равнақ топишига ўз ҳиссасини қўши. Хоразмда радиоэшигитириш кўмитаси, Урганч шаҳар маориф бўлими, ёшлар театрининг вужудга келишида ташаббускор бўлди.

Курбон Берегин туфайли Тошкентта кўчиб келиб, ишлай бошлиган кишилардан бири Мадраим Рўзметов эди. Курбон Берегин Хоразмда ёшлар ташкилотида ишлаган йилларида М.Рўзметов билан танишган ва унинг келажакда моҳир ташкилотчи бўлишига ишонган эди. М.Рўзметов дўстининг ишончини оқлаб, хизмат пиллапоясида ўсиб борди. 1935 йилда Тошкент вилояти Қўйи Чирчиқ тумани ёшлар ташкилотида бир мунча муддат ишлагач, Ўзбекистон ёшлар ташкилоти Марказий ҳўмитасига бўлим мудири бўлиб кўтарилиди. Орадан бир йил ўтгач, 1937 йилда у Курбон Берегиннинг ёрдами билан Москвага бориб, радио ихтисослиги бўйича қандайдир курсни тутагатди, сўнг Ўзбекистон радио радио қўмитасининг тармоқ эшигитиришлар бўлимига мудир этиб тайинланди. М.Рўзметовга соябонлик қилган Курбон Берегин қамоқча олиниши билан унинг боши узра ҳам қора булуғлар уймалаша бошлиди. Куни кеча Мўмин Усмоновнинг ўринбосари бўлиб хизмат қилган кимсалардан бири қуйидаги хати билан бу қора булуғларнинг унинг бошига бало тошлари бўлиб ёилишига сабабчи бўлди:

М.махфий.

ЎзССР НКВДси УГБ 4-бўлими бошлиғи ўр.Агабековга

Ушбу билан Радиоқўмитада тармоқ эшигитиришлари мудири бўлиб ишлаётган Рўзметов Мадраим тўғрисида материал юбораяпман. Унинг халқ душманлари Берегин ва бошқалар билан алоқасига доир материални текшириб кўришингизни сўрайман.

Ўз томонимдан шуни маълум қиласманки, уни Радиоқўмитадан ишдан бўшатиш ҳақида чоралар кўрганман.

Илова: ? саҳифадан иборат материал.

ЎзКП(б) МҚ партия таргиботи ва ташвиқоти
бўлими мудири ўринбосари Маленин¹.

Ушбу хат 1938 йил 2 февралда Агабековнинг кўлига етиб бориши билан у ўша куни кечасиёқ шотирларини Мадраим Рўзметовни қамоқча олиш учун юборди. Мадраим aka шу куни Москвага қилган хизмат сафаридан эндиғина келиб, ҳали хотини ва бола-чақалари-

нинг дийдорига тўйиб улпурмаган эди. Бечора М.Рўзметов «халқ душмани» Қурбон Берегиннинг яқин кишиларидан бири сифатида 5 йилга қамалиб, азиз умрининг энг яхши йилларини Колимадаги Оратукан лагерида ўтказишга мажбур бўлди.

Курбон Берегиннинг хоразмлик дўст-ёрларига, таниш-билишларига меҳр-мурувват кўрсатишга интилгани бежиз эмас. Чунки, унинг муайян мақсад йўлида ҳаракат этувчи, ўз даврининг илгор кишиларидан бири бўлиб улгайишида Хоразм Халқ Жумхуриятининг маданият ва маориф нозири Мулла Бекжон Раҳмоновнинг мураббийлик хизматлари катта бўлган. Мулла Бекжон Раҳмонов 1924 йили бундай деб ёзган эди:

»Эллик йил бурун маданиятда Хоразмдан озгина юқорироқ даражада турган Япония четта талабалар юбориб, ўқитиб қайтарув соҳасида ҳозирги вақтда Америка ва Европа даражасидан ошганнидир.

Хоразмнинг ишчи-лехқонлари ўзлари оч, ялонгоч бўлсалар ҳам, у ёт юргларга болаларини юбориб, сиёсий ва илмий маълумот олдирмоқча ижтиҳод этадилар».

Ўша даврда Хоразмда ёшлиарни чет мамлакатларга бориб, таълимтарбия олиш учун юбориш ўёқда турсин, ҳатто шунга даъват қилиш хавфли эди. Аммо Мулла Бекжон Раҳмонов каби илгор кишилар ўлкани иқтисодий ва маданий жиҳатдан кўтарилиш учун ҳар қандай қийинчиликка тайёр эдилар. 1922 йилда Хоразм ёшлиари ўртасида биринчи бўлиб Марям Султонмуродованинг бухоролик ва тошкентлик ёшлиар билан бирга Германияга ўқишига бориши фавқулодда катта ва унугилмас воқеа бўлган эдики, бунда Бекжон Раҳмоновнинг хизматлари йўқ эмас эди. Қурбон Берегин устозининг ана шундай ишларини давом эттириб, имкон топганида, хоразмлик таниқли маърифат ва маданият аҳдларининг фаолияти Тошкентда янада самарали бўлиши мумкин, деган ишончдан келиб чиқиб, уларга мадад кўлини узатиб турди.

Курбон Берегин бевосигта мактабда ўқитувчилик қилмаган бўлсада, 30-йилларнинг қийинш шароитида шаклланған хоразмлик аксар ёшлиар: «Мен Курбон Берегиннинг кадриман», деб мағурланаар эдилар. У, ана шу «кадрлар»нинг айтишларича, ҳар бир маърифат ва маданият ходимиidan ҳаётни синчковлик билан, қунт ва сабртоқат билан ўрганишни талаб қиласар, айниқса, мактаблардаги ўқув дараёнини ҳаёт билан боғлаш лозимлигини уқтирадар эди. Тўғри, Курбон Берегиндан кейин дунёга келган кишиларни ҳар томонлама яхши ва қулаг шароитда хизмат қилиб, катта натижаларга эришдилар, деб бўлмайди. Ҳаёт ҳамиша дарё сингари оқар экан, янги-янги қийин-

чиликлар майдонга келиб туралди. Бу қийинчилекларни енгиш учун мақсад, ирода, куч-куват бўлиши лозим. Бундай куч-куват яшашга, меҳнат қилишга чанқоқ, ўзидан авлодларга ниманидир мерос қилиб қолдириш истаги билан яшаган кишилардагина бўлади.

Минг афсуслар бўлсинки, хоразмлик кексалар Қурбон Берегин тўгрисида сўзлаганларида оғизларидан қанчалик бол томмасин, уни авлодлар учун ибрат намунаси сифатида қанчалик тилга олмасинлар, ушбу рисолани ёзишида НКВД архивидаги ҳужжатлардан бошқа, ҳақиқат нури билан йўғрилган хотираларни топиш имконияти бўлмади. Аммо ушбу сатрлар муаллифи Хива наққошлик мактабининг асосчиларидан бири, Ўзбекистон халқ рассоми Абдула Болтаев (1890-1966) нинг 88 дафгардан иборат хотираларида бошқа хоразмлик маърифат аҳли қаторида Қурбон Берегин ҳақида ҳам музассал маълумот борлиганидан ва бу маълумот бир кун келиб юзага чиқиши мумкинлигидан ўзимда мамнуният ҳиссини ҳосил бўлдим.

Унбу ажойиб зотнинг фарзанди Комил Абдуллаевнинг «Нақшларда битилган умр» деб номланган рисоласида мазкур хотиралар дафтари ҳақидаги бундай сўзларни ўқишимиз мумкин:

«1949 йилнинг ёз ойлари эди, - деб ёзди муаллиф. - Мен ТошДУ тарих факултетининг биринчи курсини тамомлаб, уйга келган эдим. Таътил пайтида музейга, отам ёнига бориб туардим. Бир куни отамдан С.П.Толстовнинг асарини ва умуман Хоразм тарихига доир китобларни сўрадим. Отам бу китобларни дарҳол топиб берди. Сўнг бир оз ўйланиб, хотира дафтарларини варақлай бошлади. Уларнинг ичидан 3-4 дафтарни ажратиб, овозини чиқармай ўқиди, ўқиб бўлгач: «Булар ҳозирча сенга бўлмайди», деб яна дафтар титкилай кетди. Уларнинг орасидан бирини олиб: «Бу сенга бўлади», - деди. Маълум бўлишича, бу Қамзанинг Хоразмдаги шогирди Соҳиб Назарийга таллуқли материаллар экан.

«Мен отамдан: «Булар сенга бўлмайди», деган дафтарингиз кимлар тарихига оид?» - деб сўраганимда, у: «Булар Хоразмда, ҳатто ўзбекистонда халқ ҳокимиётини мустаҳкамлаш, маданият ва маорифни ривожлантиришида фаол қатнашган Карим Болтаев, Ёқуб Девонов, Қурбон Берегин, Машарип ҳориев, давлат Ризаевлар ҳақида. Улар «халқ душмани» сифатида отиб ўлдирилганлар, - деб жавоб берди. - Бир вақтлар ҳақиқат юзага келгач, улар яна ўз ўрнини топарлар», - деб кўшиб ҳам кўйди. Шунинг учун ҳам отам 1926 йил апрель ойида касаллиги туфайли вафот эттан Соҳиб Назарий таржи-маи ҳоли ва шеърларини менга берган экан»¹.

Қурбон Берегин, юқорида Чўлпон муносабати билан тилга олга-

нимиздек, айрим ҳолларда ўзини сиёсий жиҳатдан ўта хушёр арбоб сифатида кўрсаттан бўлса-да, 1937 йилда ҳибсга олинган қаламкаш дўстларининг тергов пайтида берган маълумотлари унинг ҳамиша ҳам шундай «зийрак» шахс бўлмаганидан шаҳодат беради. Чунончи, 1936 йил 22 февралда Белоруссия Ёзувчилар уюшмасининг ташаббуси билан Минскда озарбайжон шеърияти кечаси бўлганида, ўзбек ёзувчилари ҳам қатнашган эдилар. Ана шу кечада озарбайжон шеърияти тўғрисида Али Нозим маъруза қўлган, М.С. Ўрдубоди, Ҳусайн Жовид, Сулаймон Рустам, Мушифиқ, Мамед Рагим, Ашот Граши, Петрусь Бровка сингари озарбайжон, арман ва белорус ёзувчилари иштирок этган эдилар. Ана шу кечадан кейин ўзбек ёзувчилари озарбайжонлик ҳамкаслари билан учрашиб, улар билан мулоқотда бўлгандар. Шунда Ҳусайн Жовид ва Мушифиқ сингари озарбайжон ёзувчилари ўзбек биродарларининг табрик сўзларига жавобан: «Бу ерда озарбайжон шеърияти кечасининг ўтказилиши биз учун катта воқеа эмас. Белорус ҳалқи у ёқда турсин, ёзувчилари ҳам Озарбайжон ва унинг шоирлари тўғрисида аниқ тасаввурга эга эмаслар. Улар Шарқ шеъриятининг гўзаллигини тушунмайдилар. Бундай кечаларни туркий республикаларнинг пойтахтларида ўтказиш лозим. Мана, улар икки гапнинг бирида: «Маяковский, Маяковский», деб туришибди. Маяковский қаердаю, Фирдавсийлар, Низомийлар, Навоийлар қаерда? Бизга Озарбайжон ёки ўзбекистондан янги Маяковскийларнинг етишиб чиқиштига қандай зарурат бор? Бизнинг адабиётимиз фақат миллий анъаналарни давом эттириш, ҳалқ ҳаётини, унинг дарду аламлари, орзу ва интилишларини ифодалаш ҳисобига ривожланиши мумкин. Агар биз Пушкин ёки Маяковский сингари рус ёки белорус ёзувчиларининг ижодий тажрибасидан сабоқ ола-версак, адабиётимизнинг миллийлигига дарз кетади. Ҳар бир адабиёт миллий ўзига хослиги билан аҳамиятли. Иншоолло, сиз, ўзбеклар ҳам, биз, озарбайжонлар ҳам бир миллатнинг - туркий миллатнинг фарзандларимиз. Бизнинг манфаатларимиз муштарак. Бизнинг адабиётларимиз ва ҳалқларимиз ўртасида доимий алоқа бўлиши лозим. Шунинг учун ҳам биз Москва ёки Минскда эмас, Боку, Тошкент, Олма-ота сингари шаҳарларда учрашиб туришимиз лозим...»

Озарбайжон ёзувчиларининг бундай қарашлари пантуркизмга қарши мафкуравий кураш авж олган бир даврда нотўғри талқин қилиниши, суҳбат иштирокчилари эса шубҳа ва назорат остига олиниши мумкин эди. Шунинг учун ҳам ушбу учрашувда қатнашган шоирлардан бири Тошкентта қайтиб келибоқ шу гапларни Курбон Берегинга етказган ва ундан тегишли идорага маълум қилишини ил-

тимос қилган. Бироқ Курбон Берегин, - тергов пайтида айтилишича, — нима учундир бу маълумотга эътибор бермаган.

Худди шунга ўхшаш яна бир воқеа 1937 йилнинг май ойида Москвада ўзбек санъати ўнкунлиги ўтаётган кунларда бўлган. Усмон Носир ресторанда сархуц бир ҳолатда ўтириб, европаликлар шаънига бир неча маротаба ҳақоратомиз сўзларни айтган. Бошқа ёзувчилар бу масалага Берегиннинг эътиборини қаратиб, ундан Усмон Носирнинг хулқ-авторини муҳокама қилиш ва чора кўришни талаб қилган бўлсалар ҳам Курбон Берегин бунга кулоқ солишни ҳам истамаган.

Тергов вақтида юзага чиқсан бундай фактлар Курбон Берегиннинг расмий мажлисларда ўта сиёсий ҳушёр, норасмий вазиятларда эса ёзувчиларни улар бошига тушиши мумкин бўлган мушкүлотлардан сақлашга интилган киши бўлганингини кўрсатади. Тахмин қилиш мумкинки, у давлат ва партия ҳодими бўлгани учун расмий йиғилишларда ёзувчилардан сиёсий фаолликни, аксилиюбий тарғибот ва ташвиқларга берилмасликни талаб қилган. Аммо шундай ҳодисалар рўй берганида, кўпинча ўзини сезмаганга, билмаганга олган. Бинобарин, у ҳамиша ҳам партия олдидаги масъулият ва бурчнинг итоаткор қули бўлиб қолмаган кўринади.

Курбон Берегин ҳаёти ер куррасининг олтидан бир қисмида яшаган одамзод қибла қаерда, қайси томонда эканлигини ҳам унугтан ва унугтишга мажбур бўлган даврда кечди. Давр ҳатто унинг «Олюберганов» деган, ислом нури порлаб турган фамилиясини ҳам ўзгартиришга мажъур қилди. У Олюҳдан воз кечган кишининг охиративой бўлиши мумкинлигини хаёлига ҳам келтирмади, ўшандা.

Курбон Берегин тарихий тараққиёт йўлини инқилюбий ҳаракатлар ёрдами билан ўзгартиришни ўз олдига мақсад қилиб қўйган большевизм даврида яшади. Асфандиёрхон давридаги ҳақсизлик ва адолатсизликни, иқтисодий начорлик ва маданий қолоқликни кўрган навқирон йигитнинг большевикларнинг коммунистик жаннат ҳақидаги чўпчакларига ишонмаслиги қийин эди. Ўзининг қорни тўқ, оиласининг, халқининг дастурхони бут, эл-юртининг озод ва обод бўлишини орзу қилган йигит шу орзусига большевиклар ёрдамига етиши мумкинлигига умид қилди. Большевикларнинг Хоразмда олиб борган маърифий, тарғибий ва ташвиқий ишларида ундаги умидга озиқ берувчи нарсалар кўрингандек бўлди. Айниқса, ҳаётининг Тошкентдалик даврида замонавий ўрга ва олий ўқув юргларининг, саноат корхоналарининг бунёд бўлганини, колхоз ва совхозларда қийинчилик билан бўлса-да, кўплаб қишлоқ хўжалик маҳсулотларининг етиштирилаётпанини кўрган Курбон Берегин большевикларга оргиқ даражага-

да ишониб кетди. Лекин руспубликадаги энг масъулиятли лавозимларни Россиядан келган ва келаётган файри миллат вакилари тобора кўпроқ эгаллаб бораётгани, юқори лавозимларда ишилаётган миллтий кадрларнинг ҳам шу кимсалар билан ҳисоблашишга мажбур бўлаётгани уни ўйлантира бошлади. Секин-аста унинг советларга, большевикларга бўлган ишончи камая бошлади. Шундай пайтларда у: «Балки Ҳусайн Жовид ва Мушғиқларнинг қондошлиқ бошқа-ю қардошлиқ бошқа», деганларида маъно борга ўхшайди, деб ўзгача хаёллар оламига кириб чиқадиган бўлди. Унинг руҳиятида иккиланиш аломатлари сезила бошлади. Энди ундаги виждан билан бурч ўртасида низо учқунлари пайдо бўлиб, илгариги аҳиллик йўқола бошлади.

Курбон Берегин руҳида виждан амри, виждан сўзи, виждан ноласи уйфона бошлаган кунларда қилган ишилари билан мустақиллик даврида яшाइтган бизга, ҳозирги авлодларга яқиндир.

Ҳозирги вақтда Қурбон Берегиннинг турмуш ўртоғи Онажон Берегина билан икки фарзанди ҳаёт бўлиб, улар ҳозир Хоразм вилоятида истиқомат қилишади. Ўғли Марат Берегин Хива автобазаларидан бирида инженер-механик, қизи Мұҳаббат Берегина Урганч шаҳар халқ маорифи бўлими мудири, ушбу рисоланинг ёзилишига сабабчи бўлган невараси Мақсад Марат ўғли Берегин эса Хивадаги бошқармалардан бирининг бош директори.

«Мен отамни эслай олмайман,- дейди Мұҳаббат. - Амма унинг жўшқин ҳаёти, соф эътиқоди билан чинакамига фахрланаман. Бир вақтлар отам Тошкентда туриб Хоразмда халқ маорифи бўлими ташкил этилганлигини эшишиб, бениҳоя хурсанд бўлган экан. Баҳтимни қарангки, бугунги кунда отам севған соҳаларнинг бири - ёш авлод тарбиясининг шу муҳим участкасида мен ҳам иштирок этмоқдаман».

Мен Мұҳаббатнинг шундай дил сўзларини эшигтганимда, Усмон Носир сингари бўйдоқ ёшида қатагон этилган ва ўзидан зурриёд қолдирмай ўтган юзлаб, минглаб жабрдийдалар кўз олдимга келади. Қурбон Берегин улардан фарқли ўлароқ оила куриб, бир-биридан ақлли, бир-биридан меҳнаткаш, бир-биридан меҳрибон фарзандларни қолдирган. Улар туфайли, уларнинг фарзандлари ва неваралари туфайли Қурбон Берегиннинг яшаб ултурмаган ҳаёти давом этмоқда.

МУНДАРИЖА

Дебоча	3
Давр шамоллари	4
Йўл бошида	10
Чиниқиши	18
Маданий-маърифий жабҳаларда	21
Адабий-бадиий соҳаларда	28
Ижодкорлий фаолияти	39
Юнус Мақсудийнинг ҳикояси	47
Унутилмас кунлар	51
Тантаналардан кейин	55
Мудҳиши анжуман	58
Изтироблар оғушида	63
Машъум кун	68
Тергов	72
Қатлдан сўнг	85
Хаёт давом этади	91

Наим КАРИМОВ

ҚУРБОН БЕРЕГИН КИСМАТИ

Илмий омабон нашр

Мұхтарріп *A. Ирисбоеев*
Бадиий мұхтарріп *A. Нарманов*
Техник мұхтарріп *T. Смирнова*
Мусаҳид *Ш. Нишинов*
Саҳифаловчы *A. Турсунов*

Босишга рухсат этилди 10.05.2006. Бичими 60x841/16.
Хажми 2,1 б.т. Нусхаси 1000. Буюртма №
Шартнома № / . Нархи келишилган асосда.

Алишер Навоий номидаги Ўзбекистон
Миллий кутубхонаси нашриёти

Алишер Навоий номидаги Ўзбекистон
Миллий кутубхонаси босмохонаси, X.Сулаймонова 33.
112